

**LE PASTORAL DE
SAINCT
GREGOIRE LE
GRAND.**

TRADUICT EN...

Gregorius 1.>, Nicolas
Guillebert





LE
PASTORAL
DE SAINT
GREGOIRE
LE GRAND.

TRADVICT EN FRANÇOIS
par M. N. GUILLEBERT,
Curé de Bernille.



A PARIS

Chez la Veuve NICOLAS BVON rue Sa
Iacques, pres les Mathurins.

M. DC. XXX V.

Avec Privilege du Roy, & Approbation.

13

PAID TO ORDER

GRAND

THE

OF

THE

OF

OF

OF

OF

OF

OF

OF

OF

OF

OF

OF



A L E A N D E R

Euesque de Seuille.



VOUS lisez en vostre cœur le desir que de i'ay de vous voir, pource que ie sçay que vous m'aymez fort. Mais ne pouuant auoir ce bien pour la distance qui est entre nous : ce que l'amitié m'a mis en l'esprit a esté de vous enuoyer par nostre cher & commun fils Probus Prestre, venu par deçà, le traicté du soin Pastoral, escrit au commencement de mon Pontificat, avec les liures que i'ay composez, comme vous sçaez il y a long temps sur l'exposition du bien-heureux Iob. Je ne vous enuoye pas neantmoins ceux de la troisiésme & quatriésme partie, n'ayant trouué que ces liures cy recueillis des volumes que i'ay déja donnez aux Monasteres. Vous prendrez donc la peine de les parcourir. Et aurez eneor plus de soin de plorer mes pechez, à ce que ie ne sois reputé dauantage coupable, pource qu'il semble que ie n'ignore point ce que ie negligé de faire. La briueté de cette lettre vous pourra donner à cognoistre combien ie suis accablé d'affaires en cette Eglise, escriuant si peu del'gnes à celuy que i'ayme sur tous.



AV TRES-REVEREND
Eusque Jean de Rauane.

P R E F A C E.



O v s m e reprenez avec beaucoup de respect neantmoins, & à bonne intention, mon tres-cher Frere, de ce que i'ay voulu m'exempter de la charge Pastorale, en me cachant : Et afin qu'il ne semble pas que ce soit vn petit fardeau, voicy que ie represente en ce Liure toute la pesanteur que i'y trouue; à ce que celuy qui est libre, ne la recherche pas sans sçauoir que c'est; & que celuy qui l'a recherchée sans en estre informé, craigne pour l'auoir obtenuë.

Ie diuise donc ce liure en quatre parties, pour faire que l'esprit du Lecteur y procede avec ordre, & comme par certains degrez. Car alors qu'un particulier est obligé de prendre la conduite des autres, il faut bien qu'il aduise comme il vient à cette charge, y viuant legitiment comme il y vit, & viuant bien comme il instruit, & en instruisant qu'il reconnoisse avec toute la consideration possible quelle est son infirmité. De peur, ou que l'humilité ne l'em-

pesche de s'en approcher; ou qu'y estant parueniu, sa vie ne responde point à sa condition; ou qu'il n'ayt pas la doctrine requise; ou que pour estre sçauant il ne deuienne presomptueux.

La crainte donc moderera premierement le desir: apres la vie rendra la personne recommandable en la charge qui n'aura point esté briguée. Puis il est necessaire d'espandre, & de faire fructifier par la doctrine la bonté qui paroist en les mœurs. Et finalement il reste que la cognoissance de son infirmité rauale toutes ses bonnes œuvres, de peur que la presumption ne les luy face perdre deuant les yeux de Dieu, qui en est le secret arbitre.

Et pource qu'il y a beaucoup d'impertinents comme moy, qui pour ne sçauoir pas mesurer leurs forces, veulent enseigner ce qu'ils n'ont iamais appris, & qui pensent que la charge de Pasteur soit d'autant plus legere qu'ils sçauent moins la grandeur de ce fardeau, ceux là seront reprimandez au commencement de ce liure, à ce que les ignorans & trop hasti- uement instruits, qui veulent monter à ces dignitez, soient punis de leur audacieuse, & temeraire precipitation dès l'entrée de ce discours.

Approbation des Docteurs.

NOus souz-fignez Docteurs en
Theologie, de la Faculté de Pa-
ris, certifions auoir leu & examiné, Le
Pastoral de saint Gregoire le Grand,
Paraphrasé en François par Mon-
sieur Guillebert, ausquels nous n'a-
uons rien trouué contraire aux sen-
timens de l'Eglise Catholique, Apo-
stolique & Romaine, ny aux bonnes
mœurs. Fait à Paris, ce cinquiesme iour
de May, mil six cens trente cinq.

CHAPPELAIN.

TE PASTEUR.

PRIVILEGE DV ROY.

LOVIS par la grace de Dieu, Roy de France & de Nauarre, à nos amez & feaux les Genstenas nos Cours de Parlemēt de Paris, Toulouze, Roüen, Bourdeaux, Dijon, Aix, Grenoble, & Bretagne, Bail-lifs, Preuosts. & Seneschaux desdits lieux, à tous nos autres Iusticiers & Officiers qu'il appartiendra, Salut, Nostre amee la veufue Nicolas Buon, Libraire en nostre Vniuersité de Paris, nous a tres-humblement fait remonstrer, qu'elle a recouuré vn Liure intitulé, *Le Pastoral de S. Gregoire le Grand, sommairement expliqué en forme de Paraphrase, par M. Nicolas Guillebert, Prestre & Curé de Bernille*: Duquel elle nous a fait apparoiſtre l'acte d'approbation, signé Chappelain & le Pasteur; & d'autant que ledit Guillebert a encore diuerſes autres œures à mettre au iour, elle nous a tres-humblement fait supplier de luy donner vn Priuilege general de ses Oeuures, lesquelles elle desireroit imprimer, si elle auoit sur ce nos Lettres requises & necessaires: A ces causes, desirant bien, & fauorablemēt traicter ladite exposante, & à ce qu'elle ne soit frustrée de ses fraiz & mises, nous luy auons permis & octroyé, permettons & octroyons d'imprimer, vendre & debiter lesdites Oeuures dudit Autheur, & cependant le tēps & espace de dix ans, entiers & consecutifs, à commencer au iour qu'ils seront achenez d'imprimer: Faisons tres-expresses inhibitions & defenses, à tous autres Libraires & Imprimeurs, & autres personnes, de

quelque qualité & conditiō qu'ils soiēt, d'imprimer, ou faire imprimer lesdits Liures, ny vendre, ny exposer en vente d'autre impressiō que de celle de ladite veufue Buon, ou de ceux qui auront charge d'elle, à peine aux contreuenans de quatre mille liures d'amende, moitié applicable à nous, & l'autre à ladite exposante, & de tous despens, dommages & intersts, & confiscation des exemplaires, à la charge que ladite Exposante en mettra deux exemplaires de chacū volume desdits Oeuures en nostre Bibliothèque, à peine d'estre descheuë du present Priuilege. Si vous mandons, & à chacun de vous enioignons, que du contenu en ces presentes vous fassiez ioüyr ladite exposante, & à ce faire contraigniez à souffrir, & obeir, tous ceux qui pour ce seront à contraindre par toutes voyes deuës & raisonnables: Et si voulōs qu'en mettant au commencement, ou à la fin desdits Liures, le contenu, ou extraict des presentes, elles soient tenuës pour deuëment signifiees, nonobstant clameur de haro, Chartre Normãde, & autres choses à ce contraire; car tel est nostre plaisir: Donnē à S. Germain en Laye le dixiesme iour de Decembre, l'an de grace mil six cens trente deux. Et de nostre Regne le vingt-troisiesme. Par le Roy en son Conseil, Signé PERROCHEL.

LE *Pastoral de saint Gregoire le Grand* a esté acheuē d'imprimer pour la premiere fois, le premier iour d'Aoust mil six cens trente cinq; Auquel iour commence à valider le Priuilege.

Les exemplaires de la Bibliothèque du Roy ont esté fournies, Signé DV PVIS.



LE SOIN
DES PRELATS,
ET LE DEVOIR
DES PASTEURS.

LIVRE PREMIER.

*Que les ignorans ne presument pas de
vouloir estre Pasteurs.*

CHAPITRE PREMIER.

AVCYN ne se melle d'en-
seigner vn mestier, que
premierement il ne l'aye
luy-mesme avec beau-
coup de soin appris. C'est donc vne

A

temerité grande aux ignorans, de prendre la dignité pastorale; pour ce que la conduite des ames est le mestier des mestiers. Qui ne sçait que les playes de l'ame sont bien plus secrettes que les blessures qui sont en la chair?

*Gregoire
Nazian.
en son
Epol.*

On en void souuent neantmoins qui ne font point conscience d'entreprendre la cure des ames, encor qu'ils n'entendent rien en la doctrine spirituelle; combien que ceux qui ne sont pas versez en la medecine autoient honte d'entreprendre la guerison des corps. Pource qu'en ce temps, où, graces à Dieu, toute la grandeur du siecle s'est soumise au respect de la vraye Religion; il y en a dans la sainte Eglise, qui souz pretexte de la charge Pastorale, n'affectent que l'honneur, & la vaine gloire: qui desirerent estre estimez Do-

DU DEVOIR DES PAST. 3

cteurs; qui veulent s'esleuer au dessus
des autres, qui recherchent les pre-
miers saluts; & comme le tesmoigne *Matth. 23. 11*
la Verité mesme, qui veulent les pre-
mieres places aux festins, & les plus
honorables chaires aux assemblées?
& ces hommes sont d'autant moins
capables d'exercer l'Office de Pa-
steur, qu'ils n'y sont paruenus que
par la seule ambition: Pour ce qu'en
cette dignité la langue se confond,
enseignant autre chose que ce qu'el-
le auoit appris.

Aussi c'est de ces personnes là que *osée 8.*
nostre Seigneur se plaint par le Pro-
phete, disant; Ils ont eu le com-
mandement, mais non pas de moy:
ils ont esté les principaux, & ie n'en
ay rien sçeu: Car ceux là dominent
d'eux mesmes, & non de l'autorité
du suprefme Seigneur, qui sans la
recommandation d'aucun merite, &

portez seulement de leur propre conuoitise, vsurpent plustost qu'ils n'obtiennent la charge de Pasteurs : lesquels cependant le souuerain Iuge des intentions, auance en cette sorte sans les aduoüer, pource qu'au temps que sa permission les tollere, au mesme temps sa reprobation les mesconnoist.

*Luc. 19.
Esai. 56.
Jerem.
2.*

Ce qui luy fait dire à quelques vns, quoy qu'apres auoir operé des miracles, retirez-vous ouuriers d'iniquité, ie ne sçay qui vous estes. Et cette mesme voix de la Verité blasme l'ignorance des Pasteurs, disant par son Prophete ; les Pasteurs n'ont point esté pourueus d'intelligence; Nostre Seigneur les deteste aussi par ces paroles, ceux qui tiennent la loy ne m'ont point cogneu; la Verité donc se plaint d'estre mescogneüe d'eux, & proteste semblablement qu'elle ne

DV DEVOIR DES PAST.

reconoisttra point ceux qui la mes-
cognoissent. Pource que celuy qui
ne sçait pas ce qui est de Dieu est aus-
si mescogneu de Dieu, selon que le
tesmoigne saint Paul, si quelqu'un *Corinth.*
est ignorant, il sera pareillement *14.*
ignoré.

Laquelle ignorance des Pasteurs
est bien souuent en punition de ceux
qui leur sont commis: Car bien que
ceux là par leur propre faüte soient
despourueus de la lumiere descience,
c'est par le iuste iugement de Dieu
toutesfois que ceux-cy qui les suiuent
viennent à se perdre. Ce qui don- *Matth.*
noit sujet à nostre Seigneur de dire *15.*
en l'Euangile, Si vn Aueugle conduit
vn autre Aueugle, ils tomberont
tous deux en la mesme fosse. Et le *psalm.*
Psalmiste disoit, non en le souhait- *68.*
tant, mais en le prophetisant, Que les
yeux de ces impies soient obscurcis,

afin de ne voir point, & leur courbez le dos pour iamais. Dautant que ceux-là se peuuent dire estre les yeux, qui constituez aux plus hautes dignitez, comme en la teste, sont obligez à la preuoyance du peuple qui leur est commis, & qui les suiuant, est ainsi que le dos au dessous d'eux. Quand les yeux donc sont obscurcis, le dos se courbe : à raison que si les Principaux perdent la lumiere de science, tous les autres qui vont apres, flechissent dessouz le fardeau de tant de pechez qui leur conuient porter.

*Que nul ne presume d'estre Pasteur, si sa
vie ne respond à sa science.*

CHAPITRE II.

AVssi s'en trouue t'il qui recher-
chent diligemment les prece-
ptes spirituels, & qui neantmoins ne
font gueres d'estat de tout ce qu'en
estudiant ils ont appris. Qui fait que
le Pasteur cheminant par les lieux
écharpez, le troupeau pareillement le
suit dans le precipice.

C'est pourquoy nostre Seigneur ^{Exech.}
se plaint de la science inutile, disant, ^{34.}
Quand vous auiez beu, vous autres
Pasteurs, l'eau claire & nette, vous
fouilliez celle qui restoit avec vos
pieds, mesouïailles se repaissoient de
ce que vous auiez foulé aux pieds, &
ne s'abreuioient que de l'eau que
vos pieds auoient troublée: Or c'est

troubler avec les pieds la mesme eauë; lors qu'en viuant mal on corrompt ce qu'en l'exercice de la sainte meditation l'on auoit acquis de bien. Les troupeaux s'abreuuent de l'eauë que les Pasteurs ont infectée, toutes les fois que ceux qui leur sont soumis, n'ensuiuant pas les paroles qu'ils entendent, imitent seulement les mauuaises œuures qu'ils voyent; qui estant alterez apres ce qu'on leur dit, & se peruertissant par les œuures qu'on leur monstre, comme aux fontaines corrompuës, ne boient que de la fange.

zech.
44.

Aussi dans le Prophete il est escrit, les mauuais Prestres sont des laqs à la perte de mon peuple. Et nostre Seigneur encor parlant des Prestres meschans, ils sont à la maison d'Israël vn achopement d'iniquité. Car il n'y a point de personnes plus nuisibles à la

maison de Dieu, que ceux qui viuant mal, tiennent vn rang, ou portent vn nom de saincteté, pource qu'aucun n'ose les reprendre, & le peché se tourne aussitost en exemple, alors que l'on fait honneur à celuy qui le commet, pour le respect de sa qualité.

Ceux donc qui se recognoissent indignes s'empescheront bien d'attirer sur eux le faix d'un si grand malheur, si de l'oreille du cœur ils escoutent attentiuement cette sentence de la Verité, disant : Quiconque scandalize le moindre de ceux qui croient Matth. 8 en moy, il vaudroit mieux qu'ayant vne meule de moulin pendue au col, on le jettast au fond de la mer. Par la meule de moulin s'entend le tournoyement & le trauail assidu de la vie seculiere, & par le fond de la mer, la damnation finale. Quiconque donc s'estant en apparence appro-

ché d'une sainte Profession, destruit les autres, ou par sa parole, ou par son exemple, il vaudroit mieux pour luy que sous vn habit laïque il demeurast embarrassé dans les tracas des affaires de la terre, que de se rendre imitable au mal par vn office sacré, d'autant que s'il tomboit seul, il ne seroit pas si rigoureusement puny dans les enfers.

Des difficultez de la conduite, en ce qu'il faut mespriser les aduersitez, & craindre les prosperitez.

CHAPITRE III.

Nous auons dit sommairement cecy, pout faire entendre combien pesante est la charge de cōduire les ames, afin que celuy qui n'en est

DV DEVOIR DES PAST. II
point capable ne soit pas si hardy que
d'oser profaner vne dignité si sa-
crée, & d'entreprendre à mener les
autres en perdition. C'est la pieuse
defense que faisoit saint Iacques, di-^{Iac. 5.}
sant, qu'il n'y ait point plusieurs mai-
stres parmy vous, mes freres.

Ce fut pour ce sujet que le Media-
teur de Dieu & des hommes ne vou-
lut pas regner sur la terre : car il est es-^{Iean 6.}
crit: Iesus cognoissant que l'on deuoit
venir pour l'enleuer, & le faire Roy,
s'enfuit derechef seul en la môtagne.
Qui pouuoit mieux regir les hômes
sans aucune faute que celuy qui n'au-
roit regy que ceux qu'il auoit créez?
Et d'autant qu'il estoit venu sur la
terre, non seulement pour nous rache-
ter par sa Passion, mais pour nous in-
struire aussi par sa conuersation, don-
nant exemple à ceux qui le suiuoient,
il ne voulut pas estre Roy.

Il approcha volontairement de la croix pour y estre attaché, & rechercha l'opprobre de la mort, afin que ses membres apprissent à fuir les faueurs, & à ne redouter point les frayeurs du monde; d'aimer les aduersitez pour la verité, & de redouter les prosperitez en les esquiuant. Car celles-cy souuent infectent le cœur en le souleuant, & celles-là le purgent par la douleur. En celles-là le courage se redresse, & celles-cy l'abaissent, quand mesme il est esleué. En celles-cy l'homme s'oublie, & en celles-là malgré qu'il en aye il est contraint de se souuenir de sa condition. Ordinairement l'on perd en celles-cy les bonnes œuures faites depuis vn long espace: & toutes les offenses commises long temps auparauant sont expiées en celles-là. Pour ce que l'aduersité qui presse le cœur, l'instruit en

le maistrisant, mais s'il vient à gagner le dessus, communement la vaine gloire l'emporte, & le peruertit.

Aussi Saül qui pour se considerer premierement se reputant indigne, auoit pris la fuite, si tost qu'il eut en main le gouuernement du Royaume, s'en orgueillit : car desirant estre honoré deuant le peuple, & ne voulant pas estre publiquement repris, il esloigna de sa personne celuy mesme qui le consacrant de la sainte Onction, l'auoit fait Roy.

Ainsi Dauid qui auoit esté presques en toutes ses actions agreable au iugement de son Createur, si tost qu'il ne se vid plus pressé d'aucune affliction, s'enfla par vne grande playe, cruellement rigoureux en la mort d'Vrie, apres auoir laschemēt desbauché sa femme. Luy qui sçauoit auparavant pardonner aux meschants, il

apprit à ne pardonner pas aux gens de bien; dautant qu'il auoit espargné celuy qui cherchoit à le tuer: & depuis aux despens de son armée exposée en peril, il fit mourir vn de ses plus fideles Capitaines. Crime certes qui l'auroit grandement esloigné de la compagnie des Saints, si la penitence qui luy fit obtenir pardon, ne l'y eust restably depuis.

Que l'occupation du commandement empesche quelquesfois que l'esprit ne soit arresté.

CHAPITRE IV.

Bien souuent il arriue que le soin du commandement met l'esprit fort en peine, pour auoir attention à diuerses ehoses: & que pour estre di-

uisé confusément à beaucoup de sujets, on ne peut satisfaire à chacun en particulier.

A raison dequoy le Sage donne cét aduis: Que tes actions, mon fils, ne Ecc. 11. soient en multitude; Pource que la pensée ne peut estre assez bien recueillie à regler vne œuvre comme il faut, quand elle est partagée à plusieurs sollicitudes, & quand par des soucis extraordinaires elle est attirée dehors, elle sort de la crainte interieure, son plus solide repos.

L'ame occupée à disposer de l'exterieur se mesconnoist, & pense à toute autre chose qu'à soy-mesme, pendant qu'elle s'amuse aux distractions qui l'embroüillent plus que la nécessité ne le requiert; ces embarrassemens qui l'empeschent, & la destournent du chemin, luy font oublier le lieu où elle alloit, & diuertie

de sa propre recherche, elle ne considère point son dommage, & ne voit plus ses manquements.

Isaie 39. Ezechias ne croyoit pas offenser Dieu, quand il monstroit ses tresors aux estrangers: mais aux despens de son successeur il esprouua la vengeance diuine d'une action qu'il auoit estimé luy estre licite. D'autant qu'en l'abondance, & quand on a le pouuoir de faire beaucoup de choses, pour estre admiré de ses inferieurs, l'esprit ordinairement s'esleue en ses pensées, & prouoque sur soy l'ire de Dieu, quoy qu'il ne produise aucune action mauuaise. Pource que le Iuge est dedans nous, & que c'est le dedans qui est iugé: quand nous manquons en l'interieur, le mal que nous commettons est incogneu des hommes, mais Dieu ne laisse pas de le cognoistre.

Daniel 4

Le superbe Roy de Babylone ne com-

commença pas d'estre coupable de presumption, quand il proféra des paroles presumptueuses; attendu que par la bouche du Prophete, & auant qu'il eust rien dit, il auoit déja receu sentence de reprobation: Car il auoit auparauant fait penitence de son orgueil, lors qu'il fit adorer par toutes les Nations de son Empire, le Tout-Puissant qu'il sçauoit auoir offensé. Mais apres eleué du prospere succez de sa domination, comme il s'éjoüissoit d'auoir executé de grandes choses, il se prefera premierement en la pensée à tous les autres: & apres se presumant encor, il dit, Est-ce pas icy Babylone la grande que i'ay moy-mesme edifiée pour le siege de mon Empire, par mes propres forces, & en la splendeur de ma gloire? Ce propos attira sur luy la colere vengeresse que la presumption secrette auoit allu-

mée! Le iuste Iuge ayant inuisiblement déja veu ce qu'il punit depuis en le touchant visiblement: car il rendit ce presomptueux comme vn animal irraisonnable, le separant de la societé des hommes, & luy changeant l'esprit il l'enuoya tenir compagnie aux bestes des champs; afin que par vn seuer & iuste iugement, celuy là cessast mesme d'estre homme, qui s'estoit estimé plus que les hommes.

Or cecy n'est pas à dessein de blâmer la puissance du commandement, mais seulement pour en arrester la conuoitise aux esprits foibles, à ce que les imparfaits ne s'auantagent pas de monter aux grandes Charges, & que ceux qui ne se peuent tenir qu'à peine sur les pieds en vne place egale, n'entreprennent point de gravir aux precipices.

*De ceux qui pourroient profiter au public,
estant dans les charges, & les
refusent pour aymer le repos.*

CHAPITRE V.

CAR il y en a qui reçoivent de
Dieu des dons excellents, &
qui pourroient gouverner les autres
hommes, estant honorez de tres-
grandes graces; Qui sont douëz d'une
tres-pure Chasteté, fortifiez d'une
singuliere abstinence, remplis de do-
ctrine, garnis de patience & d'humili-
té, munis de constance & d'autho-
rité: pieusement doux, & iustement
seueres: lesquels appelez à la dignité
Pastorale, s'ils la refusent, ils perdent
au mesme temps le merite de toutes
ces graces, qui ne leur ont pas esté

departies pour eux seulement, mais aussi pour les autres. Et lors qu'ils ne considerent que leur propre contentement, ils se priuent du bien, dont ils desirent auoir seuls la iouissance.

Math. 5. C'est pourquoy la Verité mesme disoit à ses disciples, Vne ville située sur vne montagne ne peut estre cachée, & l'on n'allume point vne lumiere pour la mettre souz le boisseau, mais sur le chandelier, pour esclairer à tous ceux de la maison.

Jeau. 21. Et nostre Seigneur disoit à saint Pierre, Si tu m'aymes, pais mes ouailles. Si donc le soin de repaistre est la demonstration d'amour, quiconque est capable, & refuse de repaistre le troupeau, donne à cognoistre qu'il n'ayme point le Souuerain Pasteur.

2. Corinth. 5. Saint Paul aussi disoit, Si Iesus Christ est mort pour tous, ils sont donc tous morts : & s'il est mort

DV DEVOIR DES PAST. 21

pour tous, il faut que ceux qui sont vi-
uants, ne vivent plus pour eux, mais
pour celuy qui est mort, & ressuscité
pour eux.

Dauantage la loy de Moyse com-
mande que le frere suruiuant prenne
la femme de son frere decede sans en-
fans, & qu'il engendre des enfans qui
portent le nom de son frere. S'il refuse
de la prendre, que la femme luy cra-
che en la face, que son voisin luy de-
chausse vn de ses pieds, & que sa mai-
son soit desormais appellée la mai-
son du dechaussé. Nostre frere de-
funct est celuy qui apres la gloire de
sa Resurrection s'est apparu, disant,
Allez annoncer à mes freres. Il est
mort comme sans enfans, pource
qu'il n'a point encor fourny le nom-
bre de ses Eleuz. Le frere suruiuant
a commandement de prendre la
femme de celuy là: pource qu'il est

*Deuteroc
nome 25.*

raisonnable d'imposer la charge de l'Eglise à celuy qui la peut suffisamment gouverner. S'il refuse de ce faire, que la femme luy crache en la face, pource que celuy qui ne veut pas estre profitable aux autres, merite d'estre diffamé par l'Eglise, à cause de ses biens qu'il employe si mal; & d'estre en quelque façon deshonné, comme si elle luy crachoit au visage. On luy dechausse vn de ses pieds, afin que la maison soit appelée la maison du dechaussé; d'autant qu'il *aphef. 6.* est escrit, Ayant les pieds chauffez en la preparation de l'Evangile. Donc si nous auons autant de soin du salut de nostre prochain, que de nous mesme, nous auons les deux pieds chauffez: Mais celuy qui pour le regard de son humilité neglige son prochain, est comme s'il auoit non seulement perdu l'vn de ses souliers,

Il y en a donc qui sont riches de grands talents, & lesquels, comme j'ay dit, refusent de condescendre à l'utilité des autres en les instruisant: pource qu'ils aiment le secret du repos, & n'affectionnent que la retraite de la meditation. De quoy si on les iuge à la rigueur, sans doute ils seront autant coupables, comme ils auroient fait de profit, s'ils eussent voulu venir aux charges publiques. Car avec quelle assurance celuy qui se rendroit vtile à son prochain, paroissant en dignité, preferera-t'il son contentement particulier, si le Fils unique du Pere Eternel pour se rendre vtile à plusieurs, a quitté le sein de son Pere, & s'est exposé publiquement au milieu de nous?

Que ceux qui refusent les charges par
humilité, sont vraiment humbles,
quand ils ne résistent point
à la volonté de Dieu.

CHAPITRE VI.

Semblablement il y en a qui
suyent d'estre promoteurs aux char-
ges pour la seule humilité, de peur
d'estre préferrez à ceux qu'ils estiment
estre plus qu'eux. Cét humble senti-
ment qu'ils ont d'eux mesmes estant
encor accompagné des autres ver-
tus, est agreable aux yeux de Dieu,
lors qu'ils ne s'opiniaient point au
refus des dignitez, ou pour le bien
public on les appelle.

Car celuy-là ne se peut dire vraye-
ment humble qui sçait que c'est la

DV DEVOIR DES PAST. 25
volonté de Dieu qu'il accepte vn tel
office, & persiste neantmoins à le re-
fuser. Mais tout homme qui se sou-
met entierement à la disposition Di-
vine, & ne s'obstine point contre son
ordonnance, alors qu'il luy est enjoint
de monter à la dignité du comman-
dement, s'il se cognoist preueni des
graces requises, pour estre vtile aux
autres, il le refusera bien en son cœur,
& cependant il ne laissera pas d'obeïr
contre son gré.

Que ceux qui refusent les charges par
humilité, sont vraiment humbles,
quand ils ne résistent point
à la volonté de Dieu.

CHAPITRE VI.

Semblablement il y en a qui
suyent d'estre promoteux aux char-
ges pour la seule humilité, de peur
d'estre préferrez à ceux qu'ils estiment
estre plus qu'eux. Cét humble senti-
ment qu'ils ont d'eux-mêmes estant
encor accompagné des autres ver-
tus, est agreable aux yeux de Dieu,
lors qu'ils n'es'opinia'strent point au
refus des dignitez, ou pour le bien
public on les appelle.

Car celuy-là ne se peut dire vraye-
ment humble qui sçait que c'est la

5
DV DEVOIR DES PAST. 25
volonté de Dieu qu'il accepte vntel
office, & persiste neantmoins à le re-
fuser. Mais tout homme qui se sou-
met entierement à la disposition Di-
uine, & ne s'obstine point contre son
ordonnance, alors qu'il luy est enjoint
de monter à la dignité du comman-
dement, s'il se cognoist preueni des
graces requises, pour estre vtile aux
autres, il le refusera bien en son cœur,
& cependant il ne laissera pas d'obeïr
contre son gré.

Que plusieurs quelques fois avec raison recherchent de prescher: & que l'on en contraint quelques uns de faire cette charge malgré qu'ils en ayent.

CHAPITRE VII.

Toutesfois il s'en trouue qui desirerent louablement l'office de Predicateur, & d'autres aussi que l'on contraint iustement de faire cette charge. Ce que nous recognoistrions estre veritable, si nous considerons le fait de deux Prophetes, dont l'un se presenta volontairement, à ce qu'il fust enuoyé prescher, ce que l'autre avec beaucoup de crainte refusa de faire. Car le Seigneur demandant quelle personne il enuoyeroit, Esaye

se presenta de son bon gré, disant, Me voicy, enuoyez moy: Mais Ieremie fut enuoyé quoy qu'il refusast humblement cette commission, & qu'il dist, A, A, A, Seigneur mon Dieu, ie ne puis parler, pource que ie ne suis qu'un enfant: l'un & l'autre donnant différentes responses, quoy que les deux procedassent d'une mesme source d'amour. Pource qu'il y a deux preceptes de charité, à sçauoir l'amour de Dieu, & du prochain. Esaye donc desirant profiter au prochain par la vie active, demande l'office de la Predication: & Ieremie pour vouloir s'attacher à l'amour de son Createur parla contéplation, a de la repugnance à prendre la charge de prescher: ainsi ce que l'un souhaite à bonne intention, l'autre semblablement à bonne intention le refuse; celui-cy de peur que la parole ne luy fasse per-

dre le bien de la contemplation; & celui-là de crainte d'estre priué du fruit d'une bonne action par le silence.

Mais aussi faut-il remarquer attentivement que celui qui refuse ne soit pas opiniastre à résister, & que l'autre qui accepte se voye premièrement purgé par le caillou brulant de l'Autel, afin que sans purgation nul ne s'approche du sacré ministère, & que celui que la grace divine choisit pour cet effet, sous prétexte d'humilité ne la refuse pas obstinément. Et d'autant qu'il est très-difficile de sçavoir si l'on est purgé, le plus seur est de s'excuser de la charge de la predication, en telle sorte néanmoins que ce soit sans opiniastrerie, quand on reconnoist y estre appelé de Dieu.

C'est ce que Moïse sceut admirablement bien pratiquer, qui ne vou-

loit pas commander à vne si grande multitude; & neantmoins il se rendit obeissant: car on l'auroit parauanture blasmé d'vne extreme presumption, si sans rien apprehender il eust entrepris la conduite d'un peuple si nombreux. Aussi d'ailleurs eust-il esté vraiment presumptueux de refuser d'obeir au commandement de son Createur: En l'vne & en l'autre façon donc il parut humble, & se soumit à la volonté Diuine, en quelque sens qu'on le veille prendre. Mesurant ses forces, il craignoit d'estre preposé sur tant de peuple; & considerant le pouuoir de celuy qui luy commandoit, il consentit à ce qu'il desiroit de luy. De cecy les temeraires apprendront quelle offense ils commettent quand ils ne font point difficulté de se preferer aux autres de leur propre mouuement, veu que les saints personnages

n'osoient pas entreprendre la conduite des peuples, combien qu'ils eussent le commandement de Dieu. Moÿse tremble encor que Dieu le persuade; & le plus imbecile aspirera cependant aujourd'huy de s'eleuer aux prelatures. Il ne peut se soustenir deffous la pesanteur de son propre poids qui l'accable, & veut mettre deffus son col le faix des autres: il ne scauroit soufleuer ce qu'il a de soy-mesme, & ne cesse d'accroistre encor le fardeau qu'il veut porter.

De ceux qui desirant estre Prelats, usurpent le dire de l'Apostre, pour l'accommoder à leur conuoitise.

CHAPITRE VIII.

IL en est aussi bien souuent qui desirant des prelatures, prennent pour s'en seruir comme d'un instrument propre à leur ambition, le texte de l'Apostre, où il est dit: Si quelqu'un desire un Euesché, c'est vne bonne œuvre qu'il desire. Toutesfois saint Pol louant le desir, tourne aussitost en crainte ce qu'il a loué, quand il adjouste incontinent: Mais il faut qu'un Euesque soit exempt de reproche; & faisant le dénombrement des vertus necessaires, il monstre en quoy

consiste d'estre irreprochable. Il fa-
uorise donc quant au desir, mais il
espouuente quant au commande-
ment, comme si clairement il disoit,
Ie louë ce que vous recherchez; mais
apprenez premieremēt que c'est que
vous recherchez, de peur que negli-
geant de vous mesurer vous mesmes,
vos defauts ne paroissent d'autant
plus manifestement, que vous vous
auancez trop tost de vous faire voir à
tout le monde au sommet de ces di-
gnitez.

Car cēt excellent maistre au fait
du gouuernement, incite en favori-
sant, & destourne en intimidant, afin
que representant à ses auditeurs le
comble de la perfection, il les empes-
che d'estre presumptueux, & que
louant l'office qu'ils desirent, ils ap-
prennent à regler leur vie. Encor qu'il
soit semblablement à remarquer que
cecy

cetcy se disoit en vn temps, où quiconque estoit Prelat du peuple, estoit le premier conduit au martyre.

C'estoit alors vne chose louïable de desirer vn Euesché, quand infailiblement par cette voye on alloit aux plus rigoureux supplices. C'est pour ce sujet que l'office d'Euesque est exprimé par cette definition vne bonne œuvre: Lors qu'il est dit, que celuy qui desire vn Euesché, desire vne bonne œuvre. Celuy-là donc est tescmoin à soy-mesme de ne desirer point vn Euesché, qui par ce moyen recherche non le ministere d'une bonne œuvre, mais la gloire & l'honneur.

Car quiconque aspirant à la dignité de Prelat, se repaist en soy-mesme d'un vain desir de se rendre les autres assujettis, esleuant son cœur à l'ambition, & se proposant l'abondance des biens; non seulement il n'aime point

cét office, mais il ne sçait pas mesme que c'est. On cherche le gain temporel sous le pretexte de cet honneur, avec lequel on deuroit renuerfer l'avarice du siecle: se portant à l'vsurpation du comble de l'humilité, pour s'en orgueillir l'esprit interieurement, ce qu'il desire à l'exterieur.

*Que ceux qui pretendent aux dignitez
Pastorales, ordinairement se flattent
du desir qu'ils ont de bien faire.*

CHAPITRE IX.

IL arriue aussi d'ordinaire que ceux qui poursuiuent d'estre promeus à la charge de Pasteurs, se proposent en l'esprit de faire quelque bien: & quoy que ce desir procede d'une ambitieuse affection, ils ont neátmoins dessein

de mettre en execution beaucoup de bons desirs: D'où il aduient que leur intétion supprime vne chose au fond del'ame, & en font paroistre vne autre en la surface de la pensée.

Car l'hôme en ce qu'il pense souvent, se deguise à soy-mesme, & se figure sur vn loüable sujet d'auoir en affection quelque bône œuure, qu'en effet il n'aime pas. Et suppose que de la gloire du monde il ne demande point ce que toutefois il recherche veritablement. Desirant l'autorité du cōmandement, il est craintif en sa poursuite, & audacieux l'ayant obtenüe. Car pour la crainte de n'y paruenir pas, il tremble, & si tost qu'il est paruenü au poinct de son desir, il croid n'auoir que ce qui luy estoit iustement deub. Et commençant d'entrer en jouissance selon le monde, de la dignité Pastorale, il met incontinēt

en oubly les pensées qu'il auoit de la pieté.

C'est pourquoy lors qu'on se propose ces desirs inuolitez, il est necessaire de faire vne reueuë dessus sa vie passée, & de chercher ce que l'on a fait quand on estoit en sujettion; alors on cognoistra si quand on sera dans la Prelature on pourra faire le bien que l'on s'est persuadé. Car celuy-là n'aprendra iamais l'humilité dans la charge Pastorale, qui ne manquoit pas de presumption avec les moindres: il ne mesprisera pas les louanges quand on l'exaltera, s'il affectoit d'estre loüé, lors qu'il n'en auoit aucune occasion. Il ne pourra fouler aux pieds l'auarice quand on luy confiera le bien d'autruy pour la nourriture des pauvres, si de son propre il n'en auoit assez pour luy seul.

Que chacun donc considere com-

me il viuoit auparauant, à ce que desirant la Prelature, il ne se trompe en l'imagination de sa pensée, quoy qu'il arriue maintesfois que les occupatiōs de la charge de Pasteur font perdre l'vsage des bōnes œuures qu'on auoit estant en repos.

Car il n'y a Marinier si pou duit au nauigage qui ne se conduise assez bien avec sa barque, si la mer n'est point esmeuë: mais quand la tempeste esleue ses flots, les plus experts se trouuent en confusion. Quel est l'exercice de la puissance Pastorale, sinon vne agitation d'esprit? où pendant que la nacelle du cœur est agitée d'un trouble continuel de pensée, elle est incessamment de-jettée deçà, delà: de sorte que venant à donner contre le desordre ou de la parole, ou de l'action, elle y fait bris comme à la rencontre des bans & des

rochers. En cecy donc que doit-on faire, & quelle route faut-il tenir? sinon que le plus habile n'entreprendra point l'office de Pasteur, si par commandement on ne l'y contraint: & celuy qui n'a point de capacité, n'en approchera pas encor que l'on l'y vueille contraindre.

Que le premier, s'il refuse avec obstination, garde que pour auoir lié son argent dâs le suaire, il ne soit condamné de ce qu'il l'a tenu caché. Car c'est lier son argent dans le suaire, que de cacher sous vne lente & morne oisuieté le talent qu'il auoit receu. Mais au contraire, que cét autre affectant vne telle dignité, craigne que pour le mauuais exemple de ses iniustes actiôs en la façon des Pharisiens, il n'empesche les autres d'entrer au Royaume des Cieux, pource que, selon le dire du souuerain Pasteur, ils

n'y entrent pas eux-mêmes, & ne permettent pas que les autres y entrent.

Aussi doit-il considerer qu'estant esleu Pasteur pour auoir le soin du peuple, c'est comme vn Medecin qui vient pour la guerison du malade. Que si ses passions viuent encor en ses deportements, avec quelle hardiesse entreprend-il de guerir les autres, luy qui monstre luy-mesme sa maladie dessus sa face.

Quel doit estre celuy qu'on veut promouvoir à la dignité Pastorale.

CHAPITRE X.

CEluy-là donc, par toute sorte de voyes, doit estre attiré pour donner exemple de bien viure, qui

mourant à toutes ses passions sensuelles, vit déjà spirituellement. Qui ne fait aucun estat des prosperitez du monde. Qui ne craint nulles aduersitez. Qui ne desire que les biens de l'ame. Qui n'a ni le corps par trop imbecile, ny l'esprit repugnant à ses bonnes intentiós. Qui ne conuoite point les biens d'autrui, mais dónne plustost le sien. Qui pour estre d'un naturel debónaire est plus enclin à pardonner, & neantmoins pour ne pardonner pas plus qu'il ne faut, ne se destourne point de la droicte de Iustice. Qui ne commet rien d'illicite, mais qui deplore, comme ses propres fautes, le mal que les autres font. Qui par vne affectueuse tendresse de cœur compatit à l'infirmité des autres, & se resioüit autant de la prosperité de son prochain que de la sienne propre. Qui se rend tellement imitable aux

autres en tous ses deportemens, qu'au milieu d'eux il n'y ait rien qui le fasse mesme rougir du passé. Qui s'estudie de viure en telle façon, qu'il puisse humecter les cœurs les plus arides, comme d'une feconde source, par ses salutaires instructions. Qui par le frequent vsage de la priere, sçait obtenir de Dieu tout ce qu'il luy peut demander: & que ce soit de luy qu'en esprit Prophetique il ait esté dit autresfois, alors que tu parleras encor, ie te diray, me voicy,

*Qui sont ceux qui ne doiuent point venir
aux Prelatures.*

CHAPITRE XI.

SI d'auenture quelqu'un venoit à nous, afin de nous mener interce-

der pour luy vers quelque grand Seigneur irrité, duquel nous n'eussions aucune cognoissance: nous respondrions aussi tost, nous ne pouuons y aller, pource que nous n'auôs point d'accès pres de celuy dont vous nous parlez. S'il est ainsi que l'homme aye honte de se rendre intercesseur vers vn autre homme qu'il ne cognoist point, avec quelle assurance entreprendra d'interceder pour le peuple enuers Dieu, celuy qui n'en a pas de cognoissance, & qui par les merites de sa vie ne s'est point acquis de faueur aupres de luy?

Car en quelle façon osera-t'il demander pardon pour les autres, s'il ne peut luy-mesme faire sa paix? Aussi, certes, est-il encor plus à craindre que celuy que l'on estime deuoir appaiser l'ire de Dieu, ne l'irrite dauantage pour ses propres crimes; veu que

nous ſçauons tous manifeſtement, que quand on ſe veut ſeruir de l'interceſſion d'une perſonne odieuſe, l'eſprit de celuy que l'on veut appaiſer en eſt encor plus irrité. C'eſt pourquoy quiconque eſt engagé dans les affections de la terre, qu'il craigne qu'allumant dauantage la fureur du tres-iuſte Iuge, il ne ſoit cauſe pluſtoſt de la ruine, que du ſalut de ſon troupeau.

Que chacun donc ſe meſure prudemment pour n'entreprendre la conduite du peuple, ſi le vice regne en luy meſme à ſa condamnation, & qu'eſtant criminel pour ſes propres offenſes, il ne ſe meſſe pas de prier pour les autres. Attendu qu'il fut dit à Moyle de la part de Dieu, Tu parleras à ton frere Aaron, & luy diras que l'homme de ta ſemence, qui par les familles aura quelque tache, n'offre

pas les pains à Dieu son Seigneur, & qu'il n'approche pas de son ministère. Puis il adioust vñ peu apres, s'il est aueugle, si boiteux, s'il a le nez petit, ou grand, & tors, si la main estropiée, ou le pied rompu; s'il est bossu, s'il est chassieux, ou s'il a le blanc en l'œil, s'il est grateleux, ou si galeux par tout le corps, s'il est greué.

Pource que vraiment aueugle est celuy qui n'a point la clarté de la contemplation, & que les tenebres de cette vie presente offusquent pour ne voir, & pour n'aymer point la lumiere à venir, à laquelle il puisse adresser les pas de ses actions. Ce qui faisoit dire à la Prophetesse Anne, parlant du Seigneur, Il gardera les pieds de ses Saints qu'ils ne se fouruoyent, & les impies ne sçauront que dire au milieu des tenebres.

Le boiteux est celuy qui void

bien où il doit aller, mais pour l'imbecillité de son esprit, il ne peut suiure le chemin de la perfection, encor qu'il le cognoisse : Dautant que faute de se souldtenir en l'estat de la vertu, pour la coustume qui le rend lasche, ses pas ne le peuuent porter efficacement où le desir le fait aspirer : Selon ce que disoit saint Pol, Leuez vos mains abbatuës, & souldenez vos genoux tremblans, que personne de vous n'aille plus clochant en erreur.

Le nez court est celuy qui manque de discretion : Car c'est avec le nez que nous discernons les odeurs bonnes ou mauuaises; & la discretion est tres-bien par le nez, puis qu'elle nous fait choisir les vertus, & reietter les vices. Aussi dans les louanges de l'Espouse il est dit, Vostre nez est comme la tour qui est sur le Liban; Dau-

tant que la sainte Eglise recognoist, & descouure par la discretion, les tentations qui peuuent proceder de chaque chose, & preuoid d'en haut les af-fauts des vices.

Mais il en est aucunes fois, qui pour ne vouloir pas estre estimez stupides, par ie ne sçay quelles informations plus curieuses que la raison ne veut, se trompent eux mesmes à force d'estre subtils. Et c'est pour ceux-là que l'Escriture adioust, ou le nez grand & tors. C'ette sorte d'imperfection n'estant autre qu'une subtilité de discretion immoderée, qui venant à l'excez, & outre la bien-seance, empesche la iustice de son action.

Celuy là de plus, a le pied, ou la main rompuë, qui ne peut du tout cheminer en la voye de Dieu, ny se mettre en deuoir de faire de bonnes œuures, veu qu'il n'est pas boiteux,

DV DEVOIR DES PAST. 47
ou blessé seulement en la main, mais
en ce qu'il est entierement priué de
l'usage de l'un ou del'autre.

Par le bossu s'entend celuy que le
faix des terrestres sollicitudes accable
en telle façon, qu'il ne peut leuer les
yeux au Ciel, & ne regarde que les
choses basses que l'on foule aux
pieds : & si quelques fois il entend
parler du celeste séjour des bien-
heureux, le fardeau des mauuaises ha-
bitudes dont il est affaissé ne luy per-
met pas de leuer la face de son cœur,
& d'y pouuoir adresser ses pensées
courbées par vn long usage dans les
souds de la terre. Et c'est en la person-
ne de celuy-là que parloit le Psalmiste,
disant, Je suis courbé de long-temps, &
humilié pour tousiours ; & la Verité
par elle mesme reprouuât le peché de
cette sorte de personnes, disoit, la se-
mence qui est tombée dans les espi-

nes sont ceux qui entendent la parole de Dieu; mais estant suffoquée des soucis des richesses, & des plaisirs de la vie, elle ne rapporte aucun fruit.

Le Chassieux dénote celuy dont l'entendement est bien éclairé de la cognoissance de la Verité: mais les œuvres charnelles neantmoins l'obscurcissent. Car les chassieux ont la prunelle des yeux saine, & toutefois à cause des fluxions qui leur tombent sur la veuë, ils ont les paupieres grosses, & la pointe de la prunelle de beaucoup affoiblie. Aussi se trouue-t'il des personnes qui pour estre excessivement adonnées aux actions de la vie charnelle, ont le sens peruersty, quoy que d'ailleurs elles ayent l'entendement assez fort pour bien discerner ce qui est de la iustice. Mais l'accoustumance du mal affoiblit leur iugement. Le chassieux donc est celuy

luy qui naturellement a le sens bon; mais la malice de sa conuersation le trouble & le gaste. A celuy-cy l'Ange dit fort à propos, Applique vn colyre à tes yeux, afin que tu puisses voir; car le colyre est vn remede au mal des yeux. C'est ce que nous pratiquons, quand par le medicament des bonnes œuures, nous soulageons la poincte de nostre entendement, pour recognoistre la splendeur de la vraye lumiere.

Celuy-là semblablement a la maille, ou le blanc en l'œil, auquel il n'est pas permis de voir l'esclat de la verité, pource qu'il est auéuglé de presumption de sa suffisance ou de sa iustice; d'autant que la prunelle qui est noire a la veüe bonne; mais celuy dont l'œil est chargé d'une taye blanche ne void rien du tout. Pource que

l'entendement de l'homme qui se cognoist fol & pecheur, est susceptible de la lumiere interieure, mais s'il croid estre sage il se priue de la clarté de cette cognoissance d'enhaut, & penetrera d'autant moins le iour de la vraye lumiere, que plus superbement il s'exaltera: Veu que pour s'estimer estre sages, dit l'Apostre, ils sont deuenus insensez.

La gale continuelle est en celuy que la volupté charnelle possede incessamment. Car la gale se forme quand la chaleur des intestins est attirée dessus la peau: ce qui represente bien la lubricité; pource que si la tentation passe iusques à l'action, alors la chaleur interieure pousse iusques sur le cuir, & couure de playes le dessus du corps, à raison que la volupté qui n'est pas reprimée en la pensée s'estend à l'œuure; & c'estoit cette

DV DEVOIR DES PAST. si
demangeaison de la peau, que S. Pol
taschoit de guerir, quand il disoit, Ne
soyez saisis d'autre tentation que de
l'humaine : comme si clairement il
eust dit, C'est le propre de l'homme
d'auoir le cœur agité de tentations;
mais c'est à faire au Diable de suc-
comber en l'action quand on est
tenté.

Grateleux pareillement dessus le
corps, est celuy que l'auarice domine
en l'esprit, laquelle si elle n'est refre-
nee en petites choses, il n'est pas
croyable combien elle s'estend, &
deuiet demesurée; pource que la
gratelle se iette sans douleur dessus
le corps, & sans donner autre peine à
la personne qu'elle occupe, elle luy
gaste la beauté des membres. Ainsi
l'auarice donnant quelque plaisir à
l'ame qu'elle detient, ne laisse pas de
l'entamer, & proposant à sa pensée le

mal de hernie, ou d'estre greué, ne procede d'ailleurs, sinon quand l'humeur des intestins tombe sur les parties viriles, qui s'enflent en suite avec beaucoup de honte & d'incommodité. Celuy là donc est vrayement greué qui s'escoule en pensées lasciuues & porte en son cœur la hernie d'impudicité: Car bien qu'en effet il ne l'exerce pas, son esprit, toutesfois, ne laisse d'en estre chargé? Aussi ne se peut il éuertuer manifestement à bien faire, pour ce mal qui l'aggraué en l'interieur.

L'homme donc qui se void sujet à quelqu'un de tous ces deffauts, est interdit d'offrir les pains au Seigneur, de peur qu'il ne puisse pas effacer les imperfections d'autrui, pour estre contaminé des siennes propres. Or apres auoir fait entendre en peu de mots, quel il faut estre

54 LIV. I. DV DEV. DES PAST.
pour se rendre digne de la charge
Pastorale, & ce que les indignes doi-
uent craindre, nous declarerons
maintenant comme se comporte-
ront en cét office ceux qui digne-
menty sont paruenus.





LE SOIN
 DES PRELATS,
 ET LE DEVOIR
 DES PASTEURS.
 LIVRE SECOND.

*Comme se doit comporter en la dignité
 Pastorale, celui qui dignement
 en est pourueu.*

CHAPITRE PREMIER

LEs comportements du Pré-
 lat doiuent estre au dessus
 des comportements du peu-
 ple, autant que la vie du Pasteur est
 D. iij

differente de la vie du troupeau. Ce qui soit, dit afin qu'il estude soigneusement à regler ses mœurs, oyant quelle obligation a de bien viure celluy pres duquel tout le peuple n'est reputé qu'un troupeau.

Donc il faut de necessité qu'il soit pur en ses pensées: Le premier à l'œuvre, discret à se taire, vtile à parler, voisin de tous en compassion, élevé par dessus tous en contemplation; compagnon des bons par l'humilité, rigoureux aux meschans par le zele contre les vices. Qu'en l'occupation des choses exterieures il ne perde rien du soin qu'il doit avoir des interieures; & qu'au soin de l'interieur, il ne soit moins prouide en ce qui est de l'exterieur. Mais il nous faut expliquer un peu plus amplement ce que nous venons de comprendre en peu de mots.

Que le Pasteur soit pur en ses pensees.

CHAPITRE II.

DOnc le Pasteur doit tousiours estre pur en ses pēsees, à ce que nulle impureté ne souille celuy qui se mesle d'une telle charge, & qu'il puisse aussi nettoyer les taches & les saletez qui peuvēt se récōtrer au cœur des autres. Car il faut de necessité que la main qui s'appreste de nettoyer autrui, se rende nette elle mesme, de peur qu'elle n'infecte encor davantage ce qu'elle touchera, si elle est contaminée de quelque ordure.

C'est l'advertissement que donne le Prophete Isaye : Soyez purs vous qui portez les vaisseaux du Seigneur. Or ceux-là portent les vaisseaux du

LIVRE II.

Seigneur, auxquels on a commis la charge de conduire au sacré Sejour de l'eternité les ames de leurs freres.

Qu'ils adivisent donc bien en eux-mesmes combien doiuent estre purs ceux qui sur l'assurance de leur caution portent au Temple de la felicité les vaisseaux vivants.

Pour ce sujet il fut commandé divinement au grand Pontife Aaron, de mettre sur la poitrine le Rational du Jugement avec les bandes, auquel il estoit attaché: pour signifier que les pensées des choses perissables n'occupoient point le cœur du souverain Prestre, mais qu'il seroit estraint & referré par la seule raison; afin que celuy qui est proposé pour exemple de la vie des autres, ne pense à rien de vain ny d'indiscret, mais qu'il monstre en tout tēps par la gravité de ses mœurs & de sa vie, comme la raison est bien

assise en sa poitrine.

De plus, il luy estoit enjoint d'a-
voir sur ce Rational les noms des
douze Patriarches en escrit. Car c'est
toujours porter en sa poitrine le nom
des Peres, que de penser incessammēt
en la vie des Anciens: pource que le
Prestre chemine irreprochablement,
quand d'une attention continuelle
aux exemples de ceux qui le deuan-
cent, il considere sans intermission les
vestiges des saints personages, &
reprime les pensées illicites, pour n'ex-
trauaguer, & ne se fourvoyer en au-
cune mauuaise action.

Et le Rational estoit fort à propos
surnomé du Iugement, pource que
le Pasteur doit toujours discerner iu-
dicieusement le bien & le mal: penser
à ce qui est conuenable, à qui, quand,
& comment: & ne chercher ses inte-
rests, mais estimer que le bien de son

prochain est son propre contentement.

Aussi est-il escrit: Vous mettrez au Rational du Jugement la doctrine & la verité, qui seront sur la poitrine d'Aaron, quand il entrera deuant le Seigneur; pource que le Prestre porte sur sa poitrine en la presence du Seigneur le Jugemēt des enfans d'Israël, quand il decide les causes de ceux qui luy sont soumis conformément à la volonté du Iuge interieur, sans rien mesler de l'humaine affection, en ce qu'il administre comme Lieutenant de Dieu, & sans aigrir d'aucun particulier mescontentement ses reprimandes; qu'il n'insiste point sur son accommodement, lors qu'il se montre zelé contre les pechez d'autrui; que nulle secrette malveillance ne trouble la serenité de son iugement, & que l'indignation ne le precipite,

Or quand on a deuant soy la ter-
 reur du supreme Arbitre de tout le
 mode, les peuples en sont gouuernez
 avec beaucoup plus de crainte: & cet-
 te crainte est ce qui purge la pensée du
 Pasteur en l'humiliât, & garde que la
 presumption ne le souleue, que les
 voluptez ne contaminent, & que les
 conuoitises de la terre ne corrompent
 la sincerité de ses intentions.

De toutes lesquelles choses cepen-
 dant il n'est possible que l'esprit du
 Pasteur ne soit attaqué: mais il faut
 que promptement il y resiste, & qu'il
 les dompte, de peur que le vice qui le
 tente par la suggestion, par les dou-
 ceurs de la delectation ne le surmon-
 tent. Car il est à craindre que si l'on
 differe à les repousser de l'esprit, par le
 consentement bien tost elles ne s'en
 emparent.

Que le Pasteur soit le premier à l'œuvre.

CHAPITRE III.

IL faut aussi que le Prelat soit le premier à l'action ; que par sa bõne vie il monstre à bien viure à son peuple, & que le troupeau qui suit la voix & les mœurs de son Pasteur, soit incité d'aller apres luy par son exemple, plustost que par ses paroles. Car si le lieu qu'il tient l'oblige à dire de grandes choses, il n'est pas moins obligé de les monstrier : la voix de celuy qui vit comme il parle, penetre bien plus avant dans le cœur de ses auditeurs, dautant qu'il aide à faire en montrât par ses œuvres, ce que par ses paroles il commande que l'on fasse.

C'est pour cette raison que le Pro-

DV DEVOIR DES PAST. 63
phete disoit : Montez sur vne haute
montagne, vous qui faites estat d'e-
uangelizer en Sion, afin que l'on voye
que celuy qui presche le Ciel a déjà
quitté le bas des œuures terrestres.
Qu'il paroisse esleué sur toutes choses,
& qu'il attire avec d'autant plus de fa-
cilité ses auditeurs au bien, que sa voix
est fortifiée des merites de sa vie.

Aussi le Prestre en la loy de Dieu
prenoit pour sa part du sacrifice l'es-
paule qui estoit separée du reste, pour
signifier que sa façon de viure deuoit
estre non seulement vtile, mais enco-
re singuliere. Qu'il ne fust pas seule-
ment bon entre les meschants, mais
qu'il surpassast mesme autant les plus
gens de bien, en bonnes mœurs & en
vertu, qu'il les surpassoit en dignité.

De plus on luy donoit pour man-
ger, la poitrine avec l'espaule, afin qu'il
apprist d'immoler de sa personne à

Dieu, les mesmes choses qu'on luy bailloit du Sacrifice. Que ce n'estoit pas assez qu'il eust au fond de sa poitrine de bonnes pensées, mais qu'il deuoit aussi pousser les autres avec l'espaule, & les inciter par son exemple aux bonnes œuvres. Qu'il ne desirast aucunes prosperitez de cette vie, & n'en redoutast aussi les aduersitez. Qu'ayant égard à la crainte intérieure, il mesprisast les attrait & les delices du monde, & que pour la consideration des contentemens de l'ame, il ne fist aucun estat des terreurs du siecle.

Pour ce mesme sujet il estoit aussi commandé au Prestre d'auoir l'une & l'autre espaule couuerte de l'espaulier, afin de monstrier qu'il faut qu'il soit reuestu de l'habit des vertus, contre les aduersitez & les prosperitez, à ce que, selon le dire de l'Apostre, il chemine

chemine avec les armes de la Iustice, à droit & à gauche; & qu'attentif à ce qu'il a deuant sa personne, il ne se destourne ny d'un costé, ny d'autre, aux plaisirs de la terre. Que les prosperitez ne le souleuent; que les aduersitez ne l'esmeuent; que les delices ne l'attirent à la volupté; que les fascherries ne le renuersent au desespoir, & que son esprit n'estant rauale pour encliner & condescendre à ses passios, & se tenant droit, il monstre dessus l'une & l'autre espaulle, la beauté de ce riche espaulier dont il est reuestu.

Car il falloit que ce magnifique ornement fust d'or, d'hyacinte, de pourpre, d'écarlate deux foisteinte, & de soye retorse, pour donner à cognoistre de quelle diuersité de vertus doit estre enrichie la personne du Prestre.

L'or en premier lieu brilloit en son

vestement, afin que l'entendement
doüé de sagesse, y donnast le princi-
pal lustre. L'hyacinte, ou bleu celeste
en releuoit aussi l'esclat; c'est à dire
que tout ce qu'il penetre par l'intelli-
gence, ne tende point aux faueurs de
la terre, mais à l'amour des choses du
Ciel. A l'or & à l'asur estoit sembla-
blement le pourpre entremeslé, pour
signifier que le cœur du Prestre espe-
rant les choses qu'il presche, reprime
en soy-mesme les suggestiōs du vice;
qu'il leur resiste absolument, & com-
me par vne puissance Royale, ayant
les yeux sur la noblesse de la genera-
tion de son ame, & conseruant son
Royal habit en la probité de ses
mœurs. Car c'est de cette noblesse
d'esprit dont parle saint Pierre, quād
il dit: Vous estes la generation esleuë,
& le sacerdoce Royal. Aussi som-
mes-nous encouragez à la manuten-

tion de cette puissance qui nous fait surmonter les vices, quand nous oyons cette parole de saint Iean, qui dit, Tous ceux qui l'ont receu, il leur a donné puissance d'estre faits enfans de Dieu. Le Psalmiste consideroit la dignité de ce pouuoir, disant ainsi, De moy mon Dieu, ie sçay que vos amis sont trop honorez, & que leur principale semblablement est grandement fortifiée, pource que la pensée des Saints se leue en haut, principalement lors qu'on les void souffrir en l'exterieur icy bas.

L'escarlata deux fois teinte estoit conjointe à l'hyacinte & au lin, afin que les biens de toutes les vertus fussent ornez de la Charité, deuant les yeux du suprême Arbitre des cœurs. Car celuy qui aime Dieu ensemble & son prochain, eclatte aussi viuement que l'escarlata à deux

teintures. Quiconque donc aspire à l'amour de son Createur, en sorte qu'il neglige le salut du prochain, ou s'acquite en telle façõ du salut du prochain, qu'il se relâche de l'amour de Dieu, negligeant vne de ces deux choses, ne sçait comme il faut embellir l'ornement de l'espaulier, de l'escarlatta deux fois teinte.

Or l'esprit ainſi duit aux preceptes de la Charité, il ne reste plus ſi non que le corps ſoit macéré par l'abſtinance: à raiſon de quoy le lin deux fois retords eſt miſ avec l'escarlatta à double teinture: Car le lin avec ſa blancheur eſclattante vient de la terre. Et que denote le lin autre choſe, ſi non la chaſteté du corps, blanche en conſideration de ſa pureté? Ce lin avec ſa beauté retorse, eſt employé à l'espaulier: pource que la chaſteté paruiſſe en

DV DEVOIR DES PAST. 69
sa pure. & parfaicte candeur. quand
la chair est mortifiée par l'abstinen-
ce, & lors que le merite des affli-
ctions de la Chair paroist encor avec
les autres vertus, c'est comme si le
lin retords embellissoit les diuers
enrichissements de l'espaulier.

*Que le Prelat soit discret à se taire, &
profitable à parler.*

CHAPITRE IV.

DAuantage il est requis que le
Pasteur soit discret au silence,
& profitable en ses paroles; qu'il
ne dise pas ce qu'il faut taire, &
qu'il ne taise pas ce qu'il faut dire.
Car tout ainsi que les propos in-
consideres attirent au peché, de
mesme le silence indiscret laisse en

erreur ceux qui pourroient estre instruits. Pource que souuent les Pasteurs mal aduisez, de peur de perdre la faueur des hommes, craignent de faire entendre ce que librement ils doiuent declarer: & seló que disoit la Verité mesme, pour n'auoir aucun soucy du salut du troupeau, ils seruent comme des mercenaires, pource qu'ils s'enfuyent quand ils voyent venir le loup, se cachant dessouz le silence.

Ce sont ceux là que nostre Seigneur tançoit par son Prophete, les appellant chiens muets qui ne scauent abbayer. Il se plaignoit encor d'eux, quand il leur disoit, Vous n'estes pas montez audeuant de l'ennemy, & ne vous estes point opposez comme vn mur, pour la deffence d'Israël, & pour combattre de pied ferme à la iournee du

Seigneur. C'est monter audeuant de l'ennemy, quand d'vne voix libre on contredit aux puissances du monde, pour deffendre le troupeau; & c'est combattre de pied ferme à la iournée du Seigneur, que de resister par le zele & par l'amour de la Iustice, aux assauts des meschans. Car alors que le Pasteur apprehende de dire la verité, que fait il autre chose sinon de tourner le dos pour ne dire mot? Mais s'il s'expose pour son troupeau, c'est lors qu'il oppose vn mur aux ennemis, pour deffendre la maison d'Israël.

Aussi le Prophete parlant au peuple qui estoit en erreur, luy disoit, Tes Prophetes t'ont prophetisé des choses vaines & fausses, & ne t'ont pas descouvert tes iniquitez, pour t'esmouuoir à la penitence.

D'autant que les Docteurs sont

quelques fois en l'Escriture sainte
appelez Prophetes, lesquels quand
ils enseignent que les choses presen-
tes sont fugitiues, manifestent l'ad-
uenir : & la parole de Dieu leur re-
proche de prophetiser des faussetez,
& des choses vaines, quand au lieu
de reprénder les fautes des pecheurs,
il les flattent & leur font croire
qu'ils sont en seureté, pour ne leur
ouurir pas l'esprit, leur faisant en-
tendre le mauuais estat auquel ils
peuuent estre, & pour ne les tan-
cer pas comme ils meritent: Atten-
du que la parole de correction est la
clef qui peut ouurir, & la repriman-
de donne à cōnoistre l'offence bien
souuent ignoree de celuy qui la
commet.

Ce qui faisoit dire à saint Pol,
parlant de l'Eueque, Qu'il puisse

exhorter en saine doctrine , & reprendre les contredisans. Aussi est il dit en Malachie , Les levres du Prestre conseruent la science, & l'on recherchera la loy de sa bouche. Et nostre Seigneur en Esaye donne cét aduertissement , Crie , & ne cesse d'éleuer ta voix comme vn Trompette , pource que celuy qui paruient à la prestrise, entreprend l'office de Heraut , afin de preceder, & de crier deuant le seuer Iuge qui le suit pour donner son espouuantable Iugement. Si donc le Prestre ne sçait prescher, de quelle voix pourra s'escrier ce Heraut muet.

C'estoit aussi pour cette raison, que le Sainct Esprit s'assit dessus les premiers Pasteurs , en forme de langues, dautant qu'il fait parler ceux qu'il a remplis.

Moyse de plus regent ce commandement de Dieu, que le Prestre entrant dans le Tabernacle fust environné de clochettes, pour signifier qu'il doit avoir le son de la Predication, afin de n'offenser pas le supreme Iuge qui l'a choisi, s'il ne parloit point; veu qu'il est escrit qu'entrant au Sanctuaire, on entende le son, & qu'il ne meure pas. Car le Prestre entrant ou sortant est mort, si l'on n'entend aucun son de luy: Pource qu'il attire sur soy l'indignation de Dieu, s'il marche sans la voix de la Predication.

Or que devons nous entendre par les vestemens du Prestre, sinon les bonnes œuvres, au tesmoignage du Prophete, disant, Les Prestres soient reuestus de iustice. Les clochettes donc sont attachees aux vestemens, afin que les bonnes

œuvres avec le son de la parole enseignent la droicte voye.

Et quand le pasteur se dispose de parler, qu'il prenne soigneusement garde à ce qu'il doit dire, de peur que parlant sans ordre il n'offense les cœurs de ceux qui l'escourent, & que pour se vouloir monstrier sage & sçauant, il ne vienne à dissoudre ignoramment & follement le lien de l'vnité. C'est pourquoy la Verité mesme disoit, Ayez le sel en vous, & la paix entre vous. Par le sel est designé la sagesse de la parole: Que celuy donc qui veut sagement parler, se garde de troubler l'vnité de ses auditeurs. Sainct Pol pour cette raison luy recommande d'estre sage, non plus qu'il faut, mais en sobriété.

D'où vient qu'au vestement du Prestre il y auoit, selon que Dieu l'a-

uoit ordonné, des grenades iointes aux clochettes. Que nous representent les grenades, sinon l'vnité de la Foy ? Pource que tout ainsi qu'en la grenade plusieurs grains sont contenus interieurement sous vne escorce exterieure: Aussi l'vnité de Foy couure l'infinité des peuples de la sainte Eglise, que la diuersité des merites y contient : Ainsi c'estoit pour l'instruction du Pasteur, à ce qu'il ne parle pas inconsiderément que la Verité donnoit le susdit aduis à ses disciples. Ayez le sel en vos levres, & la paix entre vous; comme si par la figure de l'habit Sacerdotal il eust dit, joignez les pommes de grenade aux clochettes, afin qu'en tout ce que vous direz, vous conseruiez soigneusement l'vnité de la Foy.

Dauantage il est necessaire que le Pasteur aduise en diligence à ce que

non seulement il ne dise rien de mal; mais encor, à ce qu'il ne profere mesmeny trop, ny confusément les bonnes choses. Pource que la vertu des bons propos souuent se dissipe en l'oreille des auditeurs, sans penetrer au cœur, à force d'estre par vn babil excessif, importunement rebattuë: & cét excez de babil estant inutile à ceux qui l'escoutent, ne sert qu'à contaminer son autheur.

Aussi Moysé ordonne que celuy qui souffrira le flux de semence soit reputé immonde. Or la qualité de la parole entenduë est comme la semence de la pensée qui s'en doit ensuiure en l'esprit des escoutans. Car cependant que la parole est conceuë par l'oreille, au mesme temps la pensée en est engendrée dans l'esprit. A raison dequoy les sages mondains appellerent autrefois le sureminant

Predicateur, semeur de paroles. Celly donc qui souffre le flux de semence, est impur en la loy de Dieu, pour ce que l'homme qui est sujet à parler trop, ne fait que se gaster par ce moyen; & s'il parloit considérement, & avec ordre, il produiroit peut-estre en l'esprit de ses auditeurs vne generation de bonnes pensées; mais s'escoulant imprudemment en vn flux de paroles, cette semence qu'il respand, au lieu de seruir à la generation, ne fait que le contaminer.

Et pour cette raison saint Pol donnant aduis à son disciple de prescher, instamment luy disoit: Je vous conjure au Nom de Dieu, & de Iesus-Christ, qui doit iuger les viuants & les morts, par sa venue, & son Royau-me, que vous ayez à presser & prescher opportunemēt importunemēt. Avant de dire importunement, il dis

opportune-ment, pource que celuy-là se destruit soy-mesme, & se ruine en l'estime de ses auditeurs, pour leur vouloit estre vtile, qui ne peut joindre à bien portunité l'opportunité.

Que le Pasteur doit s'approcher de tous par la compassion, & s'élever sur tous par la contemplation.

CHAPITRE V.

LÉ Pasteur semblablement doit estre proche de tous par la compassion, & s'élever sur tous par la contemplation, afin de transferer à soy par les entrailles de la pitié, l'infirmité des autres, & aspirant aux choses invisibles par la sublimité de la meditation s'élever au dessus de soy-mesme. Tellement que le desir qu'il au-

ra des choses hautes, ne l'induise àu
mespris des infirmité de son pro-
chain, & que pour condescendre à la
basselé de l'infirmité des autres, il ne
laisse aussi de porter ses desirs à ce qui
est de plus releué.

C'est pourquoy saint Pol estant
rauy dans le Paradis, & penetrant les
secrets du troisieme Ciel, quoy
qu'emporté par la cõtémplation aux
choses superieures, ne laisse pas neant-
moins d'abaisser la viuacité de sa pen-
sée iusques à la couche des hommes
charnels; & leur ordonner comme ils
ont à se conduire en leurs actions les
plus cachées, quād il dit, Que la fem-
me rende le deuoir au mary, & le ma-
ry pareillement à la femme. Et vn
peu apres, Ne vous fraudez pas l'un
l'autre, sinon de vostre mutuel con-
sentement, & pour vn temps, afin de
vaquer à la priere. Et de plus, Retour-

nez

DV DEVOIR DES PAST. 81
nez l'un à l'autre comme auparauant,
que Sathan ne voustente. Voila que
tout maintenant il s'esleuoit aux se-
crets du Ciel, & neantmoins, par vne
pieuse condescendance il cherche
iusques au liét des mariez. Celuy
que la meditation rauissoit nagueres
aux choses inuisibles, la commisera-
tion luy fait abaisser les yeux de l'es-
prit iusques aux plus occultes secrets
des infirmes. Il est transcendant ius-
ques au troisieme Ciel, & cependant
il ne quitte pas le soin des personnes
charnelles. Pource que le lien de la
charité le conjoignant ensemble aux
choses superieures & inferieures, la
vertu de l'esprit le porte puissammēt
en haut, & la pitié qu'il a des autres,
l'abaisse vers leurs infirmitéz : Aussi,
disoit-il, qui est celuy de vous qui soit
infirmes, & qui ne m'aye pour compa-
gnon en son infirmité? qui est scan-

dalisé, que ie ne sois au mesme temps
brulé de zele ?

Dauantage il disoit, Je suis comme
Iuif avec les Iuifs ; ce qu'il faisoit, non
en perdant la Foy, mais en manife-
stant sa charité, afin que se transfor-
mant en la personne des infidelles, il
apprist par soy mesme comme il de-
uoit auoir pitié des autres, à ce qu'il
leur departist ce qu'il eut voulu pour
luy, s'il eut esté comme eux.

Le mesme dit encor, soit que nous
soyons en excez à Dieu, ou soit que
nous nous moderions à vous ; Car il
sçauoit par la contemplation s'éle-
uer au dessus de soy-mesme, & s'éle-
uer aussi pour s'accommoder à ses au-
diteurs.

De là vient que Iacob vid vne
échelle, où les Anges montoient &
descendoient, Dieu estant appuyé
dessus, & au dessous estoit la pierre

DV DEVOIR DES PAST. 83
avec l'onction: Pource que les saints
Predicateurs, non seulement par la
meditation, montent en haut vers
le supreme Chef de l'Eglise nostre
Seigneur; mais ils descendent aussi
par la commiseration à ses mem-
bres.

C'est encor pour ce sujet que
Moyse entre souuent au Tabernacle,
& en sort. Et luy, qui par la medita-
tion est rauy dedans, est pressé de-
hors semblablement par les affaires
des infirmes: Il considere interieure-
ment les secrets diuins, & au dehors
il porte la charge des hommes char-
nels. Aussi a-t'il tousiours recours
pour les choses douteuses au Taber-
nacle, afin d'en consulter le Seigneur
deuant l'Arche du Testament; mon-
strant par cét exemple, que les Pre-
lats estant exterieurement en peine
de ce qu'ils ont affaire, r'entrent en

cux-mesme; & dans leur pensée, comme au Tabernacle, consultent le Seigneur, ainsi que deuant l'Arche du Testament, quand aux difficultez qui se presentent, ils recherchent en particulier l'Oracle des Liures sacrez.

Pour cette raison aussi, la Verité mesme reuestuë de l'Humanité pour se manifester aux hommes, se tenoit aux montagnes faisant Oraison, & dans les villes elle operoit ses miracles, traçant par ce moyen aux Pasteurs la voye qu'ils doiuent tenir. Qu'encor que pour vacquer à la contemplation, ils dressent leur esprit aux choses superieures, ils ne dédaignent pas neantmoins de se mesler parmy les imbeciles, & de compatir à leurs infirmitéz. Car c'est alors que leur charité s'eleue admirablement haut, quand par la compassion elle s'abaisse vers la misere du prochain. Au mes-

me temps qu'elle descend debonnairement, elle r  tourne en haut puissamment.

Les Prelats donc se comporteront avec tant de douceur enuers ceux qui leur sont sou  mis, que nul d'eux n'aura point de honte de leur d  couvrir leurs infirmit  z les plus cachees : afin que les peuples estant agitez des flots des tentations, se retirent assurement au conseil du Pasteur de l'Eglise, comme au sein de leur mere: & que l   par ses consolations, & par les pleurs de l'Oraison ils se lauent des ordures dont ils se cognoistront estre infectez pour les pechez qui leur pressent la conscience.

C'est    raison de cecy que deuant les portes du Temple estoit vne mer d'airain, pour lauer les mains de ceux qui entroient: c'est    dire, vn grand bassin port   de douze b  ufs, dont la

partie anterieure estoit decouverte, mais le derriere estoit caché : que signifient ces douze bœufs ? sinon tout l'ordre des Pasteurs, desquels saint Pol discourant, allegue la loy qui disoit, Vous n'emmutellerez point le bœuf qui bat le grain. Nous en voyons les œuvres qui paroissent maintenant : mais nous ne sçauons pas ce qu'il leur est reserué cy-apres en la retribution du iuste luge. Quand ceux là donc disposent leur patience, pour condescendre à nettoyer, par la confession, les fautes de leur prochain : ils sont comme s'ils portoient le bassin deuant les portes du Temple : afin que ceux qui tachent d'entrer à ce iour de l'Éternité, descouurent à la cognoissance de leur Pasteur les offenses qu'ils ont commises, & qu'ils lauent leurs mains, qui signifient l'œuvre & la pensée au

baſſin porté par les bœufs.

Et ſouuent il arriue que l'eſprit du Paſteur, en prenant ainſi debonnairement cognoiſſance de ce qui tente les autres, ſe trouue pareillement agité des meſmes tentations qu'il eſcoute; Car il n'eſt pas poſſible que l'eau qui ſert à lauer la multitude du peuple, ne deuienne orde elle meſme: Pource que receuant les ordures de ceux qui s'y nettoient, elle infecte ſa pureté. Mais ce n'eſt pas ce que doit craindre le Paſteur, attendu que la Sageſſe diuine y a mis vn ſi bon ordre, que plus il eſt inquieté pour compatir humainement aux tentations des autres, & plus facilement il ſe void deliuré des ſiennes propres.

*Que le Pasteur, par humilité, soit égal
avec les gens de bien: & que par le
zele de Iustice il s'eleue contre
les méchans.*

CHAPITRE VI.

Que le Pasteur se rende compa-
gnon des bien-viuants par hu-
milité: mais qu'il s'eleue contre les vi-
ces des méchans par vn zele de Iusti-
ce: en sorte qu'il ne se prefere aucune-
ment aux gens de bien; Et quand l'i-
niquité des meschants le requerra,
qu'il leur fasse cognoistre l'autorité
de sa puissance. qu'il supprime l'hon-
neur de sa dignité, se reputant égal
aux bons; mais qu'il ne craigne pas
aussi d'exercer le deub de sa charge à
l'endroit des mal-viuans.

Car ainsi qu'il me souuient d'auoir escrit au liure des Morales, il est certain que la Nature a fait les hommes égaux; mais l'offense les diuersifiant, selon la difference de leurs merites, a postposé les vns aux autres. Or cette diuersité procedant du vice, est ainsi diuisée au iugement de Dieu, afin que tous les hommes ne pouuant pas se maintenir dans les voyes de l'équité, l'un fust conduit par l'autre.

De là vient que tous ceux qui ont commandement sur leur semblable, doiuent en cecy considerer, non la puissance de l'ordre, mais l'égalité de condition, à ce que leur contentement soit de procurer le bien des autres, & non de se voir preposez au dessus d'eux: Car on sçait que nos premiers peres n'estoient pas Roys des hommes, mais pasteurs des be-

stes. Et quand Dieu donna sa benediction, tant à Noé, qu'à ses enfans, leur disant, Croissez, multipliez, & remplissez la terre; aussi tost il adiouta, que tous les animaux de la terre ayent crainte & terreur de vous.

Cette crainte, & cette terreur donc ordonnée aux animaux de la terre, ne doit pas estre aux hommes : pour ce que naturellement l'homme est eleué sur les animaux : & pour ce suiet il est dit qu'il sera craint des animaux, & non des hommes. Ainsi vouloir estre craint de ses égaux, n'est autre chose que de s'en orgueillir contre nature.

Et neantmoins il est necessaire que les Pasteurs soient craints de leurs peuples, quand les peuples n'ont point la crainte de Dieu; afin que ceux là soient retenus de mal faire, au moins par quelque apprehension des hommes qui n'apprehendent point les

DV DEVOIR DES PAST. 91
iugemens de Dieu. Car les Supérieurs ne deuiennent pas plus superbes pour cette crainte que l'on a d'eux, en laquelle ils recherchent la probité de ceux qui leur sont soumis, & non leur propre gloire. D'autant qu'en ce qu'ils se font craindre des méchans, c'est comme s'ils dominoient, non à des hommes, mais à des animaux, & leurs subiets entant qu'ils vivent brutalement, doiuent estre soumis à la terreur.

Souuent, toutesfois, il arriue que le Prelat presume de soy-mesme en sa pensée, pour se voir eleué dessus les autres; Et pendant qu'il a tout à discretion, que ses commandemens sont promptement executez; que tous ses inferieurs l'exaltent du bien qu'il fait, & que nul n'a l'autorité de le contredire au mal qu'il peut faire; voire mesme que la pluspart loüent en luy

ce que l'on y doit blasmer : L'esprit alors seduit, parce qu'il a deffous soy, s'emporte au dessus de soy.

Lors qu'un excès de faueur l'environne exterieurement, il se vuide à l'interieur de tout sentiment veritable, il s'oublie soy-mesme pour se respandre à la voix des autres; il s'estime ce qu'à l'exterieur on le repoute, & non ce qu'il se deuroit interieurement recognoistre; il mesprise ses inferieurs, ne les cognoissant pas ses égaux de nature: comme il les excède en puissance, il croit les excéder en merites, & se persuade estre plus sage que ceux qui n'ont pas tant de pouuoir que luy.

Car il se place à par soy comme en un sommet, & luy que la Nature restraint dans vne condition égale à tous les hommes, il ne daigne regarder les autres d'égal; ressemblant à ce-

luy duquel il est dit en l'Escripture, Il void toute hauteur au dessous de soy, ce luy semble; c'est le Roy de tous les superbes, qui desirant estre singulierement au dessus de tout, & qui dedaignant de viure en la compagnie des Anges, a dit, Je mettray mon liege en l'Aquilon, & seray semblable au Tres-haut; Donc par vn iuste iugement interieur, il se trouua precipité dedans la fosse, pour auoir affecté le comble de la puissance. Pource que l'homme qui dedaigne de ressembler aux hommes, deuiant semblable à l'Ange rebelle.

Ce fut pourquoy Saul, apres les merites de l'humilité, s'enfla de presumption, estant souuerainement puissant; car l'humilité fut cause de son election à la dignité Royale, & la presumption le fit reprouuer; ainsi que Dieu le tesmoigna, disant, Alors

DV DEVOIR DES PAST. 95
contre les vicioz; & quand aussi par
son moyen on se reduit à l'égalité des
gens de bien.

Car le propre de l'esprit humain,
est de s'eleuer souuent encor qu'il ne
soit point soustenu d'aucune puissan-
ce; mais combien plus haut s'ele-
uera-t'il, quand il aura le pouuoir con-
forme à son desir? Ce pouuoir toute-
fois, est sagement administré par ce-
luy qui sçachant le recognoistre,
prendra ce qu'il a d'utile, & retien-
dra ce qu'il a de pernicieux, pour se
reputer égal aux autres; & s'en pre-
uaudra neantmoins par vn zele de
Iustice pour reprimer l'insolence des
pecheurs.

Mais cette difference sera plus ma-
nifeste, si nous considerons l'exem-
ple du premier Pasteur. Sainct Pierre
authorisé de Dieu pour tenir la prin-
cipauté de l'Eglise, refusa d'estre ex-

cessiuement reueré de Corneille, homme iuste, qui pour luy faire honneur se prosternoit humblement deuant luy. Car il le recogneut égal à soy, disant; ne faites pas cela, ie suis homme comme vous. Mais quand il eut cognoissance du peché d'Ananias & de Saphira, soudain il fit paroistre quelle puissance il auoit au dessus des autres. Par vne parole il priua de la vie ceux dont en esprit il auoit descouuert la malice: Il se souuint d'estre Souuerain en l'Eglise contre les pecheurs; ce qu'il n'auoit pas recogneu quand il estoit extremement honoré de ses confreres, les gens de bien. La sainteté de vie merite qu'il se confesse égal aux vns, & le zeile de Iustice l'oblige à monstrier aux autres l'autorité de sa puissance.

Sainct Pol ne recognoissoit pas estre

estre plus que ses freres qui viuoient bien, lors qu'il leur disoit; Ce n'est pas que nous establissons vne domination sur vostre fidelité, mais nous sommes coadiuteurs de vostre resiouissance; & aussi tost il adiouste, Pour ce que vous estes fermes en la foy; comme s'il eust expliqué ce dont il a fait mention auparauant, disant, Nous ne commandons point à vostre foy, pource que vous y estes fermes, car nous sommes vos égaux, en ce que nous vous recognoissons estre constans en la Foy. Il ne se cognoissoit pas eleué par dessus ses freres, lors qu'il disoit, Nous auons esté faits comme petits enfans au milieu de vous, & encor nous sommes vos seruiteurs en Iesus-Christ. Mais si tost qu'il eut recogneu comme il auoit occasion de les corriger, alors il se souuint qu'il estoit leur maistre: Que demandez-

vous? I'iray chez vous avec la verge. La supreme dignité, donc est bien administrée quand celuy qui preside exerce la domination sur les vices, plustost que sur ses freres.

Et quand les Prelats corrigeront leurs peuples errants, il ne restera plus sinon qu'ils prennent soigneusement garde, qu'encor que suiuant le deuoir de la discipline, ils monstrent la puissance qu'ils ont sur les pechez en les touchant, ils recognoissent neantmoins (l'humilité les contregardant de deuenir presomptueux) qu'ils sont égaux à leurs freres, ausquels ils sont subir la correction. Quoy qu'il soit aussi raisonnable de preferer à nous tacitement ceux mesmes que nous corrigeons. Car les fautes qu'ils commettent sont aussi tost promptement releuees par la correction; mais quand nous faillons, aucun ne nous

contredit d'une seule parole. Ainsi nous demeurons d'autant plus redevables envers la justice de Dieu, que nos pechez sont moins chastiez des hommes; & la discipline que nous employons envers nos peuples, les décharge d'autant plus devant Dieu, qu'elle ne délaisse icy bas aucune de leurs fautes sans estre corrigees.

Il nous faut conseruer au cœur l'humilité pendant que nous observons en nos actions la discipline. Aussi doit on aduiser que par trop d'humilité les nerfs de la conduite ne se relaschent, & que le Prelat en s'abaissant plus que de raison, ne puisse pas assez retenir ceux qui sont soumis à la direction. Que les Pasteurs maintiennent exterieurement ce qu'ils ont entrepris pour le salut des autres, & qu'ils gardent interieurement ce que de leur pro-

pre estime ils doiuent craindre. Les
sujets recognoistront comme par
certains signes, qui d'eux mesmes
se descouurent, si leurs Prelats sont
humbles, quand ils remarqueront
en leur authorité, dequoy les re-
uerer, & en leur humilité, dequoy
les imiter. Parquoy les Pasteurs s'e-
tudieront incessamment de faire
que la puissance qu'ils ont, soit d'au-
tant plus retenüe en eux, qu'elle
paroistra grande à l'exterieur, que
surmontant la pensee elle n'attire
l'ame à sa complaisance, & que
luy estant soumise elle ne sca-
che plus conduire celle que par vn
desir excessif de dominer, elle aura
recogneu pour sa maistresse. Car
c'estoit afin que l'esprit de celuy qui
preside ne s'eleuast orgueilleu-
ment, qu'un sage disoit tres-bien,
Estes vous esleu chef d'une com-

DV DEVOIR DES PAST. 101
munauté, ne vous en éleuez pas
dauantage, mais soyez avec eux
comme l'un d'eux: Et saint Pierre,
ne dominant point au Clergé, mais
en la forme d'un troupeau qu'on
auroit assemblé.

La Sageſſe meſme par l'oracle de
ſa bouche, nous incitant aux plus
hauts degrez de vertu, diſoit, Vous
ſçauetz que les Princes des Nations
dominent ſur elles, & que les plus
puiffans exercent la puiffance qu'ils
ont, ſur les inferieurs: Il n'en ſera
pas de meſme entre vous; qui vou-
dra deuenir le plus grand, qu'il de-
uienne le moindre, & qui deſire
eſtre le premier de vous, ſera com-
me voſtre ſeruiteur. Tout ainſi que
le Fils de l'homme eſt venu pour
ſeruir, & non pour eſtre ſeruy; de-
clarant pour ce ſuiet, à quelles pei-
nes eſt condamné celuy qui eſtoit

deuenu presóptueux pour la charge à luy commise, lors qu'il dit, que si ce mauuais seruiteur dit en son cœur, mon maistre ne viendra de long temps, & s'il commence de battre les autres seruiteurs, ses égaux, qu'il se saoule & qu'ils s'en-yure: Le maistre de ce seruiteur arriuera le iour & l'heure qu'il ne l'attendra pas, qui le separera, & luy assignera departement avec les hypocrites.

C'est iustement qu'il confine avec les hypocrites, celui qui sous pre-texte de discipline, tourne le ministère de la conduite en abus de domination. Et cependant on n'offense pas moins quelquesfois, quand parmy les mal viuants on garde l'égalité plustost que la discipline. Pource que Hely vaincu d'une fausse opinion, n'ayant pas vou-

DV DEVOIR DES PAST. 103
lu chastier ses enfans , fut condané
du souuerain Iuge , avec ses enfans
mesmes à vne tres cruelle punition,
apres auoir entendu par la voix de
Dieu ce reproche, Tu as aimé tes en-
fans plus que moy : Et Dieu par le
Prophete reprend ainsi les Pasteurs,
Vous n'avez point relié ce qui estoit
rompu , ny rassemblé ce qui estoit
espars : Dautant que c'est rassem-
bler ce qui est espars , quand par
la sollicitude Pastorale on ramene
au deuoir, & en l'estat de la iustice,
ce qui s'est esgaré dans le pesché:
Cômeaussi c'est relire ce qui estoit
rompu, quand par la discipline, ny
plus ny moins qu'avec vne bande
on resserre le mal del'offense, afin
que la playe ne se rende incurable à
force de couler , si on ne la resserre
par cette estreinte.

Mais souuent la rupture deuient

plus dangereuse, quād on applique mal le bandage, & lors qu'elle n'est pas bien reiointe; la partie blessée en est plus douloureuse, quand on la serre excessiuelement. A raison de quoy le Pasteur, en resserrant par la correctiō le peché de sō ouaille, doit soigneusement, aduiser à moderer tellement ses chastiments, que par trop de rigueur il ne se priue de compassion. Pource qu'il faut qu'un Pasteur ait pour les siens la douceur de mere avec la seuerité de pere: & par ce moyē il pouruoirā que le chastiment ne soit trop rigoureux, ny la debonnaireté trop indulgente. Car ainsi que nous auons fait entendre au liure des Morales, la discipline & la misericorde viennent à deschoir beaucoup de leur prix, quand on employe l'une sans l'autre.

Et les Pasteurs en doiuent vser avec tant de moderation, que par la misericorde ils consolent iustement, & que par la discipline ils corrigent pitoyablement. C'est ce que la Verité mesme nous enseigne, par le soin du Samaritain, qui met le demy mort en l'hostellerie, apres auoir appliqué du vin & del'huile en ses blessures, afin que la crimonie du vin se fist sentir aux playes, & que par l'huile semblablement elles pûssent estre fomentees. D'autant qu'il est necessaire que celuy qui preside pour guerir le mal, fasse esprouuer la pointe de son aspreté, denotee par le vin, & la douceur de la compassion, que l'huile nous represente. Il faut donc que la feuerité soit meslee avec la pitié: afin que le vin purge & nettoye le pus, & que l'huile foment & guerisse; Il faut, di-je, que la pitié soit meslee

auec la feuerité, faifant comme vn temperament de l'vn & de l'autre. que le trop de feuerité n'vlcere les perfonnes que l'on corrige, & que la douceur exceffive ne les porte à la diffolution.

Ce qui eftoit tres-bien fignifié, felon que nous tefmoigne fainct Pol en cette Arche du Tabernacle, où conioinctement auec les tables eftoit vne verge, & de la Manne. Pource qu'en vn bon Pafteur, auec la fcience del'Efcriture faincte, doit eftre la verge de rigueur, & la manne de la douceur: Et Dauid auffi difoit, Ta verge & ton bafton m'ont confolé: pource que la verge fert à frapper, & le bafton à fouftenir. Si l'on employe donc la verge pour frapper, que pour foustenir on employe auffi le bafton. qu'il y ait au Pafteur de l'amour, mais fans moleffe; qu'il y ait de la feuerité,

DV DEVOIR DES PAST. 107
mais sans vlcere; qu'il y ait du zele,
mais qu'il ne tende pas à la cruauté;
qu'il y ait de la pitié, mais sans excès
de complaisance; afin que la Iustice
& la Clemence estant ensemble dans
l'Arche, celuy qui gouuerne sçache
addoucir le cœur de son peuple, en le
faisant craindre, & moderant sa
crainte avec la douceur, le tenir dans
le respect.

*Que le Pasteur en l'occupation des choses
exterieures ne diminuë rien du soin
de l'interieur: & que pour estre sou-
cieux des choses interieures, il n'ait pas
aussi moins de prouidence.*

CHAPITRE VII.

Que le Pasteur cependant pour
s'occuper au dehors, ne quitte

rien du soin de l'interieur, & que pour le soucy du dedans, il n'ait pas moins de prouidence en ce qui regarde l'exterieur. De peur que pour s'adonner trop à ce qui est du dehors, il ne viene à dechoir en l'interieur; & que pour s'occuper entierement aux choses interieures, il ne puisse rendre au dehors ce qu'il doit à son prochain.

Car souuent quelques-vns, comme s'ils ne se souuenoient plus qu'ils ont esté constituez en la Prelature pour le salut de leurs freres, employēt toute leur sollicitude aux affaires du siecle, estant bien aises quand ils ont occasion de s'y adonner; & lors mesme que le sujet d'y vacquer leur defaut, ils ne laissent neantmoins d'auoir iour & nuit l'esprit agité de diuerses inquietudes; que s'ils manquent d'occasion, ils n'en font aucunement travailler; le repos qu'ils ont leur donne

encor plus d'ennuy: pource qu'ils prennent plaisir d'estre accablez d'affaires; & ce leur est vne grande peine de ne vacquer point au tracas du mode. Et de là vient que pour le contentement qu'ils reçoient d'estre empressez dans les negoces seculiers, ils sont ignorans aux choses spirituelles, où cependant ils deuroient enseigner les autres. En suite dequoy la vie de ceux qui leur sont soumis se relasche grandement, à raison qu'au lieu de s'avan-
cer au spirituel, elle demeure arrestée à la rencontre du mauvais exemple que leur Pasteur leur donne, qui leur est comme vn achopement, & vn obstacle en leur chemin.

D'autant que la vigueur des membres est inutile, quand la teste est malade; & c'est en vain qu'une armée suit promptement pour descouvrir les ennemis, si la guide qui la conduit s'éga-

re par les chemins. Il n'y a point d'exhortation pour encourager au bien l'esprit du peuple; il n'y a point de reprimâde pour corriger ceux qui font mal; & pendant que le Prelat n'exerce point d'autre office que celui d'un Juge seculier, la charge de Pasteur des ames est vacante, & les ouïailles ne peuvent auoir aucune connoissance de la lumiere de verité, pource que tant que l'esprit du Pasteur est occupé des affections de la terre, la poudre que le vent des tentations excite, offusque les yeux de l'Eglise.

Qui est de quoy le Redempteur du genre des hommes nous vouloit preserver, quand pour nous retirer de l'insatiable auidité du ventre, il disoit ainsi, Prenez garde à vous, que vos cœurs ne soient aggraués de crapule ny d'yurongnerie, adjoustant incon-

tinent, ny des soucis de cette vie: Puis aussi tost il y joint la crainte, de peur, dit-il, que vous ne vous trouviez surpris de ce iour subit, duquel apres il represente la venue en cest termes, Il suruiendra comme vn lacq sur tous les habitans de la terre: Puis il dit encor, Aucun ne peut seruir à deux maistres.

Et voicy comme saint Pol retire tous les Religieux de la compagnie, ou plustost de la conuersation du monde: Que nul de ceux qui sont enrrollez en la milice de Dieu, ne se mesle des affaires du siecle. Et en vn autre lieu pareillement il recõmande aux Prelats de se retirer en repos, & de donner en cette façon ordre aux differents: Si vous auez des procez entre vous, prenez les moindres qui soient en l'Eglise, & les establissez pour en iuger, afin que ceux là seruent

à l'administration des negoces de la terre, qui ne sont point ornez des graces spirituelles; Comme si plus clairement il eust voulu dire, Puis qu'ils ne sçauent penetrer dans les choses interieures, qu'ils vacquent pour le moins aux necessitez du dehors.

C'est pourquoy Moyse, à qui Dieu parloit familièrement, fut repris de Ietro, l'estranger, de ce qu'il se consummoit de trauail, s'occupant à iuger les differés du peuple; & receut de luy cét aduis, qu'il establíst en sa place d'autres personnes pour decider de leurs affaires, afin que plus librement il peust vacquer aux choses spirituelles, pour instruire le peuple. Il faut donc que les inferieurs soient employez aux moindres choses, & que les Recteurs ayent le soin des plus grandes; à ce quel œil qui preside à la conduite des pieds, pour se trop abais-

DV DEVOIR DES PAST. iij
fer ne soit point offusqué de la poussiere.

Car tous ceux qui president sont la teste du peuple; & afin que les pieds soient adressez au bon chemin, sans doute elle doit regarder d'en haut, pour ne les empescher pas d'auancer, si pour encliner trop le corps elle s'abaissoit vers la terre. Aussi comme est-il possible qu'un Pasteur des âmes soit honoré sur tous, si luy mesme s'adonne aux choses de la terre, pour lesquelles il doit reprendre les autres?

Certes c'estoit la menace que faisoit par son Prophete, le Seigneur irrité, disant, Tel qu'est le peuple, tel sera le Prestre. D'autant que le Prestre est comme le peuple, quand celuy dont l'office est d'administrer le spirituel, fait les mesmes choses que font ceux qui sont condamnez pour

leurs affections charnelles. Ce que Ieremie deploroit autrestois avec vn grand sentiment de charité, disant, Comment l'or s'est-il obscurcy? la bõne couleur est changée, les pierres du Sanctuaire sont esparles par les carfours des ruës. Que signifie l'or le plus precieux des metaux, sinon l'excellence de la saincteté? Que represente la couleur, autre chose que l'aimable respect de la Religion? que denotent les carfours des ruës, sinon la licence de cette vie mondaine? Car ce que les Grecs appellent *plato*, largeur, les Latins l'appellent *platea*, ruë, & les ruës sont appellées ainsi pour la largeur & la libre estendue que chacun y peut auoir: Et la Verité disoit par elle-mesme, Large & spacieuse est la voye qui mene en perdition. L'or donc est obscurcy, quand par des actions terrestres, la saincteté des Prestres est con-

DV DEVOIR DES PAST. iij
taminée. La bonne couleur est chan-
gée alors que la reputation de ceux
qu'on estimoit viure religieusement
est amoindrie. Car aussi tost qu'on
void vne personne, apres auoir pris vn
habit sainct, se meller des affaires de
la terre, au mesme temps, comme si
elle changeoit de couleur aux yeux
du monde, l'esclat du grand respect
qu'on luy portoit auparauant, se ter-
mit, & vient à mespris.

Pareillement, les pierres du San-
ctuaire sont esparles auant les rües,
quand ceux qui pour l'honneur &
l'ornement de l'Eglise, se deutoient
contenir en l'occupation des saincts
mysteres dans les secrets du Sanctuai-
re, s'exposent en public & par les
grands chemins, à la poursuite des ne-
gociés du siècle? Et d'autant que les
pierres du Sanctuaire n'estoient or-
données que pour paroistre sur les ve-

tements du grand Prestre: Quand les ministres de la Religion n'exigent pas de leurs inferieurs l'honneur qu'ils doiuent à leur Redempteur, on peut bien dire que les pierres du Sanctuaire ne sont plus en l'ornement du souverain Pontife. Lesquelles pierres du Sanctuaire sont esparfes avant les ruës, alors que les persônes de cét Ordre sacré, pour s'adonner à leurs plaisirs, s'attachent aux choses de la terre.

Dauantage, il est à remarquer qu'il est dit, que ces pierres sont esparfes, non point aux ruës, mais à la teste des ruës. Pource que pendant qu'ils vacquent à la terre, ils veulēt encor qu'on les repute souverains, en sorte qu'ils tiennent le haut du paué, pour leur contentement, & pour leur plaisir, combien qu'ils ne soient à la teste des ruës, que pour le respect de la pieté. Semblablement il n'importe si par les

pierres du Sanctuaire nous entendôs celles mesmes dont le Sâctuaire estoit basty, qui sont esparfës à la teste des ruës, quand les personnes de ce saint Ordre, & de l'office desquelles depêd l'honneur & la gloire de la Religion, se plaisent, & recherchent de se meller des affaires du monde.

Car il est quelquesfois necessaire d'y vacquer par compassion; mais il ne les faut iamaïs rechercher d'affection, de peur qu'aggrauant l'esprit de celuy qui les aime, elles ne l'accablent de leur poids, & ne le jettent de haut en bas. Vous en voyez au contraire qui prennent bien la charge du troupeau, mais ils desirent tellement s'attacher au spirituel pour eux, qu'ils ne s'occupent en aucune façon à ce qui est de l'exterieur; qui negligent entierement le soin des choses temporelles, & n'ont aucun esgard de

subuenir aux necessitez de ceux qu'ils ont en leur charge. Les remontrances de ceux-là, certes, sont mesprisées, pource que pendant qu'ils repréent les deffailants, & qu'ils ne leur donnent pas neantmoins les necessitez de la vie presente, on ne fait aucun estat de ce qu'ils disent: dautant que la docte predication ne penetre point en l'esprit des souffreteux, si la main charitable ne leur en facilite l'entrée.

Mais la semence de la parole germe facilement au cœur des auditeurs, quand elle est arrousée de la secourable de bonnaireté de celuy qui la prediche. A raison dequoy le Prelat qui veut respendre en l'interieur des sens de bonnes pensées, leur doit pouruoir de ce qui leur est besoin en l'exterieur. Ainsi donc les Pasteurs seront tellement zelez pour la nourriture spirituelle de leurs ouïailles, qu'ils ne

laissent pas derriere le soin de la vie du corps. Autrement il ne faut pas s'estonner si le troupeau se degoute de la predication du Pasteur, qui luy denie en la necessite son assistance.

Pour ce sujet le premier des Pasteurs leur donnoit cet aduertissement: Je prie les Anciens qui sont parmy vous (moy qui suis ancien & tesmoin des souffrances de Iesus-Christ, esperant aussi de participer à la gloire qui doit estre reuelée) de repaître le troupeau qui vous est commis. Et pour donner à cognoistre de quelle pasture il entend parler, si c'est de l'esprit ou du corps, il adjoulte vn peu apres, leur subueuant non par contrainte, mais de bon gré, selon Dieu, non pour le lucre sordide, mais volontairement. Par lesquelles paroles sans doute, il fait vne pieuse defense aux Prestres, de ne saouler en telle sorte leurs ouail-

les, qu'ils se tuent eux mesmes du cousteau de l'ambition, & que subuenant aux necessitez corporelles du prochain, ils ne soient eux mesmes affamez du pain de Iustice.

Sainct Pol semblablement resueille ainsi la sollicitude Pastorale: Qui-conque ne tient conte des siens, & principalement de ses domestiques, il a renié la Foy, & doit estre tenu pire qu'un infidele. En cecy donc il faut tousiours craindre, & soigneusement prendre garde qu'en vacquant à l'exterieur, on ne soit deboutté de l'attention interieure. Car il y a des Prelats, comme nous auons dit, qui pour seruir trop au temporel, se refroidissent du spirituel, & se dissipant au dehors, ne craignent point d'oublier qu'ils ont entrepris la conduite des ames. Parquoy le soin que l'on prend de l'exterieur, pour la commodité des

sens, doit estre en certaine mesure.

Ce qui faisoit tres-bien dire au Prophete Ezechiel, que les Prestres n'ayent point la teste razée, ny la chevelure longue; mais qu'ils soient tonsus, & qu'ils fassent leur poil avec les ciseaux. Pource que ce sont les Prestres qui ont la conduite des fideles: & les cheveux de la teste representent les pësees de l'esprit. Or tout ainsi que les cheveux croissent insensiblement sur le cerueau; de mësme les soucis par vne negligence de sens, attendu qu'ils nous suruiennent quelquesfois iusques à l'importunité, s'augmentent sans que nous nous en apperceuions. Et d'autant que les Prelats doiuent auoir des sollicitudes pour l'exterieur, sans neantmoins s'y attacher beaucoup, les Prestres pour ce sujet ont commandement de ne se razer point le poil, ny de porter la chevelure lon-

gue, afin qu'ils ne quittent pas entièrement les pensées de la vie présente pour le bien de leurs oüailles, & qu'ils ne les laissent aussi croistre par trop: Leur estant aussi commandé qu'ils ayent les cheueux coupez aux ciseaux, pour faire qu'ils ayent soin de pourvoir au temporel autant qu'il est nécessaire; mais que ces pensées soient aussi tost retranchées qu'elles ne deviennent trop grandes. En sorte d'oc que quand par la prudente administration de l'exterieur, la vie du corps est protégée, & n'est point empêchée par vne trop grande attention du spirituel, les cheueux du Prestre soient entretenus pour couvrir la peau; mais aussi les faut-il couper, afin qu'ils n'offusquent pas les yeux.

*Que le Prelat n'affecte pas de plaire aux
hommes, mais qu'il ait égard
neantmoins en quoy il
leur doit plaire.*

CHAPITRE VIII.

A Vec tout cecy, de plus il faut
que le Pasteur veille soigneu-
sement à ce qu'il ne soit meü d'aucun
desir de plaire aux hommes, de peur
qu'au mesme temps que pour la con-
sideration de l'interieur, il administre
prouidement les choses exterieu-
res, il ne recherche plustost d'estre
aymé de ses ouïailles, que de faire que
la Verité soit aymée d'elles; Et que
pendant que par ses bonnes œuures
il semble estre esloigné du monde,
l'amour de soy-mesme ne l'esloigne

de son Createur: Pource que celuy-là, certes, est ennemy de son Redempteur, qui pour ses bonnes œuvres, veut estre aymé de son Eglise, au lieu de luy; ny plus ny moins que le seruiteur est coupable d'adultere en la pensee qui pretend de gagner le cœur de l'espouse, par les dons qu'il luy porte de la part de son espoux.

Joint à cecy que l'amour propre occupant vne fois l'esprit du Pasteur, tâtost le porte à la douceur, & tâtost le transporte à la rigueur excessiue; attendu que c'est pour l'amour de foy-mesme que l'esprit du Pasteur se rend lasche & mol, quand il void le peche des siens, & de peur qu'il ne soit moins affectionné d'eux, il n'ose les reprendre, & souuent mesme en les flattant il addoucit, & pallie ce qu'il deuroit aigrement reprimander.

Pour cecy, le Prophete disoit tres-bien, Malheur à ceux qui coustent des coussinets à chaque coude, & qui mettent des oreillers dessous la teste des personnes de tous aages, pour seduire les ames: Car c'est attacher des coussinets aux coudes de chaque bras, quand on flatte, & qu'on entretient doucement en leurs imperfections les ames qui dechoient de leur droiture, & qui s'enclinent à l'amour du monde. L'on ne fait ny plus ny moins que si l'on mettoit vn coussinet dessous le coude, ou bien vn oreiller dessous la teste d'une personne couchee, alors que pour soustraire au pecheur la dureté de la reprimande, on luy suppose le mal de la faueur, en sorte que celuy là gist mollement en sa faute, que l'on ne releue pas avec vne rude contradiction. Et c'est ce que font les Pasteurs amou-

reux d'eux-mesme , à ceux qu'ils pensent leur pouuoir nuire en ce qu'ils ont de plus cher au monde; Car pour les autres qu'ils voyent n'auoir aucune puissance de leur mal-faire, ils les accablēt à tous propos de tres-fascheuses , & tres-rigoureuses corrections: Ils ne leur donnent iamais vn doux aduertissement ; mais oubliant la debonnaireté Pastorale, ils les effrayent de menaces, comme des Seigneurs.

Telles gens sont ainsi reprimandez par la voix Diuine, au Prophete Ezechiel , Vous leur commandiez imperieusement , avec puissance & feuerité: Car à raison que ces hommes là s'ayment plus que leur Createur, ils s'esleuent insolemment contre leur peuple , & sans considerer quel est leur deuoir, ils ne regardent que leur pouuoir; Ceux-là, certes, ne

crainent rien du Iugement à venir, qui se glorifient de la puissance du siecle, avec tant d'impieté: C'est leur plaisir que tout ce qui est illicite aux autres, leur soit licite, & qu'ils ne soient contredits de personne. Mais quiconque se porte à mal faire, & veut que les autres se taisent, tesmoigne assez contre soy-mesme qu'il s'ayme plus que la Verité, puis qu'il ne permet pas qu'on la defende contre luy-mesme.

Et pource qu'il n'y a personne au monde qui viue en telle sorte, qu'il ne peche quelques fois; celuy-là, sans doute, ayme plus la Verité que soy-mesme, qui ne veut pas que personne l'espargne au preiudice de la Verité.

C'est ainsi que saint Pierre reçoit de bon cœur la reprimande de saint Iol; & que Dauid entend de bonnai-

rement la remonstration de son sub-
jet, pource que les sages Princes qui
ne sont point aueuglez de l'amour
propre, ne dédaignent pas d'escouter
ce que leurs subiets leur disent d'une
pure franchise, & le reçoient com-
me vn agreable seruice. Il faut en ce-
cy, neantmoins, vser de bonne con-
duite; à ce que l'esprit des inferieurs,
qui peuuent quelquesfois donner de
bons aduis, se licencie de dire en telle
façon ses sentimens, que cette licence
ne degenerate pas en outrecuidance,
de peur que pour leur donner incon-
siderément la liberté de parler, ils ne
perdent le respect & l'humilité.

Dauantage il ne faut pas que les
Pasteurs legitimes affectent de plaire
aux hommes; mais ils se doiuent ser-
uir de la bonne estime qu'on aura
d'eux, pour les attirer à l'amour de la
Verité; non qu'ils desirent qu'on les
ayme

ayme, mais que l'amour qu'on leur portera, soit comme vne voye pour introduire ceux qui les escoutét, à l'amour de leur Createur. Car il est bien difficile qu'un Predicateur, quelque verité qu'il annonce, soit fauorablement escouté, si on ne l'ayme. Le Prelat taschera donc de se rendre bien voulu pour faire qu'on l'escoute, & ne cherchera pas neantmoins cette bonne volonté pour soy, de peur qu'il ne soit trouué minuter en l'interieur par vne secrette tyrannie, quelque rebellion contre celuy qu'il sert à l'exterieur.

C'est ce que saint Pol exprime tres-bien, nous manifestant ainsi ses intentions; En toutes choses ie me rends agreable à tous: Et cependant il dit en vn autre lieu, Si ie plaisois encore aux hommes, ie ne ferois pas seruiteur de Iesus-Christ. Saint Pol

donc plaist, & ne plaist pas: Carence qu'il veut plaire en n'est pas soy mesme; mais c'est la verité qu'il veut rendre agreable à tout le monde.

Que le Pasteur doit sçavoir que les vices bien souvent se feignent estre des vertus.

CHAPITRE IX.

AVssi faut-il que le Pasteur sçache que les vices ordinairement se deguisent en vertus: Car souvent l'avarice se couure du nom d'espargne; au contraire, la prodigalité se fait appeller largesse: on pense quelquesfois que ce soit pieté qu'une trop lasche indulgence, & la colere enflammee se prend pour la vertu de zele spirituel. On estime souvent

qu'une action precipitee soit l'effect d'une prompte diligence; & la paresse vn conseil de meure grauité.

C'est pourquoy le Pasteur des ames doit sçauoir discerner avec vne exacte vigilance, les vertus & les vices, de peur que l'auarice s'emparant de son cœur, il ne soit bien aise qu'on le repute homme d'espargne en ses distributions; & que pendant qu'il despende prodigement, il ne se glorifie d'estre liberal, & comme pitoyable: Ou qu'en pardonnant ce qu'il deuroit chastier, il ne commette luy-mesme la plus grande faute, ou que pour expedier quelque affaire inconsiderément, & à la haste, il ne passe legerement, & trop hastiement par dessus ce qu'il pouuoit plus iudicieusement examiner: Ou que pour trop dilayer en vne action, au lieu de la rendre meilleure, il ne l'empire.

*Que le Pasteur doit user discrettement de
correction, de dissimulation, de
rigueur & de douceur.*

CHAPITRE X.

IL est necessaire que le Pasteur, outre cecy cognoisse comme il doit prudemment dissimuler les vices de quelques vns : aussi faut-il donner à cognoistre qu'on les dissimule ; Il est quelquesfois requis de tollerer sagement ceux qui sont manifestes , & quelquesfois aussi subtilement , & discrettement les sonder ; quelques fois reprendre doucement , & quelquesfois aigrement reprimander : Car il y a des vices qu'il faut , comme nous auons dit , prudemment dissimuler ; mais on doit faire sçauoir aussi

qu'on les dissimule, afin que le coupable n'ignorant pas qu'on a descouvert sa faute, & qu'on la souffre, aye honte d'accroistre ce que tacitement on supporte de luy ; & de sa propre condamnation il punisse luy-mesme ce qu'il void estre excusé par la debonnaireté du Pasteur.

C'estoit par cette dissimulation, que Dieu reprenoit la Iudee, quand il luy disoit par son Prophete, Vous avez esté menteuse, & ne vous estes pas souvenue de moy ; Vous n'avez pas en vous mesme pensé que ie dissimulois vos pechez, & me taisois comme si ie n'en eusse rien veu. Il dissimuloit donc les fautes, & fit apres cognoistre sa dissimulation. Car il s'est teu contre les pecheurs, & toutesfois il leur a déclaré son silence.

Aussi est il quelquefois besoin de

tolerer meurement aucunes choses qu'on void manifestement, quand l'opportunité ne permet pas que publiquement on les corrige. Pour ce que les playes trop tost incisees s'enflamment dauantage; & les medecaments qui ne sont point appliquez en leur temps, ne sont d'aucune vertu : Ioinct que pendant qu'on attend l'occasion commode à la correction, la tolerance du Pasteur en est d'autant plus exercee, estant chargé des pechez d'autrui.

Ce qui faisoit dire au Psalmiste, Les pecheurs ont fabriqué dessus mon dos ; car c'est dessus le dos qu'on porte les charges. Il se plaint donc que les pecheurs ont fabriqué dessus son dos, comme s'il disoit, Je porte dessus mon dos les pechez que ie ne puis corriger. Semblablement il y a des choses qu'on doit

subtilement rechercher, & secrettement sonder, afin que le Pasteur descouure comme par certains signes qui s. montrent d'eux mesmes, tout ce que leurs oüailles recellent au fond de leur esprit, & que sur le poinct de la correction, par les moindres ils viennent à cognoistre les plus grandes fautes.

Pour ce suiet il fut dit au Propheete Ezechiel, Fils de l'homme, perce la paroy; le Propheete adjousteaussi tost, Et quand i'eûs faict vn pertuis à la paroy, i'y apperceus vne porte, & il me fut dit, Entre, & voy les detestables abominations que ceux là font; & quand ie fus entré, ie regarday, & vy la ressemblance des serpents, l'abomination des animaux, & tous les Idoles de la maison d'Israël depeints en la paroy. L'ordre des Prelats est représenté par Eze-

chiel, & la dureté du peuple est signifiée par la paroy. Mais que veut dire percer la paroy; sinon percer la dureté des cœurs par de subtiles enquestes? Quand la paroy fut percée, il vid vne porte; pource qu'alors que la dureté du cœur est entamée par de soigneuses informations, ou par de sages reprimandes il y paroist, comme vne ouuerture par laquelle on descouure l'interieur de toutes les pensées de celui que l'on reprend. Aussi conséquemment il adioust en ce lieu mesme, entre, & voy les abominations que ceux-là commettent icy. Celuy là fait, comme s'il voyoit des abominations, qui par de certains signes exterieurement apparoißans, penetre tellement les cœurs de ceux qu'il regit, que toutes leurs pensées illicites luy sont manifestes. En suite il dit apres, Et quand ie fus entré, ie

regarday , & vy la ressemblance de serpents , & l'abomination des animaux : par les serpents sont figurees les pensées terrestres ; & par les animaux, celles qui sont vn peu éleues audessus de la terre, mais elles ont encor toute leur attention à la terre. Car les serpents se trainent entierement contre la terre , & les animaux sont en quelque façon , par vne partie de leur corps , éleuez de la terre ; mais pour le desir de la pasture, ils s'enclinent tousiours à la terre : Les serpents donc sont en la paroy, quand en l'esprit on a des pensées qui ne s'éleuent iamais plus haut que la terre, où les desirs se tiennent incessamment rampans. Les animaux aussi sont en la paroy, quand bien qu'on se propose aucunes fois de iustes, & d'honnestes desseins , ils ne seruent neantmoins que pour le gain , & pour

l'honneur temporel. Et quoy qu'en partie, & comme d'eux mesmes ils se fousleuent de la terre, si est ce que l'ambition, & le desir de satisfaire à leur ventre, les fait encor pencher en bas.

Et pour ce sujet il adjouste tres-bien que tous les Idoles de la maison d'Israël estoient dépeints en la parroy. Dautant qu'il est escrit, l'Auarice est vne Idolatrie. Les Idoles donc sont figurez apres les animaux; pource qu'encor que quelques-vns par leurs bonnes actions s'esleuent de la terre en certaine sorte, le mal de l'ambition toutesfois les rauale en terre. Or il dit fort à propos, qu'ils estoient dépeints, pource que quand de dehors on attire au dedans les especes des choses, c'est comme si l'on dépeignoit au cœur tout ce qu'en delibérant, on s'imaginer en la pensée.

Aussi est-il à remarquer qu'en premier lieu il y eut vn pertuis, puis vne porte en la paroy, & finalement on vid l'abomination qui estoit cachée, pource qu'il paroist premierement à l'exterieur des signes de chaque peché, puis la porte de l'iniquité se manifesta, & en fin tout le mal qui estoit caché dedans, se descouvre.

Dauantage, il y a des pechez qu'il faut reprendre doucemēt: pource que quād on peche, non par malice, mais seulement par ignorance, ou par infirmité, certes il faut alors que la correction soit grandement moderée: Car tant que nous auons à viure en cette chair mortelle, nous sommes tous sujets à l'infirmité de nostre corruption. Parquoy chacun doit cognoistre pour soy-mesme comme il doit compatir à l'infirmité des autres, de peur que reprimandāt le prochain

avec trop de rigueur, il semble qu'on ait oublié ce que l'on est.

C'est pourquoy saint Pol donne cét aduis : Si quelqu'un de vous est prevenu de quelque delict, vous qui estes spirituels, instruisez-le avec l'esprit de douceur, considerant ce que vous estes, & que vous ne soyiez tenté vous mesme. Car s'il disoit, quand vous remarquerez en l'infirmité d'autrui quelque chose qui vous déplaist, aduisez quelle est vostre condition, afin que vostre esprit modere le zele qu'il a de reprimander, craignant que ce que vous reprenez en vn autre, ne vous aduienne.

Parcillement il y a des vices qu'on doit reprimander aigrement; comme quand vn pecheur ne recognoist pas l'enormité de son crime, il est bon alors que celui qui le repréd luy fasse ressembler. Et quand apres auoir cōmis vne

offense, on l'extenuë faisant le peché moindre qu'il n'est; il faut alors que par la seuerë reprimande du Pasteur, le coupable en conçoie beaucoup de crainte. Car c'est l'office du Prelat de monstrier par l'esclat de sa predication, la gloire du Celeste Empire, de descouurir combien au chemin de cette vie nostre ancien aduersaire tiët de laz tendus, & de pieges cachez, & de corriger avec vne tres-aspre seuerité, les maux qui ne se peuuent doucement souffrir.

A raison dequoy Dieu disoit à Ezechiel, Prends vne tuile, & la mets deuant toy, tu y descriras la Cité de Hierusalem, & disposeras contre elle vn siege, tu edificeras des fortificatiós, tu y leueras des bouleuars, & rangeras le camp contre elle, & dresseras la batterie à l'entour d'elle. Et pour sa defense aussi tost il adjouste: Aussi tu

prendras vne paille de fer, & la mettras pour vne muraille entre toy & la ville. Que represente le Prophete Ezechiel, sinon les Maistres de la Religion ? à chacun desquels il est dit, prens vne tuile & la mets deuant toy, tu y descriras la Cité de Hierusalem. Pource que les saints Docteurs prennent vne tuile toutes les fois qu'ils prennent le cœur terrestre de leurs auditeurs; laquelle tuile ils mettent deuant eux, pource qu'ils la gardēt avec toute l'attention de leur esprit. Ils ont commandement d'y tracer en portraict la ville de Hierusalem ; pource qu'en preschant les cœurs de la terre, ils taschent autant qu'il leur est possible, de leur faire entendre quelle est la vision de paix : mais que c'est en vain quel'on cognoist la Celeste beatitude, si l'on ne cognoist aussi les tentations, & malicieuses embusches de

nostre ennemy plein d'artifices, il est dit en suite fort à propos: Et tu disposeras contre elle vn siege, & tu edificeras des fortifications: pource que les saints Predicateurs mettent vn siege autour de la tuile, où la Cité de Hierusalem est figurée, quand ils font entendre aux esprits terrestres, & qui déjà neantmoins aspirent au celeste Sejour, combien de vices durât cette vie luy font la guerre incessamment. Car alors qu'on leur monstre comme quoy chaque peché s'efforce de surprendre ceux qui font quelque progres à la pieté; c'est tout ainsi qu'un siege que la voix du predicateur range autour de la Cité de Hierusalem.

Mais pource qu'il ne suffit pas d'auoir cognoissance des assauts que nous liure le vice, si consequemment la garde des vertus ne nous fortifie, il adiousté, Et tu edificeras des fortifications; d'autant que ce

sont autant de fortifications que le Predicateur edifie, quand il represente quelles sont les vertus, & à quel vice est opposée chacune d'elles. Et pource que la vertu croissant, les efforts des tentations s'accroissent aussi: C'est fort à propos qu'il adiousté encor, Et tu y leueras vn bouleuart, & rageras le cap contr'elle, & dresserás la batterie à l'entour d'elle: Pource que le Predicateur esleue vn bouleuart, alors qu'il fait entendre la grandeur de la tentation croissante. Il range le camp contre Hierusalem, quand il predit à la droite intétion de ses auditeurs les subtiles ruses, & les embusches presque incomprehensibles du capital ennemy des hommes, il dresse la batterie à l'entour d'elle, alors qu'il donne à cognoistre la pointe des tentations qui nous attaquent de toutes parts

parts pendant cette vie, & qui souuēt font bresche à la muraille des vertus.

Mais quoy que le Pasteur fasse industrieusement entendre toutes ces choses, il n'est pas deschargé de son deuoir, si contre les pechez d'un chacun il n'employe la ferueur de son zele. Pour cette raison il adjoust encor en ce lieu, Et toy prens vne paille de fer, & la mets pour vne muraille entre toy & la ville. Par la paille s'entend la friture de l'esprit, & par le fer la force de la reprimande. Y a-t'il rien qui brusse & cuise dauantage l'esprit d'un predicateur, que le zele de Dieu. Sainct Pol escrit de cette friture, quand il disoit, Qui de vous est infirme, & ie ne le suis pas? Qui de vous est scandalizé, sans que ie sois brulé de mesme zele. Et pource que celuy qui est enflâmé du zele de Dieu, de crainte qu'il a d'estre damné par sa

negligence se tient toujours remparé
d'une bõne garde, il est dit, Tu la met-
tras pour vne muraille de fer entre toi
& la ville : car la paille de fer est mise
pour vne muraille de fer entre le pro-
phete & la ville, attendu que quand
les pasteurs maintenāt employent vn
fort zele, ils ont apres le mesme zele
pour vne forte defense entr'eux &
leurs auditeurs, pour empescher qu'ils
ne soient surpris au temps de la ven-
geance, cõme ils seroient, s'ils estoient
à present nonchalans à les reprendre.

Or il faut sçauoir cependant que
l'esprit du Docteur venant à s'aigrir
en reprimandant, il est bien difficile
qu'il ne s'emporte quelquesfois à pro-
ferer ce qu'il ne doit pas, attendu que
souuent il arriue qu'un maistre en re-
primandant ses disciples avec trop de
passion, ne peut retenir sa langue. Or
la reprimande estant excessiue

enflammée, n'a point d'autre effet que de reduire au desespoir ceux qui ont offensé. D'où vient qu'il est necessaire que le pasteur irrité recognoissant auoir atteint l'esprit de ses oüailles plus seuerement qu'il ne falloit, aye en soy-mesme aussitost recours à la penitence, pour obtenir pardon au Tribunal de la Verité, de la faute qu'il a commise pour l'affection du zele qu'il auoit pour elle.

C'est ce que Dieu commandoit figuratiuement à Moÿse, disant, Si quelqu'un va pour couper simplement du bois en la forest avec son amy; & si le bois de la hache luy eschape de la main, ou si le fer sortant du manche, frappe son amy, & le tuë: que ce luy-là se retire en vne des villes susdites, de peur que le parent de cet autre dont il a respâdu le sang, meu de douleur, ne le poursuiue, ne le prenne, &

ne le fasse mourir; Nous allons en la forest avec nostre amy, toutes les fois que nous nous tournons à confiderer les fautes de ceux qui sont en nostre charge; & nous coupons simplement du bois, quand à bonne intention nous retranchons leurs vices en les corrigeant. Mais la hache nous tourne en la main, quãd la reprimande est plus seuerre qu'il ne faut: & le fer sort du manche quand en le reprenant, il nous arriue de luy dire quelque fascheuse parole: Il atteint & tuë nostre amy, quand par l'outrage ou l'injurieux propos qu'il entéd de nous, il est priué de l'Esprit de dilection: Parce que la personne que l'on reprend s'esmeut à la haine quãd la reprimande est immoderée. Il faut d'óc que celuy qui sans y penser, coupe du bois, & tuë son prochain, s'enfuye deuers ces trois villes, afin de demeurer

en l'une pour refuge: Car si se tournât à faire penitence, il se cache en l'unité du saint Sacrement, sous la Foy, l'Espérance, & la Charité, la coulpe d'homicide ne luy est point imputée: Et quand le parent du mort le trouuera, il ne le fera point mourir; car à l'aduenement du iuste Iuge, qui s'est allié de nous, espousant nostre Nature, assurément il ne punira pas la faute que par la Foy, l'Espérance, & la Charité, sous la grace il aura cachée.

Que le Pasteur doit s'adonner à la meditation de la Loy de Dieu.

CHAPITRE XI.

MAis le Pasteur s'acquittera dignement de tout cecy, qui pour estre inspiré de l'Esprit d'amour

& de crainte, meditera chaque iour ce que la Loy de Dieu nous cōmande, afin que les salutaires instructions de sa parole repare ce que pour l'vsage continuel de la conuersation humaine, il peut auoir de dechet de cette grāde sollicitude, & prouide circonspection qu'il doit incessammēt auoir de la vie Celeste : Et que se laissant quelquesfois aller en la compagnie du siecle, aux vieilles habitudes de la vie terrestre, il se r'auise, & de nouveau se remette par vn desir de compunction à l'amour de la celeste Patrie. Car nostre cœur souffre beaucoup de diminutiō parmy les discours ordinaires des hommes; & puis qu'estant agité par les occupations exterieures, il ne peut qu'il ne se renuerse, il faut qu'incessāment il tache de se releuer par l'estude & par la doctrine.

C'est pour ce sujet que saint Pol

DV DEVOIR DES PAST. 151
aduertit ainsi le Pasteur qu'il auoit
estably sur vn troupeau, Iusques à ce
que ie vienne adonnez-vous à la le-
cture. Et Dauid disoit, Côme i'ay sur
tout aimé vostre Roy, Seigneur, c'est à
quoy i'occupe ma pensée tout le iour.
Pour cette mesme raison Moyse re-
ceut ce commandement de Dieu tou-
chant l'ordre quel'on tiendrait à por-
ter l'Arche, Tu feras quatre cercles
d'or, que tu joindras aux quatre coins
del'Arche : puis tu feras des leuiers de
Sethin, que tu couuriras d'or, & les
passeras par les cercles aux costez de
l'Arche, afin de la porter, qui deme-
ureront toujours dans les cercles, sans
qu'on les en retire. Que nous figure
l'Arche, sinon la sainte Eglise, où
l'on cōmande d'attacher quatre cer-
cles aux quatre coins, pource qu'estât
estenduë & publiée par les quatre
coins du mode, il n'y a point de dou-

te que ce ne soit par le moyen des quatre liures de l'Evangile sacré: Semblablement il y a des leuiers de bois de Sethin, passez aux cercles: d'autant qu'il est besoin de genereux & forts Docteurs, tels que le bois de Sethin incorruptible, qui se tenant continuellement en l'instruction des saints volumes, preschent sans cesse l'vnité de l'Eglise; & côme estant passez toujours dedans les cercles, seruent à porter l'Arche. Car porter l'Arche avec les cercles, n'est autre chose que faire venir la sainte Eglise en preschant, & par de bós Docteurs en l'esprit des infidelles: Et ces leuiers qui portent l'Arche, doiuent estre aussi couuerts d'or, afin qu'outre le son de la parole qu'ils font entendre aux autres, ils esclatent eux mesmes par la splendeur de leur bonne vie.

Il est aussi fort à propos adiousté

qu'ils serot tousiours dans les cercles, sans que iamais on les en retire, pource qu'il est necessaire que ceux qui veillent à l'Office de la Predication, ne quittent iamais l'estude des sacrez volumes: & le sujet pour lequel ils doivent estre toujours dedans les cercles, c'est afin que quand il est besoin de porter l'Arche, on ne retarde point en attendant qu'on y passe les leuiers: pource que toutes les fois qu'un Pasteur est requis de quelque doctrine spirituelle, par aucune de ses ouailles, se seroit vne hôte s'il l'alloit estudier alors qu'il faut respôdre à la question. Que les leuiers donc soient incessamment aux cercles, à ce que les Docteurs meditant sans cesse la parole diuine, ils leuent, sans retarder, à toutes occasions, l'Arche du Testamēt; & qu'aussi tost ils enseignent ce qu'on leur demandera. Le premier Pasteur de

l'Eglise pour cette raison donnoit cét
aduis aux Pasteurs, Soyez prests à tou-
te heure de donner satisfaction à tou-
te personne de ce que vous esperez.
Comme si plus clairement il eust
voulu dire, afin que rien ne retarde
l'Arche, & que les leuiers soient tou-
jours prests dedans les cercles.





LE SOIN
DES PRELATS,
 ET LE DEVOIR
 DES PASTEURS.
LIVRE TROISIÈME.

*Quelle instruction, & quels aduertissemens doit donner à son peuple
 un bon Pasteur.*

CHAPITRE PREMIER.

A PRES auoir representé quel
 doit estre vn Pasteur, mon-
 strons maintenant comme il
 doit instruire ceux qui sont dessous sa

conduite : Car ainsi que l'a déclaré long temps auant nous saint Gre- goire de Nazianze ; vne mesme ex- hortation n'est pas propre à toute sorte de personnes , pource qu'elle ne conuient pas à la qualité des mœurs d'un chacun. Ce qui profite aux vns est dommageable aux autres ; & les herbes qui seruent communément à nourrir ces ani- maux-cy , font mourir ces autres- là: l'on appaise les cheuaux, & l'on ir- rite les chiens avec vn doux siffle- ment : Le mesme medicament qui guerit vn mal, engrege vn autre ; & le pain qui sustente les personnes robu- stes, suffoque les petits enfans. C'est pourquoy la parole des Docteurs se doit conformer à la qualité de ceux qui l'entendent : afin que chacun y trouue ce qui luy faut, & qu'elle ne se departe pas neantmoins de la manie- re commune d'edifier : Car que sont

les penſees attentives des auditeurs, ſinon certaines extenſions de chor- des bandees, que le iouëur d'in- ſtrumens, pour reſonner d'accord vne chanſon, touche diuerſement; & les chordes rendent vne agrea- ble harmonie, pource qu'elles ſont bien touchees d'un meſme archet, mais non d'un meſme coup. Ainſi le Docteur, pour faire que tous ſoient edifiez en vn meſme accord de charité, touchera les cœurs de ſes auditeurs avec vne meſme do- ctrine, mais non d'une ſeule & meſ- me exhortation.

*Comme quoy le Pasteur ayant égard à la
qualité de ses auditeurs, pourra
les edifier en les exhortant.*

CHAPITRE II.

1. **C**Ar les aduertissements doi-
uent estre d'une façon dif-
ferente, & pour les hommes & pour les
femmes.
2. Pour les ieunes, & pour les vieil-
les gens.
3. Pour les pauvres & pour les ri-
ches.
4. Pour les ioyeux, & pour les
tristes.
5. Pour les inferieurs, & pour les
superieurs.
6. Pour les seruiteurs, & pour les
maistres.
7. Pour les sçauans, & pour les

gnorans.

8. Pour les impudens, & pour les
honteux.

9. Pour les audacieux, & pour les
timides.

10. Pour les impatiens, & pour
ceux qui patientent.

11. Pour les bien-veillans, & pour
les enuieux.

12. Pour les simples, & pour les
impies.

13. Pour les sains, & pour les mala-
des.

14. Pour ceux qui craignent les
diableux, & qui vivent innocemment:
& pour ceux qui sont endurcis en
leurs iniquitez, & qui nonobstant les
diableux, demeurent incorrigibles.

15. Pour ceux qui parlent trop peu:
& pour ceux que l'on ne scauroit fai-
re taire.

16. Pour les paresseux, & pour les

ne le fasse mourir; Nous allons en la forest avec nostre amy, toutes les fois que nous nous tournons à considerer les fautes de ceux qui sont en nostre charge; & nous coupons simplement du bois, quand à bonne intention nous retranchons leurs vices en les corrigeant. Mais la hache nous tourne en la main, quâd la reprimande est plus seuerre qu'il ne faut: & le fer sort du manche quand en le reprenant, il nous arriue de luy dire quelque fascheuse parole: Il atteint & tuë nostre amy, quand par l'outrage ou l'injurieux propos qu'il entéd de nous, il est priué de l'Esprit de dilection: Parce que la personne que l'on reprend s'esmeut à la haine quâd la reprimande est immoderée. Il faut d'oc que celuy qui sans y penser, coupe du bois, & tuë son prochain, s'enfuye deuers ces trois villes, afin de demeurer

en l'une pour refuge: Car si se tournât à faire penitence, il se cache en l'unité du saint Sacrement, sous la Foy, l'Espérance, & la Charité, la coulpe d'homicide ne luy est point imputée: Et quand le parent du mort le trouuera, il ne le fera point mourir, car à l'aduenement du iuste Iuge, qui s'est allié de nous, espousant nostre Nature, assurément il ne punira pas la faute que par la Foy, l'Espérance, & la Charité, sous la grace il aura cachée.

Que le Pasteur doit s'adonner à la meditation de la Loy de Dieu.

CHAPITRE XI.

MAis le Pasteur s'acquittera dignement de tout cecy, qui pour estre inspiré de l'Esprit d'amour

& de crainte, meditera chaque iour ce que la Loy de Dieu nous cōmande, afin que les salutaires instructions de sa parole repare ce que pour l'vsage continuel de la conuersation humaine, il peut auoir de dechet de cette grāde sollicitude, & prouide circonspection qu'il doit incessammēt auoir de la vie Celeste : Et que se laissant quelquesfois aller en la compagnie du siecle, aux vieilles habitudes de la vie terrestre, il se r'auise, & de nouveau se remette par vn desir de compunction à l'amour de la celeste Patrie. Car nostre cœur souffre beaucoup de diminutiō parmy les discours ordinaires des hommes; & puis qu'estant agité par les occupations exterieures, il ne peut qu'il ne se renuerse, il faut qu'incessāment il tasche de se releuer par l'estude & par la doctrine.

C'est pour ce sujet que saint Pol

DV DEVOIR DES PAST. 151
aduertit ainsi le Pasteur qu'il auoit
estably sur vn troupeau, Iusques à ce
que ie vienne adonnez-vous à la le-
cture. Et Dauid disoit, Côme i'ay sur
tout aimé vostre Roy, Seigneur, c'est à
quoy i'occupe ma pensée tout le iour.
Pour cette mesme raison Moysc re-
ceut ce commandement de Dieu tou-
chant l'ordre quel'on tiendroità por-
ter l'Arche, Tu feras quatre cercles
d'or, que tu joindras aux quatre coins
del'Arche : puis tu feras des leuiers de
Sethin, que tu couuriras d'or, & les
passeras par les cercles aux costez de
l'Arche, afin de la porter, qui demeu-
reront toujours dans les cercles, sans
qu'on les en retire. Que nous figure
l'Arche, sinon la sainte Eglise, où
l'on cōmande d'attacher quatre cer-
cles aux quatre coins, pource qu'estât
estenduë & publiée par les quatre
coins du mode, il n'y a point de dou-

te que ce ne soit par le moyen des quatre liures del'Euangile sacré: Semblablement il y a des leuiers de bois de Sethin, passez aux cercles: dautant qu'il est besoin de genereux & forts Docteurs, tels que le bois de Sethin incorruptible, qui se tenant continuellemēt en l'instruction des saincts volumes, preschent sans cesse l'vnité de l'Eglise; & cōme estant passez toujours dedans les cercles, seruent à porter l'Arche. Car porter l'Arche avec les cercles, n'est autre chose que faire venir la saincte Eglise en preschant, & par de bōs Docteurs en l'esprit des infidelles: Et ces leuiers qui portent l'Arche, doiuent estre aussi couuerts d'or, afin qu'outre le son de la parole qu'ils font entendre aux autres, ils esclatrent eux mesmes par la splendeur de leur bonne vie.

Il est aussi fort à propos adiousté

qu'ils serót tousiours dans les cercles, sans que iamais on les en retire, pource qu'il est necessaire que ceux qui veillent à l'Office de la Predication, ne quittent iamais l'estude des sacrez volumes: & le sujet pour lequel ils doiuent estre toujours dedans les cercles, c'est afin que quand il est besoin de porter l'Arche, on ne retarde point en attendant qu'on y passe les leuiers: pource que toutes les fois qu'un Pasteur est requis de quelque doctrine spirituelle, par aucune de les oüailles, se seroit vne hôte s'il l'alloit estudier alors qu'il faut respôdre à la question. Que les leuiers donc soient incessamment aux cercles, à ce que les Docteurs meditant sans cesse la parole diuine, ils leuent, sans retarder, à toutes occasions, l'Arche du Testamēt; & qu'aussi tost ils enseignent ce qu'on leur demandera. Le premier Pasteur de

l'Eglise pour cette raison donnoit cét
aduis aux Pasteurs, Soyez prests à tou-
te heure de donner satisfaction à tou-
te personne de ce que vous esperez.
Comme si plus clairement il eust
voulu dire, afin que rien ne retarde
l'Arche, & que les leuiers soient tou-
jours prests dedans les cercles.





LE SOIN
 DES PRELATS,
 ET LE DEVOIR
 DES PASTEURS.
 LIVRE TROISIÈME.

*Quelle instruction, & quels aduertissemens doit donner à son peuple
 un bon Pasteur.*

CHAPITRE PREMIER.

A PRES auoir représenté quel
 doit estre vn Pasteur, mon-
 strons maintenant comme il
 doit instruire ceux qui sont dessous sa

conduite : Car ainsi que l'a déclaré long temps avant nous saint Gregoire de Nazianze ; vne mesme exhortation n'est pas propre à toute sorte de personnes , pource qu'elle ne conuient pas à la qualité des mœurs d'un chacun. Ce qui profite aux vns est dommageable aux autres ; & les herbes qui seruent communément à nourrir ces animaux-cy , font mourir ces autres-là : l'on appaise les cheuaux, & l'on irrite les chiens avec vn doux sifflement : Le mesme medicament qui guerit vn mal, engrege vn autre ; & le pain qui sustente les personnes robustes, suffoque les petits enfans. C'est pourquoy la parole des Docteurs se doit conformer à la qualité de ceux qui l'entendent : afin que chacun y trouue ce qui luy faut, & qu'elle ne se departe pas neantmoins de la maniere commune d'edifier : Car que sont

les pensées attentives des auditeurs, sinon certaines extensions de cordes bandées, que le iouëur d'instrumens, pour resonner d'accord vne chanson, touche diuersement; & les cordes rendent vne agreable harmonie, pource qu'elles sont bien touchees d'un mesme archet, mais non d'un mesme coup. Ainsi le Docteur, pour faire que tous soient edifiez en vn mesme accord de charité, touchera les cœurs de ses auditeurs avec vne mesme doctrine, mais non d'une seule & mesme exhortation.

ignorans.

8. Pour les impudens, & pour les honteux.

9. Pour les audacieux, & pour les timides.

10. Pour les impatiens, & pour ceux qui patientent.

11. Pour les bien-veillans, & pour les enuieux.

12. Pour les simples, & pour les impies.

13. Pour les sains, & pour les malades.

14. Pour ceux qui craignent les Rois, & qui vivent innocemment: & pour ceux qui sont endurcis en leurs iniquitez, & qui nonobstant les Rois, demeurent incorrigibles.

15. Pour ceux qui parlent trop peu: & pour ceux que l'on ne sçauroit faire taire.

16. Pour les paresseux, & pour les

trop hastez.

17. Pour les debonnaires: & pour ceux qui se colerent aisement.

18. Pour les humbles: & pour les superbes.

19. Pour les obstinez: & pour les inconstans.

20. Pour les gourmands: & pour les abstinents.

21. Pour ceux qui charitablement donnent de leurs biens: & pour ceux qui veulent encor raur le bien d'autrui.

22. Pour ceux qui ne desirent point le bien du prochain, & ne donnent rien de ce qu'ils ont: & pour ceux qui donnent du leur, & ne cessent neantmoins de desrober le bien des autres.

23. Pour les paisibles: & pour les querelleux.

24. Pour les semeurs de discorde:
& pour

& pour les pacifiques.

25. pour ceux qui n'entendent pas la parole de Dieu: & pour ceux qui l'entendent bien, & ne parlent pas humblement.

26. pour ceux qui pouuant, & qui par vn excès d'humilité ne veulent pas prescher: & pour ceux que l'insuffisance, ou le defaut de l'aage en deuroit retenir, & neantmoins s'y precipitent.

27. Pour ceux qui prosperent, en ce que temporellement ils desirent: & pour ceux qui desirent les choses temporelles, mais sont trauezsez d'aduersité.

28. pour ceux qui sont engagez au mariage: & pour ceux qui ne sont point mariez.

29. pour ceux qui ont cognoissance des pechez de la chair: & pour

ceux qui n'en sçauent rien.

30. Pour ceux qui deplorent les pechez de l'action: & pour ceux qui plorent les pechez de la pensee.

31. Pour ceux qui plorent les pechez commis, & ne les quittent point: & pour ceux qui les quittent, & ne les plorent pas.

32. Pour ceux qui loüent les choses illicites qu'ils commettent: & pour ceux qui blasment le mal, & ne le fuyent pas.

33. Pour ceux qui sont surmontez par vne subite concupiscence: & pour ceux qui pechent avec conseil.

34. Pour ceux qui font de petites choses, mais illicites; & pour ceux qui se gardent de petits pechez: & qui fouuent neantmoins se plongent aux plus enormes.

35. Pour ceux qui ne commencent

pas à bien faire: & pour ceux qui n'acheuent point ce qu'ils ont commencé.

36. Pour ceux qui font le mal secrettement, & le bien en public: & pour ceux qui tiennent secret le bien qu'ils font, & permettent neantmoins que pour certaines actions on les aye en mauuaise estime.

Mais de quoy nous sert de faire vn dénombrement de tant de diuersitez, si nous ne donnons aussi la maniere de chaque aduertissement, le plus succinctement qu'il sera possible? C'est ce que nous ferons par ordre, & commençant au principal, nous parlerons de tous l'un apres l'autre.

ADVERTISSEMENT 1.

*Pour les hommes , & pour
les femmes.*

ON aduertira donc les hommes d'une façon , & les femmes d'autre : pource qu'il faut enioindre à ceux-là des choses fortes, & à celles-cy des plus faciles; afin que les vns soient conuertis en les exerçant, par la grandeur de ce que vous leur proposerez; & que les autres estant gagnees par la douceur, cette facilité les induise à bien viure.

ADVERTISSEMENT II.

*Pour les ieunes, & pour les
vieilles gens.*

LEs ieunes doiuent estre aduertis d'une façon, & les vieilles gens d'une autre, pource qu'ordinairement on range au deuoir ceux là par vne reprimande seueres; mais ceux-cy ne se remettent au bon chemin, que par vne amiable remonstrance. D'autant qu'il est escrit, ne reprimandez pas vn plus aagé que vous, mais priez le comme vostre pere.

ADVERTISSEMENT 2.

Pour les pauvres , & pour les riches.

IL faut exhorter les pauvres d'une façon , & les riches d'une autre: Pource qu'il nous convient employer à ces premiers, les douceurs de la consolation contre ce qui les afflige ; & la crainte à ceux-cy, contre ce qui les enfle de presumption. Car le Seigneur parloit ainsi par son Prophete , à une pauvre femme, Ne craignez point, vous ne serez pas reduite à la confusion. Et en un autre endroit il disoit encor à la mesme, Pauvrette desracinée par la tempeste: Puis de-rechef il la console ainsi ; le t'ay choisie en la fournaise de la pauvreté.

Mais au contraire, voicy comme

sainct Pol parle des riches, Faites commandement aux riches de ce siecle, qu'ils ne soient pas sages en eux-mesmes, & de n'esperer point en l'incertitude des richesses. Où il est grandement à remarquer, que le Docteur d'humilité faisant mention des riches, il ne dit pas qu'on les prie; mais faites leur commandement, pour ce qu'encor qu'il faille estre debonnaire, à l'infirmite, il ne faut point honorer l'orgueil.

Donc ce que l'on dit de iuste à ces hommes là, leur doit estre aussi seuerement annoncé, que pour des choses perissables ils s'enflent d'une opinion de grandeur. De ceux-là nostre Seigneur parloit en l'Euangile, ainsi, Malheur à vous, riches, qui auez vostre consolation: pource que ne sçachant pas quelles sont les ioyes eternelles, ils se consolent en l'abondan-

ce de cette presente vie.

Il faut donc presenter la cōsolation à ceux qui sont recuits en la fournaise de la pauureté, & donner de la crainte à ceux que la consolation, de la gloire du siecle rend orgueilleux. Afin que ceux là sçachent qu'ils possederont les biens qu'ils ne voyent pas : & que ceux-cy recognoissent qu'ils ne peuuent retenir les richesses qu'ils desirent. Souuent neantmoins la qualité des mœurs change l'ordre des personnes, comme si vn homme riche estoit humble, & vn pauvre superbe: Car la parole du Predicateur, alors, se doit conformer à la vie de celuy qui l'esoute, en sorte qu'il touche d'autant plus viuement la presumption du pauvre, la pauureté n'abaisse pas, & qu'il traite aussi le riche avec d'autant plus de circonspection, que les biens qui d'ordinaire rendent les hommes

presomptueux, ne l'en orgueillissent en aucune façon.

Dauantage, il est necessaire quelquesfois d'appaiser le superbe, & luy parler doucement en l'exhortant, pource que les tumeurs & les duretez des playes se resoluent & s'amolissent par des fomentations douces; souuēt on guerit la fureur des insensez par des medicamēs doux, & par vne douce condescendāce on les remet quelquesfois en leur bon sens.

On ne doit pas obmettre cette belle remarque de Saül, qui estāt saisi du mauuais esprit, Dauid prenoit sa harpe, & aussi tost il adoucissoit & apaisoit sa fureur. Que signifie Saül, sinon la presumption des Grands? Et que nous represente Dauid, autre chose que la vie debōnaire des saints personnages? Quand Dauid donc est saisi du malin esprit, Dauid sonne de

la harpe, & sa fureur est arrestée. Pour ce que l'esprit des Grands estant occupé de la presumption, se tourne en fureur; & le meilleur est de les remettre en leur bon sens par vn tranquille discours, comme au doux son d'une harpe.

Or ayant à reprendre les Grands du siecle, il les faut premierement interroger avec certaines similitudes, parlant de quelqu'autre affaire: Puis quand ils ont proferé leur iuste sentence, cōme à l'encontre d'une autre personne, alors on les doit toucher fort à propos de leur propre faict, afin que leur esprit enflé par la puissance temporelle, ne s'irrite pas contre ce-luy qui les vient reprendre, apres s'estre condāné soy-mesme, & ne cherche point de quoy se defendre, pour s'estre obligé par son propre iugement. Ce fut ainsi que le Prophete

Nathan vint reprédre le Roy Dauid. Il luy demádoit iustice, comme en la cause d'un pauvre cõtre vn hõme riche, afin que le Roy dõnast sa sentéce premieremét, & qu'il entendist apres son peché, à ce qu'il ne donnast aucun contredit au iugement qu'il auroit prononcé luy-mesme.

Ce sainct hõme considerant qu'il auoit à faire à vn pecheur, & à vn Roy merueilleusement hardy, tascha premierement de le lier par la confession, & puis de l'inciser par la reprimande. Il cela pour vn peu de temps ce qu'il vouloit faire : mais si tost qu'il l'eust arresté, il luy donna le coup : car il ne l'eust pas si bien entamé peut estre, s'il l'eust touché du premier abord, luy declarant manifestement sa faute. C'est pourquoy proposant vne similitude auparauant, il aiguísra la reprimande qu'il renoit cachée. Le Mede-

cin estoit venu panser le malade, & voyant qu'il falloit inciser le mal, il cacha le rasoir dessous sa robe, & le tirant soudainement, il en dóna dans la playe en telle sorte que le malade sentit le fer plútoſt qu'il ne le vit, de peur que s'il l'apperceuoit au precedent, il ne voulust pas l'endurer.

ADVERTISSEMENT 4.

Pour les joyeux, & pour les tristes.

LEs personnes joyeuses doiuent estre aduerties d'une façon, & les tristes d'une autre. Il faut représenter aux joyeuses les tristes ressentimens de la punition aduenir: & aux tristes la joye du Royaume Celeste qui leur est promis. Que les joyeux apprennent à craindre par la seuerité des menaces: & que les tristes entendent les

contentemens de la récompense qui les doit consoler. Car aux vns il est dit, Malheur à vous qui maintenant estes en ris, pource que vous pleurerez : mais que les autres par vne mesme instruction escoutent, le vous verray derechef, & vostre cœur se réjouira, & vostre réjouissance ne vous sera point ostée.

Or il y en a qui sont ioyeux ou tristes, non pour aucun sujet qu'ils en ayent, mais par certaines humeurs espenduës en leur personne. A ceux-là certes on pourra dire que semblablement il y a certains vices, qui d'ordinaire ne sont pas esloignez de ces humeurs : Comme les ioyeux ont l'impudicité pour voisine, & les tristes ont la colere : à raison dequoy chacun considerera non seulement à quel humeur il est sujet, mais aussi de quel plus dangereux vice il se doit garder,

de peur que pour ne faire aucune resistance à son humeur, il ne tombe en l'imperfection de laquelle il pense estre libre.

ADVERTISSEMENT 5.

Pour les Prelats, & pour ceux qui sont deffous leur conduite.

ON doit aduertir d'une façon ceux qui sont deffous la conduite des Prelats, & les Prelats d'une autre façon : Les uns, à ce que pour estre soumis, ils ne perdent pas courage : Et les autres, que la superiorité ne les esleue de presumption. Les uns, qu'ils ne fassent pas moins que ce qui leur est commandé : les autres, qu'ils ne commandent pas plus que ce qui se peut faire. Les uns qu'ils se soumettent humblement, & les autres qu'ils

president modérément : Car il est dit aux vns (ce qui se peut entendre aussi figuratiuement) Enfans obéissez à vos peres au Seigneur : Et aux autres, Et vous peres ne prouocquez point à la colere vos enfans. Que ceux-là n'ignorent pas comme ils ont à regler leur interieur deuant le suprefme Arbitre des cœurs, ny ceux-cy comme ils doiuent exterieurement aussi donner bon exemple au peuple qui leur est commis.

D'autant que les Prelats doiuent fçauoir que s'ils font quelque mal, ils en font d'autât plus coupables qu'ils donnent à leurs inferieurs de mauuais exemples : & pour cette raison il leur conuient d'autant plus s'abstenir de toute iniquité, que par les mauuais actions qu'ils commettent, ils ne sont pas coupables de leur perte feule, mais de la perte encor de ceux que

par vn pernicious exemple ils induisent à mal faire.

C'est pourquoy les vns seront aduertis de prendre garde qu'ils ne soient plus rigoureusement punis, de n'estre pas trouuez sans crime, au moins pour ce qu'ils regarde en particulier: & les autres qu'ils ne soient condânez pour les offenses de leurs inferieurs, encor qu'ils se pensent estre asseurez en ce qui particulièrement les touche. Que ceux-là soient plus soucieux de bien viure, en ce qu'ils n'ont soin que d'eux seuls: & que ceux-cy s'acquittent tellement du soin qu'ils ont des autres, qu'ils ne s'oublient pas eux-mesmes: & qu'ils soient encor tellement soigneux de leur propre salut, qu'ils ne negligent pas celuy des personnes, dont ils ont la charge. Car voicy ce qui est dit à celuy qui ne travaille que pour soy, Va paresseux à la fourmis, considere

confidere ses voyes, & apprend la sagesse d'elle.

Mais à celuy qui vacque au salut des autres, il est dit, Mon enfant, si tu responds pour ton amy, tu as donné ta main à l'estranger, tu t'es engagé par les paroles de ta bouche, & pris par tes propos: Car celuy-là respond pour son amy, qui s'est chargé de l'ame d'un autre, au peril de sa conuersation: & qui a donné sa main à l'estranger, quand son esprit s'est chargé d'auoir le soin qu'il n'auoit pas auparauant. Il s'est engagé par les paroles de sa bouche, & par ses propos, pource qu'estant contraint de remonstret le bien à ceux dont il a pris la charge, il faut premierement qu'il obserue luy-mesme tout ce qu'il leur dit. Il est donc pris par ses paroles, quand par raison il est contraint de ne se relascher pas à vne autre maniere de viure que celle

qu'il enseigne. Et c'est ce qui l'oblige envers le seuerer Iuge, de s'acquitter d'autant de bonnes œuures envers luy, qu'il se trouue par sa parole en auoir commandé aux autres.

Pour ce sujet en cette mesme exhortation, il est adjousté fort à propos, Fay donc, mon fils, ce que ie te dy, & te deliure toy mesme, car tu es à la mercy de ton prochain. Prend la course & te haste : esueille ton amy, ne permets pas que tes yeux dormēt, ny que tes paupieres sommeillent. Dautant que c'est permettre le sommeil à ses yeux, quand sans attention aucune on neglige entierement le soin des siens : Et les paupieres sommeillent lors qu'en nostre pensēe accablée de paresse, nous dissimulons ce que nous sçauons bien estre à reprendre. C'est dormir parfaitement que de ne sçauoir point, & ne corriger pas

les pechez de ceux qui sont en nostre charge: Mais c'est sommeiller & ne dormir point, que de cognoistre ce qui est à reprendre, & neantmoins par lascheté ne le reprendre pas côme il faut: Or les yeux assoupis de sommeil se portent à dormir, pource que quand celuy qui preside se retranche pas le mal qu'il sçait, en punition de sa negligence, tombe finalement à telle extremité, que de ne cognoistre pas ce que ses inferieurs commettent.

On aduertira donc les Prelats, que par vne soigneuse circonspection ils ayent des yeux au dedans & autour d'eux, & qu'ils taschent de se rendre animaux celestes: Car les animaux du Ciel qui furent monstrez en vision, estoient pleins d'yeux, & dedans, & autour, estant ainsi representez, pource que la raison veut que ceux qui president sur les autres, ayent des

yeux autour & dedans eux, à ce qu'ils se rendent agreables en eux-mesmes au Iuge interieur, & que donnant exterieurement exemple de bien viure, ils descouurent aussi ce qui est à reprendre aux autres.

Les inferieurs semblablement seront aduertis de ne iuger pas temeraiement de la vie de leurs Prelats, s'ils les voyent aucunesfois faire quelque action digne d'estre reprise, de peur que reprenant le mal, la presumption ne les iette en vn plus profond abyfme. On les aduertira que pour considerer les fautes de leurs Superieurs, ils n'en deuiennent pas plus insolents. Mais s'ils y remarquent quelque mal, qu'ils en iugent de telle sorte en eux mesmes, que retenus par la crainte de Dieu ils ne laissent pas neantmoins de se soumettre respectueusement à leur obeissance.

Ce que nous monstrerôs plus manifestement, si nous considerons le fait de Dauid: Saül qui le persecutoit, estoit de fortune entré pour descharger son ventre dans vne cauernes, où Dauid avec les siens estoit caché, de long temps affligé des grandes persecutions de son ennemy! Ses gens animez de fureur, vouloient s'approcher pour frapper dessus Saül; il les empescha par cette responce, qu'il n'estoit pas permis de mettre la main sur l'Oinct du Seigneur. Toutesfois il se leua secrettemēt, & luy coupa le bord de sa casaque. Or que nous represente Saül, sinon les mauuais pasteurs? Et que nous figure Dauid, sinon les inferieurs gens de bien. Saül dont purge son ventre, quand les Prelats impies estendent iusqu'à l'action de mauuaise odeur, la malice qu'en eux-mesmes ils ont conceuë, & lors que

par l'exécution ils mettent dehors les pernicieux desseins qu'ils auoient en la pensée. Daudid cependant craint de le frapper; pource que les bonnes ames qui sont dessous leur conduite, s'abstenant de tout infame reproche, ne donnent aucune atteinte du tranchant de leur langue sur la vie de leurs Superieurs. Que si quelquesfois pour estre infirmes, en peine s'en pouuant garder, ils disent quelque chose des defauts extérieurs, & de ce qu'il y a de moins important, mais avec respect; c'est comme si secrettement ils coupoient le bord de la robe, pource que detractant, au moins sans nuisance, & en secret, de la dignité Pastorale, c'est cōme s'ils coupoient la robe du Roy, neantmoins ils se recognoissent & s'accusent avec beaucoup de ressentiment. Aussi est-il en ce lieu tres-bien rapporté que Da-

uid apres se frappa le cœur de ce qu'il auoit coupé le bord de la casaque de Saül : pource qu'il ne faut point decouper les actions de son Superieur, du tranchant de la medifance, quoy qu'on les iuges digne d'estre repri-fcs.

Et si quelquesfois en cecy la langue offense pour peu que ce soit, il faut que le cœur en soit frappé d'une amere penitence, recognoissant l'offense commise contre son Prelat, & craignant d'en estre puny par celuy mesme qu'il represente: Car alors que nous offensois cõtre nos Superieurs, nous resistons à la puissance de celuy qui nous les ordonne: Ce qui faisoit dire à Moysc, voyant que le peuple murmuroit contre luy & son frere Aaron: Qui sommes nous, nous autres? vostre murmure n'est pas contre nous, mais contre le Seigneur.

de condition & de fortune, leur sont égaux par communion de Nature.

Ceux-là donc, seront exhortez de se proposer qu'ils sont seruiteurs des maistres, & ceux-cy semblablement de persuader qu'avec leurs seruiteurs ils seruent vn souuerain maistre: Car il est dit aux vns, Seruiteurs, obeissez à vos Seigneurs temporels, Et derechef, que tous ceux qui sont deffous le ioug de la seruitude, reputent dignes de tout honneur les maistres qu'ils seruent. Et aux autres il est dit, Et vous maistres, traictez respectiuement vos seruiteurs de la mesme façon; remettez leur la seuerité de vos menaces, sçachant que le Seigneur qui est aux Cieux, est le maistre commun d'eux & de vous.

ADVERTISSEMENT .

Pour les sçauants, & pour les ignorans.

ON aduertira pareillement les sages de ce siecle, d'une façon, & les esprits grossiers d'une autre. Il faut dire aux sages mondains qu'ils s'estudient d'oublier ce qu'ils sçauent, & aux ignorans qu'ils apprennent ce qu'ils ne sçauent pas. Aux vns on renuersera premierement cette persuasion qu'ils ont d'estre sages, & aux autres on edifiera tout ce que l'on croit estre de la vraye Sagesse; pource que n'estant pas superbes, ils ont déjà le cœur comme tout disposé, pour y fonder cet edifice.

Il faut donc faire en sorte enuers ceux là, que plus sagement ils deuien-

ment fols; qu'ils delaiſſent la folle Sageſſe du ſiecle, & qu'ils apprennent la ſage folie de Dieu. Que l'on preſche à ceux-cy, que de la folie qu'on eſtime eſtre en eux, ils paſſent, & s'approchent plus pres de la vraye Sageſſe. pource que l'Apoſtre parle aux premiers de cette façon, Si quelqu'un de vous ſemble eſtre ſage au monde, qu'il deuienne fol, afin qu'il ſoit ſage veritablement. Et aux autres, Il n'y a pas, dit-il, beaucoup de ſages, ſelon la chair. Et en vn autre endroit: Dieu a choiſi ce qu'il y a de folie au monde, pour en confondre les ſages.

Ceux-là d'ordinaire, ſe conuertifſent pluſtoſt par les arguments, & par les raiſons: & ceux-cy par les exemples. Mais il eſt quelquesfois neceſſaire de confondre les vns par leurs raiſonnemens: & ſouuent il ſuffit de faire entendre à ceux-cy les bonnes

actions d'autres personnes. Ce qui faisoit dire à cet excellent Maistre, Je suis redevable aux sages & aux idiots; exhortant des hommes aduisez, & d'autres moins entendus. Parlant aux vns de l'accomplissement de l'ancienne Loy, il confondoit leur sagesse, quand il leur disoit, Ce qui deuiant caduque & vieil, s'approche de sa fin; mais voyant que par les seuls exemples il en falloit attirer d'autres: Il adiouste en la mesme epistre; Les saints personnages ont esprouué les opprobres, & les coups, & encor les liens & les prisons; ils ont esté tentez, ils ont subuy la mort par le tranchant de l'espee. Et en vn autre lieu, Souuenez-vous de vos Prelats, qui vous ont annoncé la parole de Dieu; considerant la fin de leur vie, imitez la foy qu'ils ont eüe: En cette façon, par la raison il triomphoit des vns, & doucement il

DV DEVOIR DES PAST. 189
persuadoit les autres d'aspirer à la perfection.

ADVERTISSEMENT 8.

Pour les impudens, & pour les honteux.

D'Vne façon aussi doiuent estre aduertis les impudens ; & les honteux d'autre façon. D'autant que ceux-là ne se corrigent du vice de l'impudence, que par vne dure reprimande, & ceux-cy d'ordinaire se reduisent au bien par vne debonnaire exhortation. Ceux-là ne croyent pas faillir si plusieurs ne les reprennent : & souvent il suffit à ceux-cy pour les conuertir, de leur remettre legerement en la memoire les fautes qu'ils ont faites. Ces autres sont d'autant plustost corrigez, que plus aigrement on inuecti-

ue à l'encontre d'eux, & l'on gagne
dauantage à ces autres-cy, de toucher
seulement, comme en passant, ce que
l'on void en eux digne de repriman-
de.

Ainsi le Seigneur reprenant l'impu-
dence du peuple Iuif, le rançoit ou-
uertement en ces termes, Tu es de-
uenüe affrontée comme vne putain,
tu n'as point eu de honte. Mais en vn
autre temps, voicy comme il conso-
loit sa pudeur; Tu oublieras la confu-
sion de tes ieunes ans, & ne te sou-
uendras plus de l'opprobre de ton
veufuage; pource que ton Createur
regnera sur toy.

Sainct Pol semblablement reprend
les Galates qui pechoient impudem-
ment de cette sorte, O insenséz Gala-
tes, qui vous a tellement enforcelez?
Et en vn autre endroit, Estes vous si
fols, que d'auoir commenceé par l'es-

prit; pour chercher apres vostre perfection en la chair? Mais pour les fautes des honteux il les reprend comme par compassion ainsi; le me resioüis en nostre Seigneur, que vostre charité pour moy, soit refleurie comme auparavant: car vous auiez esté retenus par quelque empeschement. Tellement que par vne reprimande il découuroit le peché des vns, & par vn doux propos il couuroit les defauts des autres.

ADVERTISSEMENT 9.

Pour les audacieux, & pour les timides.

LEs audacieux encor seront exhortez d'une façon, & les timides d'une autre. Pource que ceux-cy presumant beaucoup d'eux-mesmes,

ont les autres en opprobre, & les dédaignent: mais ceux-cy cognoissant trop quelle est leur infirmité, tombent ordinairement dans le desespoir. Ceux-là font grand estat de toutes les actions qui partent d'eux: & ceux-cy se persuadent que tout ce qu'ils peuvent faire est fort mesprisé.

C'est pourquoy le Docteur espluchera soigneusement les œuvres des audacieux, afin de leur donner à cognoistre, que ce dont ils s'estiment le plus, est ce qui les réd dauantage desagreables à Dieu: d'autant que la correction des presomptueux sera plus facile quand vous leur ferez entendre que ce qu'ils pensent auoir fait de mieux est tres-mal, afin qu'ils ne congoiuent que du blasme de ce dont ils s'attendoient estre loüez. Et quelques-fois aussi lors qu'ils ne croient pas commettre aucun acte de presumption,

ption , le plus court chemin pour les induire à se recognoistre , est de faire qu'ils ayent honte de quelque autre action plus manifeste , & qu'on aura recherchée comme voisine de l'autre.

Sainct Pol en vsa de cette façon , qui voyant les Corinthiens enfléz de presumption les vns contre les autres , l'un se disant de Pol , l'autre de Cephas , l'autre d'Apollon , & l'autre de Iesus-Christ ; mit en auant le crime d'inceste commis entre eux , & demeuré sans punition , leur disant ; On parle de fornication parmy vous , & d'une telle espee , qu'il ne s'en trouue pas de semblable parmy les infidelles , à sçauoir , qu'un particulier a pris la femme de son pere : & cependant vous estes enfléz de bonne opinion , au lieu de pleurer , & de retrancher du milieu de vous celui qui a commis un si méchant acte. Qui est , comme s'il leur eust dit ; Pour-

quoy par vne vaine presumption vous dites vous estre de celuy- cy , ou de celuy-là ? Vous qui par vostre desordre monstrez que vous n'estes de personne.

Mais ayant à remontrer à des personnes de peu de courage, nous les reduirons au bien , si nous leur produisons quelques bonnes actions recherchées à costé, pour faire que blasmant en elles vne chose que nous reprendrons, & loüant vn autre que nous estimerons, leur foiblesse soit entretenüe de loüanges , pendant que nous la chastierons en la reprimandant. Or on gagne souuent dauantage dessus ceux là , quand on y procede , non comme si nous reprenions le mal déjà commis; mais comme si nous le leur defendions, estant en voye de le commettre, afin que la faueur accroisse le desir de ce que nous approuuons, &

qu'une debonnaire exhortation aye force à l'endroit des craintifs, contre ce que nous voulons reprendre.

A raison de quoy saint Pol reconnoissant que les Theſſaloniens qui perseueroient en la croyance qu'il leur auoit annoncee, par une certaine foiblesse estoient troublez, comme si la fin du monde eust esté proche, la premiere chose qu'il fait, est de louer la constance qu'il auoit remarquee en eux; & les aduertissant prudemment de leurs infirmités, il les fortifie, disant ainsi; Nous deuons tousiours remercier Dieu, mes freres, pour vostre sujet, ainsi qu'il est bien raisonnable; pource que vostre foy s'augmente, & que vostre charité se monstre de plus en plus abondante les uns enuers les autres: en sorte que nous nous glorifions nous mesmes aux Eglises de Dieu, pour vostre patience, & pour

vostre foy. Et apres auoir doucement auancé les loüanges de leur bonne vie. Incontinent il adioust, Nous vous prions, mes freres, par l'aduencement de nostre Seigneur Iesus-Christ, & par l'assemblée de ses Saints, où nous esperons tous nous voir ; que vous ne vous departiez pas aisément du sentiment que vous auez, & que vous ne vous effrayez pas , ny pour quelque discours qu'on vous fasse, ny par aucune lettre , contre escrite de nous, comme si le iour du Seigneur estoit prochain. Ce vray Docteur a fait premierement qu'ils se cogneussent estre loüez de ce qui estoit de loüable en eux; & apres qu'ils cogneussent aussi ce qu'à son exhortation ils deuoient suiure, afin que la loüange fortifiant leur esprit , ils ne fussent troublez pour l'esmotion dont ils auoient à leur parler. Et quoy qu'il

DV DEVOIR DES PAST. 197
eust bien sçeu qu'ils auoient esté véritablement esmeuz pour la fin du monde, qu'ils croient estre prochaine, comme s'il n'eust pas sçeu ce qui s'estoit passé, il leur defendoit de s'es-mouuoir, afin que se persuadant par la douceur de cet aduertissemēt, que leur Docteur les cognoissoit bien, ils eussent autant d'apprehension de se rendre blasmables, que d'estre cogneus tels de luy.

ADVERTISSEMENT 10.

*Pour les impatiens, & pour ceux
qui patientent.*

Autrement doiuent estre aduertis les impatiens, & autrement ceux qui prennent patience. Aux impatiens il faut dire que pour negliger

perdre la vertu de Charité, la mere & la gardienne de toutes les autres vertus. Aussi est-il escrit, que la Charité est patiente: donc quand elle ne patiente point, elle n'est plus Charité. Par le vice d'impatience, la doctrine semblablement, qui est la nourrice des vertus, est dissipée. Car il est escrit, on cognoist à la patience d'un homme quelle est sa doctrine. Parquoy l'homme se montre d'autant moins sçauant qu'il est moins patient, veu qu'il ne peut communiquer les vrais biens qui sont en luy, les enseignant, s'il ne sçait, en viuant, supporter patiemment les maux des autres.

Dauantage, l'impatience est cause que l'arrogance s'empare d'un esprit: qui ne pouuant souffrir estre mesprisé du monde, s'efforce de manifester ce qu'il a de bon en soy de caché: Par ce moyen l'impatience le mene à la pre-

somption, & pour ne pouuoir endurer qu'on fasse peu d'estat de sa personne, il fait ostentation de sa propre excellence, descourant ce qu'il est. Et l'Escripture dit pour ce sujet, que le patient vaut mieux que l'arrogant: D'autant que l'homme patient voudra plustost souffrir quelque mal que ce soit, que de faire monstre par vanité du bien secret qui peut estre en luy. Mais au contraire, le presomptueux prefera d'estre estimé pour quelque bien, soit veritable, ou faux, que de souffrir la moindre incommodité.

De plus, à raison que si tost que l'homme perd la patience, il perd au mesme temps tous ses autres bienfaits. Le prophete Ezechiel receut commandement de faire vn fossé en l'Autel de Dieu, afin que les holocaustes que l'on immoloit y fussent conseruez : Car s'il n'y eust point eu de

fosse en l'Autel, le vent eust esparty tous les sacrifices qu'on y presentoit. Qu'entendons nous par l'Autel de Dieu, sinon l'ame du Iuste, dont toutes les bonnes œuvres sont autant de sacrifices qu'elle presente deuant ses yeux? Et quelle est cette fosse de l'Autel, sinon la patience des gens de bien, qui rendant leur esprit humble à supporter les aduersitez, l'abaissent comme en vne fosse? Qu'il y ait donc vne fosse en l'Autel, à ce que le vent n'espartisse les sacrifices quel'on y mettra: C'est à dire que l'esprit des Esleus conserue la patience, de peur qu'estant agité par le vent de l'impatience, elle ne perde ce qu'elle a fait de bien.

Or cette fosse est spécifiée deuoir estre d'une coudée, pource que si l'on ne quitte pas la patience, c'est le moyen de conseruer l'vnité de la mesure, & la vraye perfection. Et saint Pol dit,

Pource que nous sommes admirablement formez en telle sorte, que la raison possède l'ame, & l'ame possède le corps: de façon que l'ame est excluse du droit de possession qu'elle a dessus le corps, si elle mesme n'est premierement possédée par la raison. Nostre Seigneur donc monstre que la patience est la gardienne de nostre cōdition, & celle qui nous conserue, en ce qu'il nous enseigne à nous posseder par elle. Ainsi nous voyōs combien l'impatience est vn grand defect par le moyen de qui nous perdōs la possession de ce que nous sommes.

Bref, que les impatiens escoutent encor ce que dit Salomon, L'impatiēt met tout son esprit dehors, mais le sage differe, & le reserue à l'aduenir, attendu que par le transport d'impatience on met dehors sans rien effectuer, tout ce que l'on a d'esprit & de

vigueur, le trouble le pouffant exterieurement avant le temps, pour n'estre interieurement retenu d'aucune discipline. Mais le sage differe, & le sçait reserver pour l'aduenir: d'autant que pour offensé qu'il soit, il ne desire pas se vanger pour le present, & souffrant avec patience, il desire mesme que le mal qu'on luy fait soit pardonné; quoy qu'il n'ignore pas qu'il sera vangé de tout au Iugement final.

Vous aduertirez au contraire les patiens, qu'ils ne s'affligent pas interieurement des choses qu'exterieurement ils supportent; de peur que le venin de la malice ne corrompe au dedans le sacrifice d'une si parfaite vertu qu'ils immolent en son entier au dehors. Et que pechant aux yeux de la Majesté divine, quoy que sans estre apperceus des hommes, le peché de leur facherie ne soit d'autât plus grâd

qu'il est couuert deuant le monde d'un pretexte de vertu. Donc il faut dire aux patiens, qu'ils s'efforcent d'aimer ceux desquels ils ont à souffrir, de crainte que si leur patience n'estoit accompagnée d'amour, la vertu qu'ils monstrent auoir ne se conuertisse en vne pire offense, à sçauoir la haine.

C'est pourquoy saint Pol disant, que la Charité est patiente, adiouste incontinent apres qu'elle est debonnaire, afin de donner à cognoistre qu'elle ne laisse pas d'aimer debonnairement ceux dont elle endure avec patience. Et le mesme excellent Docteur persuadoit la patience à ses disciples en cette façon, Chassez loin de vous toute espee d'aigreur, de cole-re, de despit, de crierie, & de blaspheme, avec toute malice. Aufquelles paroles, comme ayant bien ordonné ce qui regarde l'exterieur, il donne ordre en suite à l'interieur,

quand il adjouste avec toute malice: Car il ne sert de rien d'oster du dehors la colere, le despit, la crierie, & le blaspheme, si la malice qui est la mere de tous vices ne domine au dedans, & c'est en vain que l'on retranche exterieuremēt ce qu'il y a de mauuais aux brāches, si on laisse interieuremēt de quoy pulluler dauātage en la racine.

Aussi la Verité disoit elle mesme, Aimez vos ennemis, & faites bien à ceux qui vous haïssent, priez pour vos persecuteurs, & pour vos calōniateurs. C'est dōc vne vertu deuāt les hōmes, que de souffrir patiamment de ses aduersaires: mais q'est vne vertu deuant Dieu que de les aimer: car c'est l'vni- que sacrifice que Dieu daigne accepter, & que la flāme de la charité consume en sa presence dessus l'Autel des bonnes actions.

C'est pour ce sujet qu'il disoit en-

cor à quelques-vns qui souffroient, mais qui n'aimoiēt point, Pourquoy regardez-vous vn festu dans l'œil de vostre frere? & vous ne voyez pas vne poutre qui est au vostre. Car le trouble d'impatience est vn festu : mais la malice au cœur est vne poutre en l'œil. Le vent de la tentation agite celuy-là, mais la meschanceté pleniere occupe celuy-cy, sans qu'il soit possible de l'en remuer. Il est aussi fort bien dit encore en ce mesmelieu, Hypocrite retire premierement la poutre de ton œil, & lors tu verras à rejeter le festu de l'œil de ton frere: Comme s'il disoit à l'ame qui porte sa douleur au dedans, & qui pour sa patience paroist exterieurement sainte; Degage toy premierement du pesant faix de la malice, & lors tu reprendras les autres pour la legereté de leur impatience, de peur que pour ne vaincre pas la

diffimulation ce ne te soit encor vn plus grand mal d'endurer de l'imperfection des autres.

Dauantage il arriue ordinaiement aux patiens de n'estre meus d'aucune douleur au temps qu'ils endurent, ou des aduersitez, ou des injures: ayant la patience en telle sorte, qu'ils ont encor l'innocence dans le cœur : Mais quand vn peu apres ils repassent en leur memoire ce qu'ils ont souffert, le feu de la douleur s'allume en eux, ils recherchent des sujets de vengeance, & retractant la debonnaireté qu'ils auoient lors qu'ils ont endure ces choses, ils la tournent en malice. Le Prédicateur donc donnera remede à ceux-là, leur descouurant ainsi d'où procede vn tel changement.

L'ennemy plein de ruses fait la guerre à deux en vn mesme temps: il enflamme l'vn pour l'induire à faire quelque

quelque injure, & prouoque l'autre à se vanger de l'iniure receuë: Mais souvent il aduient qu'estant déjà vainqueur du premier qu'il a persuadé d'offenser le prochain : il est vaincu par celuy qui porte patiaement cette offense: Alors se voyât auoir le dessus du premier, que par sa suggestion il s'est soumis, il vient attaquer l'autre de toute sa puissance, & fasché d'en estre si courageusement repoussé & surmonté, sans auoir peu luy donner aucune atteinte par le traict de l'offense, il se desiste de le combattre ouuertement; & pour l'attaquer en la pensée par de secrettes tentations, il attend le temps plus commode, à le tromper: Car ayant perdu la victoire en guerre ouuerte, il est d'autant plus excité d'auoir recours aux embusches pour le surprendre.

Donc au temps qu'il est en repos,

il retourne en l'esprit du vaincœur, & luy fait souuenir, ou des pertes receuës, ou des affronts qu'on luy a faits, lesquels il aggrandit, & les luy mōstre comme insupportables: & le trouble de tant de desplaisir, que souuent l'hōme le plus patient, captif apres sa victoire, a hōte d'en auoir tant souffert, & de ne s'en estre pas ressentý, & recherche à pis faire, si l'occasion s'en presente. A qui ressemblent ces personnes-là, sinon à ceux qui par leur valeur ont esté victorieux en pleine campagne; mais qui par leur negligence ont esté pris s'enfermant dans vne ville? A qui ressemblent ces personnes-là, sinon à ceux qui sont eschappez d'une grande maladie, mais qu'une legere fièvre recidiue a bien tost emportez. Il faut donc aduertir les patiens, qu'ils se preualent de la victoire pour leur defense: & qu'ils sca-

DV DEVOIR DES PAST. 211
chent que l'ennemy publiquement
vaincu, tasche de surprendre les mu-
railles. Que l'on se doit plus donner
de garde d'une foiblesse rampante,
que d'une manifeste force, à ce que
le cauteleux aduersaire ne les traite
avec d'autant plus d'insolence, qu'il
aura vaincu ses vaincœurs.

ADVERTISSEMENT II.

*Pour les bien-veillans, & pour
les enuieux.*

LEs bien-veillans seront aduertis
d'une façon, & les enuieux d'une
ne autre. Aux bien-veillans on dira
qu'ils soient tellement contens de ce
qu'ils remarquent de bien aux autres,
qu'ils recherchent aussi d'en auoir qui
leur soit propre. Qu'ils loient en les

affectionnant les bonnes actions de leur prochain : mais qu'ils les multiplient semblablement en les imitant. De peur que s'ils ne font, qu'assister au champ de cette vie presente, comme fauorables spectateurs, & sans qu'ils fassent aucune chose, ils ne demeurent sans recompense apres le combat, en ce que maintenant ils se tiennent à ne rien faire pendant que les autres combattent, & qu'alors ils ne voyent à regret les palmes de ceux, dont à present ils s'amusent oyfifs à considerer les traux.

Car c'est vn grand peché que n'estimer pas les bien-faits des autres; mais nous ne faisons rien pour nous, si nous n'imitons autant qu'il nous est possible, les bonnes œuures que nous estimons.

Il faudra dire donc aux bien-veillants, que s'ils ne s'euertuent d'i-

imiter les biés qu'en loüant ils approuuent, la saincteté des vertus leur est agreable en la façon que les jeux & les tours que font les charlattans plaisent aux fols qui s'arrestent à les regarder. Car ceux-cy prisent & fauorisent de leurs applaudissemens, les farceurs & les bouffons, & neantmoins ils ne voudroient pas estre semblables à ceux qu'ils loüent : Ils admirent ce qu'ils font si plaisamment, mais ils se gardent bien de se rendre plaisans comme eux.

On doit dire aux bien-veillans, que quand ils voyent les œuures de leur prochain, ils fassent reflexion sur eux, sans presumer des actions d'autrui, qu'ils ne loüent pas le bien, & refusent de le faire: Car en la végeance finale ceux-là seront plus rigoureusement punis, lesquels faisoient estat du bien qu'ils n'ont pas voulu suiure.

Aussi l'on aduertira les enuieux qu'ils considerēt combien leur auement est grand, de reculer pour l'auancement d'autrui; quelle est leur misere d'empirer par l'amelioration des autres, & de mourir le cœur ferré d'angoisse, pour voir accroistre la prosperité de leur prochain. Y a-t'il gens aux monde plus miserables que ces gens-là, qui au mesme temps que le bon-heur des autres les tourmentent, deuiennent encor plus meschans par la peine qu'ils endurent: où s'ils aimoient le bien des autres qu'ils ne peuuent auoir, il seroit aussi pour eux: Pource que tous ceux qui se maintiennent en la Foy, sont comme plusieurs membres en vn corps, quoy que pour leurs differentes fonctions, ils soient diuers entr'eux, mais en ce qu'ils se rapportent l'un à l'autre, ils ne font qu'un.

De là vient que le pied void à se conduire par le moyen de l'œil, & les yeux cheminent par les pieds : Les oreilles seruent à la bouche : & la langue de la bouche employe son vsage au seruice des oreilles : le ventre aide aux mains, & les mains trauaillent pour le ventre. Nous apprenons d'oc par la constitution de nostre corps comme nous auons à nous comporter en nos actions : Pource que c'est vne grande honte de ne vouloir pas imiter ce que nous sommes. Ces choses donc sont à nous, pource qu'encor que nous ne les puissions pas auoir, nous les aimons aux autres : & ce que l'on aime en nous est pareillement à ceux qui l'aiment. Que l'enuieux d'oc considere combien est admirable l'effect de la Charité, qui fait que les œuvres du trauail des autres nous appartiennent semblablement, sans nous en trauailler.

L'on peut encor dire à l'enuieux, que pour ne se garder pas de la malveillance, il se plonge dans l'ancienne malice de nostre cauteleux aduersaire: Car il est dit de luy, que par l'enuie du Diable la mort est entrée au monde: Pource que ce malin esprit estant chassé du Ciel, fut enuieux de l'homme créé pour occuper sa place; & non content de s'estre perdu soy-mesme, il voulut accroistre encor son peché perdant aussi les autres.

On aduertira les enuieux de penser combien de maux par la multiplication des malheurs ils attirent dessus leur teste: dautant que pour ne reietter pas l'enuie qu'ils ont dans le cœur, ils s'exposent à toute sorte de meschâcetez: Car si Caïn n'eust point esté enuieux du sacrifice de son frere, il ne se fust pas porté à luy raurir la vie. Aussi est-il escrit, Le Seigneur jetta

les yeux sur Abel & sur ses offrandes, & ne regarda pas Caïn ny ses presens. Dequoy Caïn fut courroucé grandement, & son visage vint à decheoir. Ainsi l'enuie du sacrifice fut la semence de l'homicide : Pource qu'estant fasché qu'il y eust vn meilleur queluy, il voulut en l'exterminant, qu'il ne fust plus.

Dauantage on peut dire aux enuieux, que pendant que ce venin les deuore en l'interieur, ils destruisent aussi tout ce qu'ils semblent auoir de bon. Pource sujet il est escrit, que la santé du cœur est la vie des chairs, & l'enuie la pourriture des os. Que sont les Chairs, sinon certaines parties infirmes & tendres? Et que denotent les os, sinon les actions fortes? Or on en verra souuent qui semblent infirmes en quelques vnes de leurs actiōs, & nonobstant ils ont l'innocence au

cœur. Il en est d'autres qui deuant les yeux des hommes font des choses fortes; & l'enuie neantmoins les desseiche au dedans pour les biens qu'ils remarquent en leur prochain. Il est donc tres-bien dit, que la santé du cœur est la vie des chairs: Pource que si l'innocence du dedans est conseruée, quoy qu'il y ait des choses qui paroissent exterieurement infirmes, en fin elles seront fortifiées. Et à cecy est encor adiousté, l'enuie est la pourriture des os: pource que tout ce qui paroist de plus robuste aux yeux des hommes par le vice de l'enuie, deperit aux yeux de Dieu: Car les os pourris d'enuie ne denotent autre chose que la perdition des meilleures & des plus considerables actions des enuieux.

ADVERTISSEMENT. 12.

Pour les simples, & pour les malicieux.

D'Vne façon doiuent estre aduertis les simples, & d'une autre les doubles de cœur. Il faut louer les simples de ce qu'ils se gardent de dire jamais aucune fausseté. Neantmoins on les aduertira qu'ils sçachent quelquesfois taire la verité: Car tout ainsi que le mensonge est tousiours preiudiciable à celuy qui le profere: aussi peut-il estre dommageable en certain temps à quelqu'un, d'entendre la verité. Parquoy nostre Seigneur moderant sa parole du silence, dit à ses disciples, I'ay plusieurs choses à vous dire, mais vous ne le pouuez pas porter maintenant.

Les simples donc seront aduertis, que tout ainsi qu'ils eurent tousiours vtilement le mensonge, de mesme qu'ils disent tousiours vtilement la verité. Qu'ils ioignent la prudence au bien de la simplicité, à ce qu'ils soient tellemēt assurez de celuy-cy, qu'ils ne perdent point la discretion de celle-là. D'autāt que c'est ce qui faisoit dire au Docteur des Nations, le desir que vous soyez sages au bien, & simples au mal. Et la Verité mesme aduertit ainsi ses Esleus, Soyez prudēts, comme les serpents, & simples comme les colôbes; Pource que l'astuce du serpēt doit aiguïser aux cœurs des fideles la simplicité de la colombe, & la simplicité de la colombe, temperer l'astuce du serpent; en sorte qu'ils ne soient pas deceus par la prudence, & que la simplicité ne leur fasse negliger l'intelligence.

Les doubles de cœur, au contraire, auront aduertissement de recognoistre outrel'offence qu'ils commettent, la peine qu'ils ont à dissimuler: pource que de crainte d'estre surpris, ils cherchent tousiours des defenses iniques; & sont incessamment agitez de soupçons & de defiances. Or il n'y a point de plus seure defense que la franchise, ny rien de plus facile à dire que la verité. Pource qu'en s'efforçant de soustenir le mensonge, ils ont beaucoup de mal; Aussi est-il escrit, Le travail de leurs larmes les couurira: car il les remplit maintenant, & alors il les couurira. D'autant qu'il accablera rudement pour récompence en ce temps là, celuy dont il sousleue à present l'esprit par vne flatteuse inquietude.

A raison dequoy Ieremie disoit, ils ont enseigné leur langue à mentir,

ils ont eü de la peine à mal faire. Comme s'il eust voulu dire, Ceux qui sans aucun trauail pouuoient estre amis de la Verité, trauaillant à pecher, & pour ne vouloir pas viure simplement, ils cherchent la mort dans les trauaux. Pource que la pluspart d'eux estants surpris en faute, pour n'estre pas cogneus tels qu'ils sont, se cachent souz le voile de la fraude, & taschent d'excuser l'offence qu'ils ont commise, & quel'on void de-jà. De sorte que souuent celuy qui veut corriger leur faute, deceu des nuages de la fausseté, dont ils trouurent leur fait, se trouue auoir presque perdu cognoissance de ce qu'il tenoit tout assurei.

C'est ce qui faisoit tres bien dire au Prophete, souz le pretexte de la Iudee, contre l'ame pecheresse qui s'excuse, le herisson auoit la sa tanriere: Où pour le herisson est entendu la duplicité du

menteur, qui ne manque point de cauteleuses defences : Pource que quand on prend le herisson, l'on void sa teste & ses pieds, l'on apperçoit tout son corps; mais si tost qu'il est pris, il se ramasse en rond, & retire ses pieds en dedans, il cache sa teste, & se perd entierement entre les mains de celuy qui le tient, encor qu'auparavant on le voyoit tout entier. Il en est ainsi des ames impures, quand elles sont surprises en leurs meffaits. On void la teste du herisson : car on void bien par où le pecheur a commencé de commettre son offence: On void les pieds du herisson, pource que l'on reconnoist les traces de la mechanceté; mais soudain il apporte tant d'excuses, qu'il ramasse ses pieds au dedans, & cache les vestiges de son iniquité. Il retire sa teste, pource qu'il vous allegue tant, & de si merueilleuses defen-

ses, qu'il vous fasse croire qu'il n'a jamais commencé de faire aucun mal, demeurant comme vne boule en la main de quiconque le tient : Pource que celuy qui le retient, perdant incontinent tout ce qu'il en sçauoit, il tient le pecheur enuveloppé dans sa conscience : & luy qui premierement le voyoit en le surprenant, trompé de ses cauteleuses illusions, il ne le cognoist plus. Le herisson donc a sa taniere en la personne des méchants, pource que la duplicité d'une méchante ame se recueillant en soy-mesme, se cache dans l'obscurité de sa defense.

Que ces dissimulez entendent ce qui est dit aux Prouerbes, Qui va simplement, va seurement : D'autant qu'il n'y a point de plus grande assurance que d'agir en simplicité. Qu'ils escoutent ce que dit le Sage, L'esprit saint
de

de discipline fuir le dissimulé. Qu'ils entendent de rechef ce témoignage de l'Escripture, Son entretien est avec les simples : Car l'entretien de Dieu est de reueler ses secrets aux esprits des hommes, par la clarté de sa presence; Il s'entretient donc avec les simples. pource qu'il illumine d'un rayon de ses visitations, touchant les saints mysteres, l'entendement de ceux qui ne sont point obscurcis des nuages d'aucune dissimulation; pource que le mal particulier des esprits doubles est, qu'en deceuant les autres par leurs actions feintes, ils s'en glorifient, comme s'ils auoient la prudence en un plus excellent degré que les autres: Et pource qu'ils ne considerent pas la retribution finale que leur garde le iuste Iuge, ils se resioüissent de leur malheur.

Qu'ils escoutent comme Sopho-

nias les menace de la punition diuine, disant; Voicy que le grand iour du Seigneur vient, qui est horrible, iour de fureur, iour de tenebres, & d'obscurité, iour de nuage & de tourbillon, iour de trompette & de cry sur toutes les Citez munies, & sur tous les coins releuez. Que veut-il dire par les Citez munies? sinon les esprits de suspicion, & tousiours garnis d'une artificieuse defense; Sur qui toutes fois que l'on reprend leurs fautes, les attein-tes de la verité n'ont iamais eu de prise. Et qui sont les hauts coins, sinon la dissimulation d'un esprit menteur? Car la paroy du coin est tousiours double. Et que signifie les coins de la paroy, sinon ces cœurs malicieux, qui cependant qu'ils fuyent la verité, retournent comme en eux-mesmes par une certaine malice de duplicité. Mais encor ce qui est le pire en leur

pensee, ils se presument orgueilleuse-
 ment par cette offence, & croient en
 estre plus prudents: Donc le iour du
 Seigneur, le iour de vengeance & de
 punition, vient sur les Citez munies, &
 sur les coins releuez: pource que la fu-
 reur du dernier Iugement renuersera
 les cœurs humains, & les excluera de
 toutes defences contre la verité, les
 desueloppant de tous ces pretextes
 dont ils se fortifient. Alors toutes les
 Citez munies tomberont; pource que
 les esprits soubçonneux enuers Dieu
 seront condamnez, & tous les coins
 releuez se renuerseront, dautant que
 les cœurs qui se presument d'vne ma-
 licieuse prudence, seront terrassez par
 vne iuste condemnation.

ADVERTISSEMENT 13.

Pour les sains, & pour les malades.

D'Vne façon doiuent estre aduerties les personnes saines, & d'une autre les malades. On doit dire à ceux qui sont en santé, qu'ils exercent la disposition de leur corps pour le salut de l'ame. De peur que s'ils tournent à quelque mauuais usage, la grace qu'ils ont d'estre sains, ce don ne les rende pires, & n'en soient apres d'autant plus griefuement punis, qu'ils ne craignent point d'abuser icy bas des plus grands bien-faits de Dieu.

Les personnes saines auront aduisede ne perdre pas l'opportunité d'acquiescer le salut eternel: Car il est escrit,

Voicy le temps propice , voicy les iours de salut. Il les faut aduertir; que s'ils negligent de plaire à Dieu , maintenant qu'ils le peuuent , ils ne pourront quand ils le voudront sur le tard: Car c'est pour ce sujet que la Sageſſe quitte doresnauant ceux qu'elle auoit appelez , & qui la refuſoient aupara- uant, quand elle dit, Je vous auois ap- pelez , & vous avez refusé de me ſui- ure, nul de vous ne m'a regardée, vous avez meſpriſé mes aduis , & reiecté mes reprimandes. Aussi ie ne feray que rire de voſtre perte, & me goſſeray de vous quand ie verray vous arriuer ce que vous craigniez. Et en vn autre lieu , Ils m'inuoqueront alors, & ie ſe- ray ſourde à leurs prieres; ils ſe leue- ront matin pour me chercher, & ne me trouueront point.

Quand donc l'on neglige d'em- ployer à bien faire la ſanté, que pour

ce sujet on a receu de Dieu, l'on reconnoist quelle grace c'estoit apres qu'elle est perdue. Et vraiment sur la fin on la desire; lors que l'ayant, on ne s'en est pas vtilement seruy. Salomon aussi disoit encor tres-bien, Ne donne point ton honneur à d'autres, ny tes annees au cruel, de peur que les estrangers ne soient saoulez de tes forces, & tes labeurs consommez en la maison d'autrui; & qu'à la fin tu ne regrettes d'auoir espuisé la vigueur de ta chair & de ton corps. Qui sont ces estrangers de nous, sinon les malins esprits qui sont bannis pour iamais de la celeste patrie? Et quel est nostre honneur, sinon qu'estant formez en des corps de terre, nous sommes neantmoins créés à l'image, & à la semblance de nostre Createur? Ou quel est cét autre cruel, sinon cét Ange

apostat qui s'est infligé soy-mesme la peine de mort, & perdu qu'il estoit, n'a pas laissé de causer encor la mort au genre des hommes? Donc celuy-là donne son honneur à d'autres, lequel estant créé à l'Image & à la semblance de son Createur, donne le temps de sa vie à la volonté des malins esprits. Il donne aussi ses années au cruel, quand il employe tout le cours de son aage au gré du tyran infernal, nostre commun aduersaire.

En suite il est aussi fort bien adiousté, De peur que les estrangers ne soient saoulez de tes forces, & tes labours cōsommez en la maison d'autrui. Pource que celuy qui par la santé du corps qu'il a receüe, & par le don de la sagesse de l'esprit, se porte au mal, & non pas au bien; il ne multiplie point sa maison de ses la-

beurs ; mais il augmente les actions des esprits impurs , & accroist le nombre des damnez par l'addition de sa personne. De plus il adioust e apres : Et que tu ne regrettes à la fin d'avoir espuisé de vigueur ta chair , & ton corps. La santé corporelle ordinairement se dissipe dans les vices ; & le corps se trouue attenué de tres-douloureuses lagueurs, quand l'ame est pressée d'en sortir. Alors c'est en vain que pour vouloir mieux viure desormais , on regrette la santé vigoureuse que l'on a mal employee si longuement. On a beau plaindre en ce temps là de n'avoir pas mis son affection à servir Dieu, quand on n'en peut reparer la perte. Et pour cette raison il est dit ailleurs ; Quand il les faisoit mourir, c'estoit alors qu'ils le recherchoient.

Les malades au contraire doiuent estre aduertis, qu'ils recognoissent que Dieu les traite comme ses enfans, en ce qu'il daigne les chastier des verges de sa discipline: Car s'il n'auoit desir de leur dōner son heritage apres les auoir instruits, il ne prendroit pas le soin de les corriger par ses chastiments: dautant que nostre Seigneur par son Ange, disoit à saint Iean, Je reprimande ceux que j'aime, & les chastie. De la vient qu'il est escrit, Mon fils ne neglige pas la discipline du Seigneur, & ne te fasche pas de ses reprimandes: pource que nostre Seigneur chastie ceux qu'il aime, & corrige de ses verges toute personne qu'il recoit pour son enfant. Aussi le Psalmiste disoit: les tribulations des gens de bien sont en grand nombre, mais le Seigneur finalement les deliure de toutes. Et le bien-heureux Iob s'es-

crioit au fort de ses douleurs, Quand ie serois iuste, ie me garderois bien de léuer la teste, accablé d'affliction & de misere.

Il faut dire aux malades, que s'ils croyent que le Ciel soit leur patrie, il est necessaire qu'ils endurent en cette vie, qui n'est pas leur propre demeure. C'est pour ce sujet qu'en l'edifice du Temple les pierres estoient taillées dehors, afin d'estre apres appliquées en la structure de la maison de Dieu, sans coup frapper. Pource que maintenant il nous conuient estre martelez dehors, afin qu'en suite on nous range au Tēple de Dieu sans aucun coup de discipline, à ce que nous soyons icy taillez & retranchez de tout ce qui est en nous de grossier & de superflue, & lors il ne nous faudra plus que le cimēt de la Charité pour nous lier conjointement à l'edifice.

On aduertira les malades cōbien pour receuoir les succeſſions de la terre, les enfans ſont contraincts d'endurer de coups de verges, & de rudes traitemens. Quelle peine donc trouuerons nous faſcheuſe & difficile à ſupporter de la main de Dieu, pour l'heritage qui ne ſe peut perdre, & pour euites les ſuppliques eternels? De là vient que ſainct Pol diſoit, Nous auōs eu des peres corporels, qui nous ont eſleuez, & nous les reuerions. Ne vaut-il pas mieux obeir aux Peres de nos ames, afin de viure eternellemēt? Ceux-là ne nous inſtruiſoient ſelon leur volōté, que pour vn peu de iours: mais celuy-cy nous enſeigne ce qui nous eſt vtile pour eſtre admis au nombre de ſes Saints.

Les malades ſeront aduertis combien eſt ſalutaire à l'ame l'indispoſition du corps: c'eſt ce qui fait que no-

stre esprit r'entre en soy-mesme, & se remet en souvenance de nostre infirmité, que nous oublions ordinairement quand nous sommes dispos. L'affliction corporelle l'arreste quād il s'emporte hors de soy-mesme, & luy donne à penser à sa condition. Ce qui nous est tres-bien représenté par l'obstacle que Balaan eut en son chemin, s'il eust obey toute fois à la volonté de Dieu. Car Balaan s'acheminoit où il auoit volôté d'aller : mais l'animal qui le porte empesche son voyage; pource que son asne est arresté par l'Ange de Dieu qu'il void, & l'esprit humain ne le void pas: pource que la chair estant souuent retenuë par les maladies, fait reconnoistre à l'esprit qui la presse, Dieu, que l'esprit mesme qui preside au corps, auparauant ne voyoit pas. En sorte qu'elle empesche les soucis

de l'esprit qui desire s'auâcer au monde, & l'arreste comme au chemin, iusques à ce qu'il recognoisse vne puissance superieure qui luy vient inuisiblement au deuant. A raison dequoy saint Pierre dit fort à propos, Il eut pour correcteur vne asne muet, qui parlant d'vne voix humaine, reprit la folie du Prophete. Pource que l'insensé se void repris par vne beste de charge, quand la chair affligée de maladie, remonstre à l'esprit esleué de presumption l'humilité qu'il deuoit auoir. Baalaan n'eut pas le bien d'estre corrigé, d'autant qu'il continua d'aller maudire; il chagea bien de parole, mais non pas d'intention.

Il faut aduiser les malades, quelle grace est la maladie, qui leur remet les pechez passez, qui les retient d'en commettre d'autres, & qui par des

blesseures exterieures donne à l'ame touchée, la douleur de la penitence. Aussi est-il escrit, La playe liuide nettoye les maux & les blessures des plussecrettes parties du ventre. La playe liuide nettoye les maux, attendu que la douleur des chastiments efface les pechez commis d'affection & de pensée. Or par le ventre souuent on entend l'esprit, pource que tout ainsi que le ventre consomme les viandes, de mesme l'esprit digere les soucis qui passent en la pensée. Et pource que l'esprit est appellé ventre, on apprend de là que veut dire cette autresentence de l'Escriture: La lampe du Seigneur est la respiration de l'homme, qui recherche toutes les parties interieures du ventre: qui est comme si l'on disoit, Quand la lumiere de l'inspiration diuine se respend sur vne ame; elle fait qu'elle se co-

gnoist foy-mefme en l'illuminant, & luy defcouure les mauuaises penſées qu'elle pouuoit auoir auant d'eſtre illuminée, ſans qu'elle s'en apperceuſt: Pource que la meurtriſſure de la playe nettoye les maux & les bleſſeures aux plus ſecrettes parties du ventre: Dautant que quād nous ſommes exterieurement touchez, auſſi toſt tacitemēt & en triſteſſe nous repreſentons à noſtre memoire nos offenſes, & repaſſons deuant nos yeux tout ce que nous auons fait de mal: & parce que nous ſouffrons au dehors, nous ſommes dauantage attriſtez à l'interieur de ce que nous auons commis. D'où vient que plus le corps eſt euidāment trauaillé, d'autant plûtoſt en ſommes nous purifiez par les ſecrets reſſentimens de la poitrine, la playe interieure de la triſteſſe gueriffant le mal d'une injuſte action.

L'on aduertira les malades, à ce qu'ils conseruent la vertu de patience, qu'ils se representent incessamment cōbien de maux nostre Redempteur a souffert de ses creatures mesmes: quels opprobres il n'a point endurez: Cōbien d'outrages & de coups pour deliurer les ames de la captiuité de nostre ancien aduersaire, il a receu de l'insolence mesme des captifs. Que pour nous lauer des eaux salutaires il n'a point destourné son visage des crachats: que pour nous affranchir par la vocation des supplices eternels, il a souffert d'estre flagellé sans dire mot: que pour nous placer à iamais honorablement avec ses Anges, il a permis que les Iuifs l'ayent souffletté: que pour nous guerir des pointures de nos pechez, il voulut estre couronné d'espines: que pour nous rassasier de ses eternelles douceurs, il a beu l'a-
mertume

mertume du fiel: Qu'ayant pour nous
 adoré son Pere, auquel il estoit égal
 en Diuinité, neantmoins il a patiem-
 ment enduré qu'on l'adorast par mo-
 querie: Que pour nous acheminer à la
 Vie, nous autres chetifs mortels, luy
 qui estoit la mesme vie, il s'est reduit
 iusques à souffrir la mort. Trouuerôs
 nous estrâge dâc que l'hôme endure
 de Dieu les chastiments pour ses pe-
 chez: Si Dieu mesme a souffert tant
 de maux des hommes pour tant de
 biens qu'il leur a faits? Ou qui sera si
 depourueu de iugement, de ne ren-
 dre pas grâces de ses flagellations, si
 celuy-lâ qui iamais ne commit aucun
 peché parmy nous, n'est pas sorty d'a-
 uec nous sans y estre flagellé:

ADVERTISSEMENT 14.

Pour les craintifs, & pour les incorrigibles.

D'Vne façon doiuent estre aduertis ceux qui craignēt les fieux, & qui pour ce sujet viuent innocemment, & d'une façon les autres qui sont endurcis tellement à l'iniquité, qu'ils ne se corrigent pas mesme pour les fieux qu'ils ressentent. A ceux-là qui craignent d'estre affligez, il faut dire qu'ils ne se portent pas à desirer pour vne chose de grande estime, les biens temporels qu'ils voyent abonder mesme aux meschans: & qu'ils ne fuyent pas comme insupportables les afflictions presentes, dont ils sçauent que les gens de bien sont icy bas souvent trauersez.

On aduertira ceux qui ne craignent rien tant que l'aduersité, que s'ils veulent estre vraiment exempts de tous maux, ils apprehendent les supplices eternels; & neantmoins qu'ils ne s'arrestent pas à cette apprehension du mal, mais qu'ils auancét & qu'ils s'accroissent en la grace de l'amour, par l'aliment de la charité: Car il est escrit que la parfaite charité repousse la crainte dehors: Et de plus, vous n'avez point receu l'esprit de seruitude, mais l'esprit d'adoption des enfans, auquel nous reclamons Dieu nostre Pere. A raison dequoy le mesme Docteur dit encor, Où est l'Esprit du Seigneur, là est la liberté. Si donc l'apprehension de la peine nous retire du mal, le cœur certes de celuy qui craint n'a point encor la liberté de l'esprit; car s'il ne craignoit pas la punition, sans doute il se porteroit au mal. L'ame donc que

la servile crainte retient, ne cognoist pas la grace de la liberté; pource qu'il faut aimer le bien pour l'amour du bien mesme, & la crainte n'est pas ce qui nous doit induire à l'embrasser; Et quiconque ne fait le bien que pour éviter le tourment, il voudroit n'avoir rien à craindre, afin de commettre hardiment ce qui est defendu. D'où l'on peut cognoistre euidamment comme le iour que l'on n'est pas innocent devant Dieu, lors que par le desir on peche devant ses yeux.

Ceux au contraire que les chastiments mesmes ne retiennent pas de pecher, doiuent estre touchez d'une reprimande d'autant plus forte qu'ils sont endurcis d'une plus grande insensibilité: Car souuent il les faut dedaigner sans desdain, & sans desespoir les desesperer; en telle sorte au moins que le desespoir leur donne de la ter-

reur, & que l'aduertissement qui suivra les remette en esperance. Il leur faut donc proferer les sentences que la Iustice diuine elance contr'eux, afin que la consideration des peines eternelles, les ramene à la cognoissance d'eux-mesmes.

Qu'ils sçachent qu'en eux est accompli ce dire de l'Escripture: Quand on broyeroit le fol en vn mortier, comme on fait les drogues avec vn pilon, il ne quitteroit pas sa folie contre ces personnes: Dieu par la bouche de son Prophete se plaint ainsi, Quoy que ie les aye esclusez, ils refusent de se corriger. C'est de là que le Seigneur disoit, l'ay fait mourir ce peuple, & l'ay perdu, & neantmoins ils ne se sont point destournez de leurs voyes. De plus en vn autre lieu, Le peuple ne s'est pas tourné vers celuy qui le frappoit: Et le Prophete Ieremie disoit en la

personne des persecuteurs, Nous auons medicamenté Babylone, mais elle n'en est pas guerie. Babylone est medicamentée, & n'est pas toutesfois remise en santé, quand vne ame confuse en sa meschante vie entendant les paroles de la correction, reçoit les coups du chastiment, & mesprise neantmoins de se reduire au bon chemin.

C'est ce que Dieu reprochoit au peuple d'Israël estant captif, & qui ne se conuertissoit pas: La maison d'Israël est en mon endroit vne escume de metal, tous ceux-cy me sont de l'airain, de l'estain, du fer, & du plomb, au milieu d'une fournaise; comme si plus ouuertement il eust dit, Je les ay voulu purifier par le feu de la tribulation; i'en ay desiré faire de l'or & de l'argent, mais en la fournaise ils ne sont deuenus que de l'airain, de l'e-

stain, du fer, & du plôb : Pource qu'en la tribulation mesme, ils se sont tournez au mal, & non pas au bien. Car l'airain quand il est frappé, fait plus de bruit que tous les autres metaux. Qui-conque donc en la persecution esclarte au bruit & au murmure, il se tourne en airain au milieu de la fournaise : & l'estain estant artitement façonné, se deguise côme l'argent ; & quiconque en la tribulation est dissimulé, devient estain en la fournaise. Les homicides se seruent du fer pour attenter à la vie du prochain ; parquoy celuy-là se forme en fer en la fournaise, qui ne quitte pas en la tribulation sa malice. Le plomb est plus pesant que tous les autres metaux ; & celuy-là consequemmēt devient plomb, qui se trouue tellement accablé de la pesanteur de ses vices, qu'en la tribulation mes-

me il ne peut s'esleuer des desirs de la terre. Il est dit encor en vn autre lieu, L'on a pris beaucoup de peine & de trauail, mais l'on n'a peu luy faire perdre la rouille, encor que l'on y ait employé le feu. Car Dieu nous applique le feu de la tribulation pour nous purger de la rouille de nos vices. Mais le feu mesme n'oste pas cette rouille, alors que nonobstant les fieux, nous ne laissons pas de l'offenser. Et le Prophete disoit ailleurs, C'est en vain que le fondeur a fondu, leurs malices ne sont pas consummées.

On doit sçauoir aussi que quand la rigueur des fieux n'a pas corrigé les pecheurs, il faut aucunes fois pourtant les gagner par doux aduertissemens : Car il est des personnes sur quiles douces remonstrances

ont plus de pouuoir à les destourner du mal que les feueres peines. Comme il y a des malades qu'une composition de fortes medecines ne peut esmouuoir, & à qui pour recouurer leur guerison, il ne faudra qu'un peu d'eau tiede. De plus, il est des playes qui ne se guerissent que par une simple fomentation d'huile, & non par aucunes incisions. Et le diamant si dur qu'on ne scauroit entamer avec le fer, il ne faut que du sang de bouc pour l'amollir.

ADV ERTISSEMENT 15.

*Pour ceux qui parlent trop peu: & pour
ceux que l'on ne sçauroit faire taire,*

CEux qui parlent trop peu, doivent estre aduertis d'une façon; & d'une autre façon ceux qui sont excessifs en paroles: Pource que l'on doit dire à ceux qui ne parlent pas assez, qu'en évitant inconsidérément certains vices, ils s'engagent sans y penser, à de plus grandes imperfections: Car souvent pour tenir leur langue trop court, ils ont dedans le cœur vn autre plus fascheux babil, à sçavoir, les pensées qui leur bouillonnent plus abondément en l'esprit, pour estre trop estroittement resserrees dās les barrières d'un indiscret silence,

quoy qu'elles s'espandent mesmes quelquesfois d'autant plus au large, qu'elles n'ont personne qui les syndique au dehors. Qui fait que l'esprit s'enorgueillit davantage, & mesprise comme imbecilles ceux qu'il entend: pource que cependant qu'il tient la bouche close, il ne void pas à combien de defauts sa presumption ouvre la porte. A raison que pressant la langue, il enfle son entendement, & ne considere point, ny son impieté, ny sa malice. Il blasme chacun, d'autant plus librement, que secrettement.

On aduertira donc ceux là, qui se gardent trop de parler; d'apprendre à se rendre non exterieurement tels qu'ils doiuent paroistre, mais interieurement tels qu'ils doiuent estre; à ce qu'ils craignent plustost le iugement de Dieu, pour leur secrettes pensees, que la reprimande des hommes pour

les paroles qu'ils auront dites. D'autant qu'il est escrit en Salomon, Sois attentif, mon fils, à ma Sagesse, encline ton oreille à ma prudence, afin de prendre garde à tes pensées: Car il n'y a rien en nous de plus fugitif que nostre cœur qui s'enfuit de nous toutes les fois qu'il s'écoule en mauuaises pensées. Ce qui donnoit occasion au Psalmiste de dire, Mon cœur m'a delaisé. Puis retournant à soy-mesme, il disoit, Vostre seruiteur a retrouvé son cœur pour vous prier. Quand donc la péece est retenuë par vne bõne garde, le cœur qui s'échappe ordinairement par cette yssue, se retrouve. Ioint que souuent quand les hommes trop taciturnes souffrent quelque chose de mal, ils en sont d'autant plus irritez, que moins ils font entendre ce qui les fasche: Car si par vn paisible propos ils donnoient à cognoistre leur mes-

contentement, la fascherie qu'ils ont s'écouleroit du cœur par ce moyen: pource que les playes enfermees sont les plus douloureuses; mais quand le pus qui donne l'inflammation vient à sortir, c'est lors que pour se guerir la playe s'ouure. Parquoy ceux qui se taisent plus que de raison, se doiuent garder qu'aux fascheries qu'ils endurent sans dire mot, ils n'engregent leur mal.

Il leur faut donner aduis, que s'ils aiment leur prochain comme eux-mesmes, ils ne luy celent pas ce dont ils ont sujet de le reprimander: Veu que par le remede de la parole, on pouruoit au salut de l'un & de l'autre: quand d'une part on reprime l'iniuste, & mauuaise action de celuy qui la commit, & quand de l'autre en decouurant ce que l'on souffre, on modere le sentiment de l'offence. Car les

hommes qui voyent le mal de leur prochain, & les couurent neantmoins souz le silence; font comme ceux qui voyant vne blessure en destournent le remede, & font en cela cause de la mort du malade, pour n'y auoir pas apporté le medicament qu'ils sçauoient.

On doit brider sa langue discrettement, & non pas la lier impertinement. Pour ce sujet il est escrit, Le sage se taira pour vn temps, afin que quand il verra qu'il est saison de parler, sans craindre la censure du silence, il employe utilement sa parole à ce qu'il est expedient de proferer. Et l'Escripture dit en vn autre lieu, il y a temps de parler, & temps de se taire, pource qu'il fait prudemment cognoistre les diuerses occurrences des temps, à ce que la langue n'eschappe mal à propos quand elle doit estre retenue, & qu'elle ne se retienne inutilement quand

il est bon de parler. Ce que le Psalmiste considerant tres-bien, disoit, Mettez, Seigneur, vne garde à ma bouche, & vne porte à l'enclos de mes levres; il ne demande pas qu'on y mette vne paroy, mais vne porte que l'on ferme & que l'on ouvre. D'où nous pouuons apprendre qu'il faut ouurir la bouche à la parole quand il en est temps, & la fermer aussi quand il en est saison.

Ceux qui parlent trop, au contraire, seront aduertis de remarquer soigneusement combien ils se destournent du droit chemin de la perfection, lors qu'ils s'écoulent en paroles excessiues. Car l'ame comme l'eau estant enfermee, se recueille en haut, remon-
montât vers son origine, mais estant relâchée elle se perd, se répandant inutilement aux lieux bas. Pour ce que les paroles vaines où elle se dissipe,

oultrepassant les bornes du silence, sont autant de ruisseaux qui la tirent hors d'elle mesme, qui fait qu'elle ne peut suffire à rentrer interieurement à se cognoistre, pource qu'espanduë en vne multiplicité de paroles, elle est excluse du secret intime de sa propre consideration: Et se decouvre entièrement aux attaintes de son ennemy qui luy tend incessamment des embusches, pour n'estre environnée d'aucune garde qui la couure.

A raison dequoy l'Eseriture dit, Telle qu'une ville demantelee & sans enceinte de murailles: tel est celuy qui ne peut cōtenir son esprit en parlant. Car la Cité de l'ame qui n'a point la closture du silence, est exposée aux traicts de son ennemy: & pendant que par ses paroles elle se iette hors de soy-mesme, elle se monstre à decouvert à son aduersaire qui la surmonte
auec

auec autant plus de facilité, que par son babil excessif elle fait la guerre soy-mesme. Souuent aussi l'ame nonchalante estant poussee comme par degrez, à la cheute de ce desordre quand nous negligons de prendre garde aux paroles oyssiues, quelques-fois on dit de mauuais propos, en sorte que premierement on prend plaisir à parler des affaires d'autrui, puis on en médit, & finalement on en vient iusques aux calomnies. De là s'épan- dent les semences pointilleuses, de là naissent les querelles, de là s'allument les flambeaux de discorde, & la paix du cœur s'esteint.

Pour cette raison Salomon disoit, quiconque laisse aller le courant des eauës, est cause de débats; car c'est laisser aller le courant des eauës, que de lascher sa langue aux flux des paroles: Ce qui s'entend aussi en bonne part.

C'est vne eauë profonde que la parole de la bouche de Dieu. Celuy donc qui laisse aller l'eau est l'origine de débats, pource que quiconque ne refrene pas sa langue, dissipela concordie. Aussi au contraire, l'Escripture dit, Imposer le silence au fol, c'est appaiser les coleres. Et pource que tout grand causeur ne sçauroit brider sa langue: de là vient qu'il ne peut aussi garder la droicteure de la Iustice; comme tesmoigne le Prophete, disant, Le babillard ne se conduira pas bien dessus la terre. Et Salomon dit en vn autre lieu, Le peché ne manque point en l'abondance du parler. Et le Prophete Isaye disoit, L'ornement de Iustice est le silence, monstrant que l'ame est destituee de Iustice, quand on ne peut se tenir de trop parler. Ce qui faisoit dire à Sainct Iacques, Si quelqu'un pense

estre Religieux, & ne sçauroit retenir sa langue & son cœur, est trompeur, vaine est la religion de celuy là. Et en vn autre lieu, Que tout homme soit prompt à escouter, & tardif à parler. Et derechef definissant la propriété de la langue, il adioust, La langue est vn mal sans repos, & plaine d'un mortel venin.

C'est pourquoy la Verité mesme nous enseignoit ainsi, Les hommes rendront compte au iour du Iugement, de toute parole oyسية qu'ils auront ditte. Toute parole est oyسية, qui est proferee, ou sans ordre de iuste necessité, ou sans vne droicte intention d'vtilité. Si donc l'on demandera, conte d'une parole oyسية, pensons comme sera puny le trop parler, où l'on offence encor par des paroles nuisibles.

ADV ERTISSEMENT 16.

*Pour les paresseux , & pour
les trop hastez.*

D'Vne façon doiuent estre aduertis les paresseux ; & les trop hastez d'une autre : Car il faut persuader à ceux là , que pour dilayer outre mesure , ils ne perdent l'occasion de faire le bien : & à ceux-cy , que pour preuenir, en se hastant par trop, l'opportunité de bien faire, ils n'en renuersent le merite.

On dira donc aux paresseux, que souuent pour ne vouloir faire à temps le bien que nous pouuons, vn peu apres nous ne pouuons plus quand nous le voulons. Pource que la pesanteur de l'ame, qui n'est point

excitée de cette ferueur active qu'elle doit auoir, en fin la stupidité croissant inuisiblement, elle se trouue assommée dessous le faix de ses bons desirs. Ce qui faisoit dire à Salomon, La paresse endort. Car le paresseux, en son bon sens, est comme s'il veilloit, quoy que pour ne rien faire, il soit tout assoupy. Mais le Sage dit que la paresse endort; pource que la vigilance mesme d'un homme de bon sens, se perd petit à petit, quand il cesse de bien faire. Apres il adioust, Vne ame lasche aura faim. D'autant que l'ame qui ne se dresse point en haut, en se resserrant, se laisse aller nonchalamment en bas, par les desirs; & pour ne se reduire pas d'une rigoureuse affection, à ce qui est de sublime, elle deuiet allangourie de faim, par la conuoitise des

choses inferieures. En sorte que pendant qu'elle feint d'estre retenue par la discipline, elle s'épand toute affamée par le desir des voluptez illicites.

Le mesme Salomon dit encor, Tout homme paresseux est remply de desirs. Et la Verité nous preschoit, que la maison est nette quand vn esprit en sort, mais retournant mieux accompagné, pendant qu'elle estoit inutile elle est occupee. Le paresseux ordinairement negligent de faire ce qui est necessaire, se propose des difficultez, & se figure mesme des craintes sans raison : que s'il a trouué quelque vray sujet de craindre, il monstre alors que ce n'est pas sans occasion qu'il languit en oisiveté. C'est à celuy-là que Salomon dit ainsi, Le faineant n'a point vou-

lu labourer pour le froid, il mandiera donc en esté, sans trouuer quiluy donne. Pource que le froid empesche le paresseux de labourer, quand retenu de negligence & d'engourdissement, il void le bien qu'il luy conuient faire, & le dissimule. Le Laboureur ne trauaille pour le froid, lors que pour crainte de quelques petites incommoditez il laisse de grands biens à faire. Aussi est-il tres-bien dit, Il mandiera donc en Esté, sans trouuer quiluy donne rien. Pource que celuy qui maintenant ne s'employe pas aux bonnes œuures, quand le Soleil de Iustice apparoiſtra plus ardent, pour auoir demandé, sans faire aucun trauail, l'entree du Royaume celeste, il mandiera lors en Esté, sans trouuer quiluy donne.

Et le mesme Sage en autre lieu

R. iiii

dit encor, Quiconque observe le vent, ne sème point ; & quiconque prend garde aux nuages il ne moissonne jamais. Que nous signifie le vent, sinon la tentation des malins esprits ? que nous représentent les nuages que le vent esmeut, sinon les adversitez qui nous viennent de la part des méchants ? Les nuages sont excitez par les vents ; & les hommes impies incitez par la suggestion des esprits malins. Quiconque donc observe le vent, ne sème point ; & celuy qui considere les nuages ne moissonne jamais ; pource que la personne qui craint la tentation des mauuais esprits, & qui redoute la persecution des hommes peruers, ne semera point le grain des bonnes œuvres, & ne recueillira point les iauelles de l'heureuse récompense.

Les trop hastez , au contraire , seront aduertis qu'en preuenant le temps de bien faire , par la precipitation ils n'en peruertissent le merite ; & qu'ils tombent quelques-fois au mal , pour ne sçauoir discerner le bien. Que pour ne regarder pas ce qu'ils font , ny quand , ny comment , souuent ils recognoissent quand ils ont fait , qu'il ne falloit pas ainsi faire : A ceux-là donc Salomon parloit ainsi , comme à quelqu'un de ses auditeurs ; Mon fils , ne fay rien sans conseil , & tu ne te repentiras de rien apres auoir faict. Et en vn autre lieu , que tes paupieres soient ouuertes deuant tes pas. Les paupieres sont ouuertes deuant les pas , quand les bons conseils precedent ce que nous faisons : Car quiconque neglige de preuoir , en

considerant ce qu'il faict , celuy-là , certes, estend ses pas , & ferme ses yeux ; en s'auançant il fait du chemin: Mais faute de preuoyance il ne va pas au deuant de soy , ce qui le fait plustost tomber, pource que les paupieres du conseil ne luy montrent pas où il doit asseoir le pied de son action.

ADVERTISSEMENT 17.

Pour les debonnaires, & pour les faciles à se colerer.

AVtremment doiuent estre aduertis les debonnaires, & autrement ceux qui sont prôpts à se courroucer: Car les debonnaires aucunes fois estât aux premieres charges, se portent à la nonchalance qui leur est voisine, &

non esloignée de leur humeur; & d'ordinaire pour estre trop doux, ils enervent la vigueur de cette severité qu'ils doiuent auoir. Les coleres tout au contraire quād ils ont le commandement, selon que le desreglement d'esprit, & la colere les transporte, mettent en confusion ceux qui viuēt sous leur conduite, & troublent leur repos. Quand la fureur les possede, ils ne sçauent alors ce qu'ils font, & ne reco-
gnoissent point le mal qu'ils se procurent: voire mesme ce qu'il y a de plus fascheux, ils se persuadent que l'aiguillon de leur colere est vn zele de justice; & pource que le vice semble vne vertu, le peché multiplie sans aucune contradiction. Souuent donc les debonnaires s'engourdissent de nonchalance & de lascheté. Souuent aussi les coleres se trôpent sous ce pretexte de croire qu'ils sont zelez: tellement

que le vice se joint secrettement à la vertu des vns, & le vice des autres semble vne vertu que la ferueur accompagne.

On aduertira donc ceux-là d'eui-ter ce qui leur est proche; & ceux-cy de se garder de ce qui est en eux : Que ceux-là d'ontent ordre à ce qu'ils n'ont pas, & que ceux-cy recognoissent ce qu'ils ont. Que les debonnaires embrassent la sollicitude, & que les coleres condamnent la perturbation.

Semblablement les debonnaires auront aduis qu'ils s'esuertuent d'auoir l'emulation de la Iustice, & les coleres qu'à l'emulation qu'ils se persuadent auoir, ils joignent encor la douceur. Car c'est pour ce sujet que le saint Esprit s'est manifesté sous les formes de colombe, & de feu ; pource qu'il rend tous ceux qui en sont remplis, & debonnaires par la simplicité

DU DEVOIR DES PAST. 269
de la colombe, & brullans par le feu
du zele. Celuy-là donc n'est pas rem-
ply de l'Esprit de Dieu, qui dās la tran-
quilité debónaire quitte la ferueur du
zele; & qui dans l'ardeur de l'emula-
tion, laisse la debonnaireté. Nous
ferons mieux entendre cecy, produi-
sant l'habileté de saint Pol, qui à deux
disciples non differents de charité,
dōne toutesfois diuerses instructions
pour leur aider à prescher : Pource
qu'aduertissant Timothée, il luy dit,
Reprimandez, priez, exhortez avec
toute la patience & la science possi-
bles. Et voicy l'aduertissement qu'il
donnoit à Tite, C'est ce que vous an-
noncerez, & à quoy vous exhorterez,
& reprendrez avec tout commande-
ment. D'où vient qu'il depart sa do-
ctrine avec tant d'artifice, que pour la
publier, il propose à l'un le comman-
dement, & à l'autre la patience? Sinon

qu'il remarquoit que Tite estoit d'un esprit plus debonnaire, & que Timothée estoit plus bouillant. Il enflamme l'un par le moyen du zele, & modere l'autre par la douceur de la patience: à l'un il adjouste ce qui luy manquoit, & soustrait à l'autre ce qu'il auoit de surabondant. Il tasche de faire auancer l'un par l'aiguillon, & retient l'autre avec la bride. Car ce grand Laboureur du verger de l'Eglise qui luy auoit esté commise pour la cultiuer, arrose de jeunes plantes, afin de leur donner accroissement; & voyant d'autres qui pouissoient outre mesure, il en retranche le superflu, de peur, ou que les vnes pour ne croistre pas assez, ne peussent profiter, ou que les autres pour croistre trop, ne perdissent le fruit qu'elles produisoient.

Mais bien differente est la colere qui suruiuent sous pretexte de zele, &

l'autre qui renuerse le cœur esmeu de trouble, & sans aucune apparence de justice: Car celle-cy s'estend immoderément où elle doit; & celle-là s'enflamme de plus en plus où elle ne doit pas estre: Pour ce qu'il est necessaire de sçauoir que les impatiens differēt en cecy des coleres; que ceux-cy ne souffrent pas ce que ceux-là font, & ceux-là sont cause de choses que l'on souffre: attendu que les coleres poursuivant souuent ceux mesmes qui les fuyent, sont occasion de querelles, & se plaisent à la peine des débats; & cependant le meilleur moyen de les corriger est de les eüiter, en nous seruant à propos de l'esmotion qu'ils se donnent eux-mesmes: Dautant que troublez, comme ils sont, ils ne sçauent ce qu'ils oyent; mais reuenant en eux, ils reçoient d'autant plus librement les remonstrances qui leur sont faites, qu'ils

ont de honte que l'on ait paisiblement supporté d'eux: mais tant qu'un esprit est enyuré de fureur, il trouve mauvais tout ce que l'on luy dit.

Aussi Naabal étant yuré, Abigaïl luy teût sagement ce que sagement elle luy dit depuis, quand il fut desenyuré: Par ce moyen il eut cognoissance du mal qu'il auoit fait, pource qu'on ne luy en parla point pendant qu'il estoit plein de vin. Mais quand les coleres frappent les autres en sorte qu'on ne peut du tout éviter leurs attraits, alors on ne doit pas s'arrester à les tancer; mais en mettant le respect à part, il les faut frapper avec quelque espee de precaution. Nous verrons plus clairement cecy, sinon considerons le faict d'Abner: Doncques Abner parlant à Azaël, luy dit, Retirez-vous de moy, que ie ne sois contraint de vous attacher contre la terre. Il ne le voulut pas

pas croire, ny se destourner, Abner ren-
uerfant sa pique, le perce en l'ame, &
le tuë.

Que figure cét Azaël, sinon ceux
que la fureur possède & precipite au
malheur, lesquels on doit fuyr pendât
que l'impetuosité de cette furie dure,
avec autât plus de prudence que pour
estre insensé, ils ne sçauët pas ce qu'ils
font. C'est pour cette raison qu'Abner,
qui signifie en nostre langue, la lampe
du pere, s'enfuit. Pource que la lan-
gue des Pasteurs qui monstrent la su-
presme bonté de Dieu, voyant quel-
qu'un se porter à la fureur, & par
dissimulation ne donnant aucune
repartie à celuy qu'ils sçauent estre en
colere, fuit comme s'il ne vouloit pas
frapper l'homme qui le poursuit.
Mais quand les colerez ne se veulent
pas adoucir pour aucune considera-
tion qu'on leur presente, ne ces-

sant de continuer en leur folie, & de poursuiure comme Azaël : alors il est besoin que ceux qui taschent de reprimer les furieux, non qu'ils se mettent en fureur, mais qu'ils montrent tout ce qu'il y a de tranquillité d'esprit en eux, & que subtilement ils disent quelque chose qui touche obliquement celuy qui est en fureur.

Ce fut ainsi qu'Abner s'arresta contre Azaël, qui le poursuiuoit, & ne le frappa pas directement, mais du reuers de la lance. Car frapper de la pointe, c'est aller au deuant par l'impetuosité d'une manifeste reprimande; & donner de la lance renuersée contre le poursuiuant, c'est toucher en quelque façon le furieux sans s'esmouuoir, & le surmonter comme en luy pardonnant: Azaël aussi tost tombe à la renuers; pource que les esprits transportez de fureur, recognoissant quel'on leur par-

donne, & que l'on les touche neantmoins à l'interieur de ce qui leur est dit paisiblement, se desistent incontinent de l'audacieuse entreprise qu'ils auoient presumée: Ainsi quittant leur furieux dessein, ils demeurent tout court, comme si le fer les auoit terrassez.

ADVERTISSEMENT 18.

Pour les humbles, & pour les presumptueux.

LEs humbles seront aduertis d'une façon, & les presumptueux d'une autre: vous ferez entendre aux humbles la vraye excellence de ce qu'en esperant ils possèdent, & aux presumptueux vous donnerez à cognoistre combien est vaine la gloire

temporelle, qu'en embrassant ils ne peuuent posseder. Que les humbles sçachent la perpetuelle durée de ce qu'ils recherchent, & combien promptement s'euanoïit ce qu'ils mesprisent; & que les presomptueux cognoissent l'instabilité de ce qu'ils affectionnent, & l'eternité de ce qu'ils ne veulent pas acquerir.

Que les humbles escoutent le Maître de la Verité, disant, Tout homme qui s'humilie sera exalté: Que les presomptueux escoutent, tout homme qui s'exalte sera humilié. Que les humbles entendent, l'humilité deuance la gloire: & que les presomptueux escoutent, l'esprit s'exalte auant sa ruine. Que les humbles entendent, sur qui fera-ce que ie tourneray mes regards? sur celuy qui est humble & paisible, & qui reuerera ma parole. Que les presomptueux escoutét, de quoy t'en orgueil-

lis-tu terre & cendre? que les humbles entendent, Dieu regarde les choses humbles: & que les presomptueux escoutent; & void de loing les choses hautes que les humbles entendent, le Fils de l'homme n'est point venu pour estre seruy, mais pour seruir. que les presomptueux escoutent, que nostre Seigneur s'est humilié soy-mesme, & s'est fait obeïssant iusques à la mort.

Que les presomptueux entendent ce qui est escript de leur Chef, C'est celuy qui est le Roy de tous les enfans de la superbe. La superbe du Diable d'ocques a esté la cause de nostre ruine; & l'humilité de Dieu s'est trouuee auoir esté le sujet de nostre redemption: Car nôtre ennemi, qui auoit esté créé entre toutes les autres creatures, a voulu s'élever sur toutes les autres creatures. Et nostre Redempteur qui demeure grâd

au dessus de tout, a voulu se rendre petit au milieu de tout. Quel'on die aux hūbles, qu'en s'abaissant ils s'esleuēt à la ressemblance de Dieu; & que l'on aſſeure aux presomptueux, qu'en voulāt s'esleuer, ils tombent comme le mauuais Ange. Qu'y a-t'il de plus bas que la presumption, qui pour aspirer au dessus de ſoy, s'esloigne du ſommet de la parfaite grandeur? Qu'y a-t'il de plus haut que l'humilité, qui s'abaissant se joint à son Createur, qui demeure au dessus de ce qu'il y a de plus haut?

Il y a neantmoins encor autre chose à quoy l'on doit bien prédre garde: car il en est qui sous pretexte d'humilité, se trompent, & d'autres aussi qui s'abusent par leur ignorante presumption: d'autant que les vns pour deferrer aux hōmes vn certain respect qui ne leur appartient pas, se pensent estre humbles: & les autres ordinairement

ont la parole fort libre : de sorte que quand il est besoin de reprendre quelques vices, ceux-là se taisent de crainte, & se persuadent que ce silence est vn effet de l'humilité qu'ils ont : & ceux-cy parlant avec vne presomptueuse impatience, croyent cependant que c'est par vne liberté de Iustice.

Quand ceux-là donc ne reprérent pas le mal, c'est le vice de la crainte, qui sous pretexte d'humilité, les retient: Et quand ceux-cy reprérent ce qu'ils ne doiuent, ou plus qu'ils ne doiuent reprendre, c'est le défaut de circonspection & de respect qui les porte à cette licence.

A raison dequoy les presomptueux seront aduertis de n'estre pas plus libres que de raison ; & les humbles, de ne se soumettre point plus qu'il ne faut, de peur que les vns ne tournent la defense de la Iustice en exercice de

presomption; & que les autres pour s'abaisser plus qu'il n'est requis, ne soient aussi contrainsts de reuerer les imperfections de ceux auxquels ils se soumettent.

Or il est à remarquer que souuent nous corrigeons plus facilement les superbes, messant quelques adoucissements de loüanges aux reprimandes que nous auons à leur faire: Tellemēt qu'il leur faut mettre en auant, ou le bien qui vrayement est en leur personne, ou le bien qui pourroit y estre, s'il n'y est pas en effect: & finalement on retranchera le mal que nous repreneons en eux apres auoir rendu leur esprit attentif par la loüange de ce que nous y voyons de recommandable. C'est ce que nous faisons aux cheuaux indomptez, quand premieremēt nous les touchons doucement de la main en les flattant, afin de nous les soumet-

tre plus aisément par la verge. Et l'on adiouste aussi la douceur du miel aux medecines, de peur que cette fascheuse potion necessaire à la santé, ne dégousté le malade, & pendant que la douceur le trompe en la prenant, l'humour qui le rendoit indisposé, se trouue euacué par cette amertume.

Le commencement donc de la reprimande que l'on fait aux personnes hautaines, doit estre temperé de loüanges, afin qu'en receuant ces propos de faueur qui leur agréent, ils recoiuent aussi la correction qui leur déplaist. Dauantage, le plus facile moyen de persuader le bien aux arrogans, est de leur faire entendre que ce que nous leur disons pour leur profit, est plus pour nous, que pour eux: & que ce qui nous porte à le desirer, est plustost pour nostre propre consideration, que pour leur particulier

contentement. Car la presumption condescendra plus aysément au bien, croyant que cette condescendance doit estre profitable aux autres.

Ce fut pour ce sujet que Moÿse, qui sous la conduite, de Dieu, cheminoit par le desert, à la faueur d'une colonne de feu qui luy seruoit de guide, voulant tirer Obab, son parent, du milieu des Gentils, & le ranger au service du Seigneur Tout-puissant, luy dit, Nous allons au lieu que le Seigneur nous doit donner: venez avec nous, & nous vous ferons du bien, car le Seigneur a promis de grandes possessions au peuple d'Israël. Et sur ce que l'autre luy fit response, Je n'iray point avec vous, desirant retourner au pais de ma naissance; Aussi tost il adioust, Ne nous laissez point, vous sçavez les lieux du desert, ausquels il nous faudra camper, & vous serez no-

stre conducteur. Moyse n'estoit pas en peine de sçauoir les chemins, luy qui par le don de prophetie auoit cognoissance des choses diuines, qu'une colonne deuant soit exterieurement, & que la familiarité qu'il auoit avec Dieu continuellement, instruist assez à l'interieur de ce qu'il auoit à faire. Mais cet homme sage traitant avec un presomptueux, luy demandoit de l'ayde pour le chemin, afin de l'ayder luy-mesme à l'acheminer à la Vie. Il fit donc en sorte que cet arrogant acquiesça, d'autant plustost à la requeste, pour faire croire qu'il estoit necessaire; tellement que pour preceder celuy qui l'exhortoit, il condescendit à son exhortation.

ADVERTISSEMENT 19.

Pour les obstinez, & pour les inconstans.

D'Vne façon doiuët estre aduertis les obstinez, & d'une autre façon les inconstans: aux obstinez on dira qu'ils s'estiment plus qu'ils ne sont, & que pour ce sujet ils ne croient pas ce que les autres leur conseillent. Mais aux inconstans il leur faut représenter que se méprisant, ils se negligent, & que c'est ce qui fait que par une légèreté de pensées, à tous momens ils changent d'avis. A ces autres on doit dire, que s'ils ne s'estimoient pas meilleurs, ils ne feroient plus estat de leur propre conseil, que de celui des autres. Et à ceux-cy que s'ils considéroient bien ce qu'ils sont, ils ne se

laisseroient pas aller aux vents del'inconstance qui les fait surgir tant de fois aux riuages du changemēt. Sainct Pol dit à ceux là, Ne soyez pas sages en vous mesmes: & à ceux-cy ne vous laissez pas emporter aux vents diuers de toute sorte de doctrine.

Voicy comme Salomon parle des vns, Ils se gorgeront des fruiets de leur vigne, & seront saouls de leurs propres conseils: Et voicy ce qu'il escrit des autres, Le cœur des insensez est dissemblable à soy, pource que le cœur des sages est semblable à soy-mesme, à raison qu'en acquiesçant aux bons aduis, il se porte tousiours à bien faire. Mais le cœur des insensez ne se ressemble point. Car se rendant incessamment diuers & muable, il ne demeure iamais le mesme qu'il estoit. Et comme il y a certains vices, qui d'eux mesmes en produisent d'autres, aussi

sont ils produits par d'autres vices.

Or il faut sçauoir que pour les corriger, on les purgera mieux en desseichant la source mesme de cette amertume. L'obstination donc vient de l'orgueil, & l'inconstance procede de legereté. Pour ce sujet on aduertira les obstinez de recognoistre la presumption de leurs penſées, & qu'ils ayent à s'éuertuer de se vaincre eux-mesmes: de peur que ne voulant pas estre surmontez exterieurement par les bonnes persuasions des autres, la superbe ne triomphe d'eux en l'interieur. On les aduertira de prendre bien garde que le Fils de l'homme qui n'a tousiours eu qu'une volonté avec Dieu son Pere, pour nous donner exemple de rompre nostre volonté, dit; Je ne suis pas venu faire ma volonté, mais celle de mon Pere qui m'a enuoyé, luy qui pour rendre encor

plus recommandable la grace de cette vertu , assure qu'il observera cela mesme au dernier Iugement, disant, Ie ne puis rien faire de moy, mais ie iuge comme i'entends. De quelle conscience donc l'homme dédaignera-t'il, de suiure vn autre conseil que le sien, puis que le Fils de Dieu & de l'homme, en venant manifester la gloire de sa puissance, témoigne qu'il ne iuge pas de soy-mesme?

Les inconstans au contraire, seront aduertis de fortifier leur entêtement de grauité: Car ce sera lors qu'ils extermineront les rejettons d'instabilité, quand premierement ils retrancheront de leur cœur la racine de legereté: Tout ainsi que la structure d'vn bastiment que nous edifions sera ferme, & de longue duree, si nous donnons ordre d'en jetter le fondement dessus vne solide assiette. Si

donc l'on ne remedie à la legereté d'esprit, on ne pourra venir à bout des pensées inconstantes : Desquelles saint Polasseuroit estre exempt, disant, trouuez-vous que i'aye vsé de legereté? Les pensées que i'ay, sont elles selon la chair, pour dire vne chose, & me dédire? Comme si plus clairement il eust dit, Le vent de l'inconstance ne m'émeut point, pource que ie n'ay pas l'esprit leger.

ADVERTISSEMENT 20.

*Pour les gourmands , & pour
les abstinens.*

D'Vne façon doiuent estre aduertis les gourmands, & d'une autre les abstinens, pource que les discours superflus, les actions de legereté, la

té, la lubricité d'ordinaire accompaignent ceux-là: mais la superbe, & l'impatience font aussi compaignie souvent à ceux-cy. Car si les gourmands ne parloient excessiuelement: Ce riche que l'Euangile dit auoir fait tous les iours grand' chere, ne seroit pas tourmenté si fort en la langue, disant, Pere Abraham ayez pitié de moy, enuoyez le Lazare tremper le bout de son doigt en l'eau, pour rafraischir ma langue qui brusle dans ces flammes. Par lesquelles paroles, certes, il monstre qu'en ses festins continuels il auoit souuentefois peché de la langue, luy qui principalement desiroit que sa langue fust rafraischie.

De plus, l'Eseriture remoiigne que les actions legeres suivent de pres la gourmandise, quand elle dit, Le peuple s'est assis pour manger & boire, & puis il s'est leué pour iouer. Et d'ordi-

naire ceux qui s'adonnent aux excès de bouche, se portent à la lubricité, pource que la repletion estendant le ventre, excite au mesme temps les aiguillons de la luxure. Ce fut pour ce sujet que Dieu dit à l'ennemy rusé, qui sceut ouvrir le sentiment du premier homme, à la concupiscence d'un pommier, & qui l'estreignit du laz du peché; Tu ramperas de la poitrine & du ventre contre la terre; comme si plus clairement il luy eust dit, par la pensée & par la gourmandise tu donneras sur les cœurs des hommes. Que la lubricité suive les gourmands, le Prophete l'assure, qui par des choses evidentes, en declare d'autres secretes, alors qu'il dit, que le Prince des Cuisiniers destruisit les murs de Hierusalem; Dautant que le Prince des Cuisiniers n'est autre que

le ventre, à qui les Cuisiniers seruent avec beaucoup de soin pour le remplir de viandes delicieuses. Et les murs de Hierusalem sont les vertus de l'ame eleuee au desir de la paix des bienheureux. Le Prince des Cuisiniers donc renuerse les murs de Hierusalem, pource que le ventre s'estendant par la bonne chere, les vertus de l'ame souuent se destruisent par la lubricite.

D'autre costé, si l'impatience ne titoit les abstinents du port de la tranquillite: Sainct Pierre ne diroit pas, Administrez en la foy la vertu, en la vertu la science; en la science l'abstinence: puis il n'oublie pas d'ajouter aussi tost; Et en l'abstinence la patience. Car il recognoissoit bien que la patience manquoit aux abstinents, puis qu'il les aduertit del'auoir. De plus, si les pensees des abstinens n'estoient

aussi quelquesfois trauesces de la superbe. Sainct Pol n'auroit pas dit, que celuy qui ne mange point, ne iuge pas l'autre qui mange. Et derechef, parlant d'autres, & faisant mention des preceptes de ceux qui se glorifioient de la vertu d'abstinence, Lesquels, dit-il, ont bien quelque apparence de Sagesse en superstition & en humilité, en ce qu'ils n'espargnent le corps, & n'ont aucun égard au rassasiement de la chair: Ausquelles paroles on doit remarquer, que ce tres-sage Docteur ioint à la superstition l'apparence d'humilité: pource que la chair estant atteneue plus que de raison par l'abstinence, l'humilité paroist bien au dehors: mais l'abstinence en deuiant grandement superbe au dedans, par cette humilité mesme.

Et si l'esprit ne s'éleuoit ordinairement de presumption par cette vertu

d'abstinence, le Pharisien arrogant ne l'auroit pas contee avec tant de soin, au dénombrement de ses merites. On aduertira donc les gourmâds, de donner ordre, à ce que la pointe de la luxure ne les transperce par les delices du manger; qu'ils prennent garde à l'incontinence de la langue, & aux legeretez d'esprit, où l'intemperance de la bouche les porte, à ce que pour les plaisirs du ventre ils ne se rendent esclaves de tant de vices: Car on s'éloigne autant de fois du second Adam, Autheur de nostre redemption, qu'estendant la main à l'usage immodéré des viandes, on reitere l'offense du premier pere.

Les abstiniens d'ailleurs, seront aduertis d'auoir soin, qu'en fuyant le vice de la gourmandise, ils ne s'engagent en d'autres vices, d'autant plus aigres & plus poignants, qu'ils sont,

comme engendrez d'une vertu, & que pour macerer la chair, l'esprit n'esclatte en impatience: Car ce n'est plus une vertu que la chair soit domptée, quand la colere surmonte l'esprit.

Et quelquefois il arriue que l'ame abstinentte, se retirant au deçà de la colere, est infectée d'une certaine ioye estrangere, qui la priue du merite de son abstinence, en ce qu'elle ne se preserve pas des vices spirituels. Ce qui fait dire par le Prophete, Voila que vostre volonté se retrouve au iour de vostre ieusne. Et vn peu apres, Vous ieusnez pour les procez, & pour les querelles, & frappez avec impieté du poing: car la volonté regarde la ioye, & le poing appartient à la colere. En vain donc la chair est abbatuë par l'abstinence, quand au déreiglement des passions, l'esprit est rauagé par les vices.

Aussi les faut-il aduertir qu'ils retiennent leur abstinence, & tousiours sans aucun changement : & qu'ils ne croient iamais qu'elle soit de bien grande efficace deuant les yeux du secret Arbitre, de peur que s'ils se persuadent qu'elle aye beaucoup de merite, elle ne s'eleue à la presumption. A raison de cecy, Dieu disoit par le Prophete, Ay-je fait election d'un tel ieufne? mais romps ton pain à l'affamé; reçois en ta maison les vagabonds, & les necessiteux. En quoy l'on peut remarquer combien l'abstinence est de petite consideration, n'ayant aucune recommandation que par les autres vertus. Et Ioël dit, Sanctifiez le ieufne; car c'est sanctifier le ieufne, que de faire paroistre l'abstinence digne de Dieu, par l'adionction des autres bonnes œuvres.

On aduertira les abstinentes que

leur abstinence est agreable à Dieu, quand ils dōnent aux pauvres ce qu'ils retranchent de leurs aliments: Pource qu'il faut bien entendre la reprimande que Dieu faisoit par son Prophe-
te, quand vous jeusniez & ploriez au cinquiesme & au septiesme mois l'espace de septante années, auez-vous jeusné pour moy? Et quand vous beu-
uiez & mangiez, beuuez-vous pas & mangiez-vous pas pour vous? Dau-
rant que ce n'est pas pour Dieu, mais pour soy que ieusne toute personne qui ne donne point aux pauvres tout ce que pour vn temps il retranche de sa nourriture, ne faisant ce retranche-
ment que pour le bailler apres à son ventre. Doncques afin que la gour-
mandise ne fasse tresbucher les vns, & que l'affliction de la chair ne dōne de la presumption aux autres, qu'ils en-
tendēt ce que leur dit la bouche mes-

me de la Verité, Prenez garde à vous que vos cœurs ne soient chargez d'abondance de manger, & d'yurognerie, & des soucis de ce monde: Adjoustant à cecy l'vtile crainte, & que ce dernier iour ne vous surprenne; car il viendra comme vn filé dessus tous ceux qui se tiennent assis dessus la terre vniuerselle.

Que ceux-cy pareillement escoutent, Ce n'est pas ce qui entre par la bouche qui contamine l'homme, mais ce qui sort de la bouche est ce de quoy l'homme est contaminé. Que ces autres entendent la viande au ventre, & le ventre aux viandes, & Dieu détruira l'un & l'autre. Et en vn autre lieu, Ce n'est point aux festins, ny aux yurogneries, &c. Et ailleurs, La viande n'est pas ce qui nous rend recommandables à Dieu. Que ceux-cy sçachent que toutes choses sont pures aux purs;

mais qu'il n'y a rien de pur aux impurs
ny aux infideles. Que ces autres enten-
dent, qui n'ont point d'autre Dieu
que le ventre; & dont la gloire est en
leur propre confusion; qu'ils enten-
dent encor, Ils se departiront de la Foy
& de la verité: Et vn peu apres, qui de-
fendront de se marier, & commande-
ront de s'abstenir des viandes creées
de Dieu, pour estre prises avec action
de graces des Fideles, & de ceux qui
cognoissent la verité. Que ceux-là sca-
chent, qu'il est bon de ne boire de vin,
ny manger de viande, ny de ce pour-
quoy vostre frere est scandalizé. Que
ceux-cy semblablement escoutent,
Vsez d'un peu de vin pour vostre esto-
mach, & pour les foibleesses dont vous
estes souuent trauaillé. Cecy soit dit à
ce que les vns apprennent de ne desi-
rer pas desordonnément des viandes
de chair; & que les autres ne soient si

DV DEVOIR DES PAST. 299
hardis que de condamner la creature
de Dieu, dont ils n'vſent point.

ADVERTISSEMENT 21.

*Pour ceux qui donnent charitablement
de leurs biens: & pour ceux qui veulent
encor ravier le bien d'autrui.*

D'Vne façon doiuent eſtre ad-
uertis ceux qui donnent déjà
charitablement de leurs biens: &
d'une autre façon ceux qui s'efforcēt
de ravier encor celuy des autres. Ceux
qui charitablement diſtribuent de
leurs biens, on les aduertira qu'ils ne
s'eſleuent pas d'aucune penſee pre-
ſomptueuſe au deſſus de ceux auſ-
quels ils departent quelque bien de
la terre; & qu'ils ne ſe reputent eſtre
meilleurs, pour voir que les autres

sont entretenus par leur moyen. Car le Seigneur de ce terrestre domicile establiſſant les ordres & les offices de ſes domestiques, a disposé ceux-cy pour gouverner, & ceux-là pour estre gouvernez. Il veut que ceux-cy dónent aux autres ce qui leur est besoin, & que ceux-là reçoivent ce qui leur est baillé.

Souuent neantmoins ceux qui regissent encourent l'indignation, & ceux qui sont conduits se maintiennent en la grace du Pere de famille. Les dispensateurs acquierent la haine, & ceux qui ne subsistent que par la direction des autres, se conseruent en faueur. On aduertira donc ceux qui donnent en charité de ce qu'ils possèdent, de cognoistre qu'ils sont ordónez du supresme Seigneur, dispensateurs des subuentions temporelles; & que ce qu'ils distribuent

est semblablement aux autres aussi bien qu'à eux: Et considerant qu'ils sont establis administrateurs de ceux auxquels ils departent ce qu'ils ont receu, que la vanité pour ce sujet ne leur souleue pas l'esprit; mais que la crainte les humilie: Car pour cette raison ils doiuent soigneusement prendre garde de ne distribuer pas indiscrettement ce qui leur est confié, pour donner quelque chose à ceux auxquels il ne faut rien, & pour ne donner rien à ceux auxquels il faut quelque chose; qu'ils ne baillent beaucoup à ceux qui doiuent auoir peu, ny peu à ceux qui ont beaucoup de necessité. Que par incósideration precipitee, ils ne fassent inutilement ce qu'ils baillent; & que pour estre aussi trop lents, ils ne fassent de la peine à ceux qui demandent. Qu'il ne se glisse en eux aucune intention

d'en estre recogneus. Que le desir de quelque vaine loüange n'esteigne la lumiere de leur charité. Qu'un triste regret n'absorbe ce qu'ils donnent. Qu'en leur don offert comme il faut, l'esprit ne se monstre plus alaigre que de raison. Et quand ils se seront bien acquittez de leur deuoir, que pour s'attribuer aucune chose, ils ne perdent tout apres auoir acheué.

Car afin qu'ils ne s'imputent pas la vertu de leur charité, qu'ils escoutent ce que dit l'Escripture: Si quelqu'un administre, que ce soit comme de la vertu que Dieu donne. Et pour faire qu'ils ne se réjoüssent pas immoderément de leurs bien-faits, qu'ils entendent ce qui est escrit, Quand vous aurez fait tout ce qui vous est commandé, dites, nous sommes inutiles seruiteurs, nous auons fait de que nous deuions faire.

A ce que la tristesse ne corrompe pas leur liberalité, qu'ils escoutent le dire de l'Escripture, Dieu cherit le joyeux donneur. A ce qu'ils ne recherchent par le dó qu'ils font, vne loüange perissable, qu'ils escoutent ce qui est escrit, que vostre gauche ne sçache pas ce que fait vostre main droite. C'est à dire, que la gloire de ce monde ne se mesle aucunement en vos pieuses largesses; & que l'œuvre de Iustice ne cognoisse point le desir de la faueur. A ce qu'ils n'esperent aucune recognoissance du plaisir qu'ils font, qu'ils escoutent ce qui est escrit, quād vous donnerez vn disner, ou vn souper, n'invitez point vos amis, ny vos freres, ny vos cousins, ny vos riches voisins, de peur qu'ils ne vous inuitent à leur tour, & qu'ils ne vous tendent la pareille. Mais lors que vous ferez festin, invitez les pauures, les foibles,

les boiteux, les aveugles, & vous ferez bien-heureux, car ils n'ont point de quoy vous le rendre.

A ce qu'on ne soit tardif à donner ce qu'il faut donner, qu'ils escoutent ce qui est escrit, Ne dites point à vostre amy, reuenez demain, & ie vous donneray, quand vous pouuez donner au mesme temps. A cè que sous pretexte d'estre liberaux, ils ne dissipent inutilement le bien qu'ils ont, qu'ils escoutèt ce que dit l'Escripture, Que l'aumosne s'humecte en vostre main pendant que vous aduiserez à qui vous la deuez bailler. A ce qu'ils ne donnent pas peu quand il faut donner beaucoup, qu'ils escoutent ce que l'Escripture dit, Qui seme peu, recueillera peu. Qu'ils ne baillent pas beaucoup, quand il faut peu donner; & qu'en suite vne trop grande pauureté ne les porte à l'impatience, qu'ils escoutent l'Escripture, Non
afin

DV DEVOIR DES PAST. 305
afin que les autres soient à leur aise, &
que vous soyiez incômodez; mais que
par vne certaine égalité vostre abon-
dance supplée à leur indigence, & que
vostre indigence soit aidée de leur
abondance.

Car alors que l'esprit de celuy qui
donne en quantité, ne peut souffrir
l'indigence en se retranchât de beau-
coup de chose, il cherche occasion
d'impatience cōtre soy-mesme. Pour-
ce qu'il faut en premier lieu preparer
son esprit à la patience, & l'on pourra
alors ou beaucoup, ou tout donner;
de peur que la pauureté suruenant on
ne la puisse patiamment supporter; &
qui pis est, que le murmure en suite ne
soit la perte de l'ame. A ce qu'ils ne
donnent rien à ceux ausquels on doit
bailler quelque peu de chose, qu'ils
escoutent ce que dit l'Escripture, Don-
nez à quiconque vous demande. Et

à ce qu'ils ne donnent au moins quelque chose à ceux auxquels il ne faut rien donner, qu'ils escoutent l'Escripture, Donnez à l'homme de bien, & ne receuez point le pecheur en vos largesses; faites bien à l'humble, & ne donnez rien à l'impie. Et ailleurs, Mettez vostre pain & vostre vin sur la sepulture du Iuste, & n'en mangez ny beuvez avec les pecheurs. Car celuy-là donne son pain & son vin aux pecheurs, qui se rend secourable aux mechants, en consideration de leur mechanceté. D'où vient que certains riches de ce monde entretiennent des bouffons de leurs grandes liberalitez, pendant que les pauvres de Iesus-Christ meurent de faim. Quiconque neantmoins donne de son pain à vn pauvre, quoy que vicieux, non en consideration de son vice, mais pour le regard de l'humanité; celuy-là certes nourrit vn vray

pauvre, & non vn pecheur, pource qu'il ne regarde pas son offense, mais il aime en luy sa nature.

Aussi l'on aduertira ceux qui donnent charitablement de leurs biens, qu'ils prennent bien garde que pendant qu'ils rachètent par aumosnes les pechez qu'ils ont commis, de n'en commettre plus d'autres à racheter encor. A ce qu'ils ne pensent pas que la Iustice de Dieu soit venale, si baillât de l'argent pour leurs pechez, ils se persuadoient qu'ils peussent impunement offenser. Car l'ame vaut mieux que la viande, & le corps est plus que le vestement : pource que celuy qui donne ou des aliments, ou des vestemens aux pauvres, & neantmoins se contamine dans les iniquitez de l'ame ou du corps, il baille le moins à la Iustice, & confie au peché ce qui est le principal; il donne à Dieu ce qui est à

luy, mais il se donne foy - mesme au Diable.

Au contraire on doit aduertir ceux qui s'efforcét encor de raurir le bié des autres, qu'ils escoutét ceque dit nostre Seigneur venant en son iugement: l'ay eu faim, & vous ne m'avez point donné à manger: l'ay eu soif, & vous ne m'avez point donné à boire: l'ay esté estranger, & vous ne m'avez point recueilly: l'ay esté nud, & vous ne m'avez point reuestu: l'ay esté malade & prisonner, & vous ne m'avez point visité. Pour ce sujet voicy comme il les traite: Retirez-vous de moy, maudits, au feu d'enfer préparé pour le Diable, & pour ses Anges. On ne leur reproche pas qu'ils ayent desrobé, ny comis aucune violence, & toutesfois ils sont à iamais condamnez aux flâmes infernales.

Delà l'on peut inferer quelle dam-

nation meritent ceux qui rauissent le bien des autres, puis que ceux-là sont si rigoureusement punis pour auoir tant indiscrettement gardé leur bien. Qu'ils considerent à quelle peine les oblige ce qu'ils rauissent, veu que ces autres sont iugez si seuerement, pour n'auoir rien donné: qu'ils pensent qu'elle punition merite l'iniustice qu'ils commettent, si la misericorde non exercée les soumet à cette rigueur. Malheur à celuy qui multiplie ce qui ne luy appartient pas; lusques à quand amassera-t'il contre soy-mesme vne espaisse boüe? Car l'auarice amasse vne espaisse boüe contre soy-mesme, accumulant le gain terrestre avec la pesanteur du peché.

Quand ils veulent accroistre l'estendue de leur demeure, qu'ils escoutent ce que dit l'Escripture: Malheur à vous qui joignez maison à mai-

son: & adioustez, le champ au champ iusques à la borne du lieu. Demeurezvous seuls au milieu de la terre? Côme si elle disoit ouuertement, Iusques à quand vous estendrez-vous, qui ne voulez auoir rien à partager avec personne, vous auez beau presser ceux qui vous ioignent, vous trouuerez toujours dessus qui vous auancer. Quand ils sont desireux d'assembler de l'argent, qu'ils entendent ce qui est escrit, L'auare ne rassasiera point d'argent, & celuy qui se plaist d'entasser des richesses, n'en recueillira point le fruit: Car il en recueilliroit le fruit, si sans y mettre son affection, il les auoit voulu bien despendre. Mais celuy qui pour les aimer, les retient, les quittera finalement sans en auoir le fruit.

Quand ils brulent d'un desir insatiable d'auoir tout à souhait, qu'ils escoutent ce que dit l'Escripture: Celuy

qui se haste de s'enrichir, ne sera point innocent. Et quiconque veut accumuler des biens, ne se soucie pas d'euiter le peché: De sorte que demeurant pris comme l'oiseau pendant qu'il regarde auident l'appast, il ne void pas le laz qui l'estrange. Quand telles personnes recherchent quelque gain que ce soit des choses de la terre, & qu'ils n'aduient pas au dommage aduenir qui les attend; qu'ils escoutent ce que dit l'Escripture, L'heritage où l'on se haste de venir au commencement, n'aura point de benediction à la fin. Pource que ceux qui se hastent d'heriter, se retranchent finalement de la part de la benediction; d'autant que pour estre desireux de s'accroistre icy bas par vne malicieuse conuoitise, ils se priuent de la succession eternelle.

Quand ils briguent pour auoir tout,

non seulement ont quitté ce qu'ils auoient rauy, mais ont emporté au iugement avec eux, les causes de voleries. Qu'ils entendent donc les exemples de ceux là, lesquels sans doute, ils condamneront eux-mesmes, afin qu'apres les paroles, faisant reflection sur eux, ils ayent honte au moins d'imiter ceux qu'ils condamnent.

ADVERTISSEMENT 22.

Pour ceux qui ne desirent point le bien des autres, & ne donnent rien: & pour ceux qui donnent, & qui ne laissent point de rauir le bien d'autrui.

D'Vne façon pareillement doivent estre aduertis ceux qui ne desirent point le bien de personne, &

ne donnent rien ; & d'une autre façon , ceux qui donnent, & ne laissent de dérober. Ceux qui ne dérobent, & ne donnent rien , auront aduertissement de se souuenir que la terre, dont ils ont esté faits, est commune à tous les hommes, & que pour ce sujet elle produit des aliments à tous communément. En vain donc, se reputeront innocens ceux qui s'approprient en particulier, le bien que Dieu donne à tous en commun : qui ne baillent rien de ce qu'ils ont receu, s'éjouissant de la mort des autres : Car ils en font presque autant mourir chaque iour, qu'ils retiennent chez eux d'aliments de pauvres : Pource que baillant les necessitez aux souffreteux, ce n'est pas nostre bien que nous leur baillons; mais nous leur rendons ce qui leur appartient. Nous nous acquittons de ce que nous leur devons

DV DEVOIR DES PAST. 315
de iustice, plustost que d'accomplir
aucune œuvre de misericorde.

A raison dequoy, la verité parlant
d'accomplir la iustice, & d'aduiser à
faire misericorde, dit; Prenez garde
que vous ne fassiez vostre iustice de-
uant les hommes. A laquelle senten-
ce, le Psalmiste aussi s'accordant, dit,
Il a dispersé, il a donné aux pauvres; la
iustice demeure eternellement. Car
apres auoir parlé premierement de la
liberalité faite enuers les pauvres, il
n'a pas voulu l'appeller misericor-
de, mais plustost iustice; pource-
que la iustice veut que chacun vse
communément de ce qui est donné
du commun maistre. Et Salomon dit
aussi, Celuy qui est iuste, donne, & ne
cessera de donner.

Il les faut aduertir aussi, de remar-
quer que le seuer Laboureur se
plaint, que le figuier qui n'a point

bien d'autrui; mais qu'il ysoit du sien; sans faire bien à personne, & qu'après cette vie il fut damné: Non pour auoir commis aucun mal; mais pour auoir immoderément vſé des choses licites.

Les auares seront aduertis, qu'ils font à Dieu cette iniure, de n'offrir aucune hostie de miséricorde à celuy qui leur donne tout. C'est pourquoy le Prophete dit, parlant d'un auaricieux; Il ne donnera point à Dieu son sacrifice, ny le prix de la redemption de son ame. Car c'est donner le prix de son ame, que de rendre vne bonne œuvre à la grace qui nous preuient. Et de là saint Jacques s'écrit, la hache est déjà mise au pied de l'arbre: Tout arbre qui ne fait point de bon fruit sera couppé, & mis au feu. Que ceux donc qui s'estiment innocens, pource qu'ils ne dérobent rien, pren-

faut donc premierement donner aduis, qu'ils sçachent auant toutes choses, garder raisonnablement ce qui leur appartient, & finalement apres qu'ils ne recherchent point le bien des autres. Car si l'on n'arrache en eux la racine de prodigalité, iamaïs on n'exterminera les branches de l'auarice. On osterà donc l'occasion de dérober, ordonnant comme il faut, le droict de possession; & puis alors ils recevront les aduertissemens qu'on leur donnera: Pour donner charitablement ce qu'ils ont, quand ils auront appris à ne mêler point avec ce qui leur appartient, ce que malicieusement ils ratiïssent, pource qu'ils recherchent violamment ce qu'ils donnent pitoyablement.

Or c'est autre chose faire misericorde pour ses pechez; & autre chose est pecher, pour faire misericorde: ce

qui ne peut plus estre appellé misericorde : A raison que ce qui est infecté d'une pestilente amertume en la racine , ne peut estre doux en son fruit. C'est pourquoy le Seigneur, par son Prophete, reprouuoit les sacrifices, disant, Je suis le Seigneur, aymant iugement, qui hay le larcin en sacrifice. Et en vn autre lieu, Les sacrifices des méchants me sont en abomination, pource qu'ils sont offerts du proüenu de leurs crimes. Et qui souvent ostent aux pauvres ce qu'ils presentent à Dieu. Mais le Sage témoigne avec quelle indignation le Seigneur les reiette, disant, Quiconque immole vn sacrifice de la substance du pauvre, fait comme s'il égorgeoit le fils en la presence du pere. Est-il rien de plus insupportable au pere, que de faire mourir son fils deuant ses yeux ? Il apparoit donc avec quelle horreur

horreur il deteste vntel sacrifice, qu'il compare à la perte que fait vn pere de son enfant.

Il en est beaucoup cependant, qui regardent combien ils donnent, & n'ont point d'égard à ce qu'ils dérobent: Ils font comme s'ils contoient leurs récompenses, & ne veulent pas tenir conte de leurs offences. Qu'ils entendent donc ce que dit l'Escripture, Celuy qui assemble les recompenses, les met dans vn sac percé: pource que l'on void bien ce quel'on met dans vn sac perce; mais on ne void pas quand on le perd. Ceux donc qui regardent combien ils donnent, & ne considerent point combien ils dérobent, mettent leurs recompenses en vn sac percé: car ils les amassent, ayant égard à la confiance qu'ils ont de ce qu'ils en esperent; mais ils les perdent quand ils ne les voyent pas.

ADVERTISSEMENT 23.

Pour les querelleux, & pour les paisibles.

D'Yne façon doiuent estre aduertis les querelleux ; & d'vne autre façon les paisibles. Les querelleux auront aduertissement de tenir pour asseuré, que iamais ils ne deuiendront spirituels, s'ils negligent de s'vnir avec leurs prochains par la concorde : pour ce qu'il est escrit, Le fruit de l'Esprit est la charité, la ioye, & la paix. C'est pourquoy celuy qui ne se soucie point de la paix, renonce au fruit de la paix.

De là saint Pol disoit, Puis qu'il y a parmy vous de la ialousie & des debats, estes vous pas charnels. Et ailleurs il dit encor ; Suiuez la paix, re-

cherchez la paix avec tous, & la pureté, sans laquelle on ne peut voir Dieu. Dauantage il donne cet aduertissement, Soyez soucieux de garder l'vnité d'esprit, comme vous estes appelez en vne mesme esperance de vostre vocation. L'on ne pourra donc iamais attaindre à l'vnité de cette esperance de vocation, si l'on n'est vny de l'esprit avec le prochain. Mais souuent il s'en trouue qui plus ils ont receu de graces speciales, s'enorgueillent, & perdent le don de la concorde, qui est la plus grande grace. Comme pour exemple, si quelqu'un dauanture, par le retranchement de la bouche dompte sa chair, il mesprisera de s'accorder avec ceux qu'il surpasse en abstinence. Mais quiconque separe l'abstinence de la concorde, qu'il prenne garde à ce que dit le Psalmitte, Louez Dieu au son du tambour & de la musique.

Car au tambour il n'y a qu'une peau seiche qui resonance estant frappee: mais en la musique ce sont des voix assemblees en vn accord. Celuy donc qui s'afflige le corps, & quitte la concorde, loue Dieu; mais ce n'est qu'au son du tambour, & non de la musique.

Souuent aussi quelques vns pour estre plus sçauants, se diuisent d'avec les autres, & quasi plus ils pensent estre sages, & plus ils deuiennent insensés pour s'eloigner de la vertu de concorde. Que ceux là donc escoutent ce que la Verité mesme diloit, Ayez le sel en vous, & la paix entre vous: Car le sel sans la paix, n'est point vn don d'efficace, mais vn signe de reprobation: pource que plus vne personne a d'intelligence, & d'autant plus est elle pernicieuse quand elle se porte au mal: A raison dequoy doit el-

le estre moins excusée, & plus rigoureusement punie, attendu qu'elle pouvoit éuiter le peché, si elle eust voulu. Saint Jacques pour ce sujet dit de telles gens, Si vous auez le zele des ames en vous, & si parmy vous il y a des querelles, ne vous en glorifiez pas, & ne mentez point contre la verité: Cette Sagesse n'est pas d'enhaut, mais elle est terrestre, animale & diabolique. La Sagesse d'enhaut est premierement pudique, & puis pacifique. Pudique, d'autant qu'elle est attentive à toute chasteté: Pacifique, pource que par la superbe elle ne se tire point de la société de son prochain.

Il faut aduertir les querelleux, qu'autant de temps qu'ils sont en division avec leur prochain, ils n'offrent point le sacrifice d'aucune bonne œuvre à Dieu. Pource qu'il est écrit, Si tu fais ton offrande sur l'autel, & s'il te

souuient que ton frere a quelque chose à l'encontre de toy, laisse là ton offrande deuant l'autel, & va premiere-ment te reconcilier à ton frere, puis retournant tu presenteras ton offrande. Par ce commandement on peut remarquer combien est grande l'offence de ceux, dont l'offrande est reiettee. Car si tous les maux sont effacez par les biens que l'on fait apres, pensons de quelle enormité sont les pechez de dissention, qui ne peuuent estre suiuis d'aucun bien, si premiere-ment ils ne sont du tout exterminéz.

On aduertira les querelleux, que s'ils destournent leurs oreilles des commandemens celestes, ils tournent au moins les yeux de leur consideration dessus ce qui se void icy bas. Que tous les oyseaux d'un mesme genre volant de compagnie, ne s'abandon-

nent point, & que les bestes brutes
 paissent ensemble par troupeaux.
 Que si nous considerons ces animaux
 irraisonnables, viuant ainsi d'accord,
 nous recognoistrans quel peché com-
 mettent par la discorde les creatures
 irraisonnables ; voyant que ceux là
 perdent avec la poincte de la raison,
 ce que ceux-cy la conseruent avec le
 seul instinct de la nature.

Les paisibles, au contraire, seront
 aduertis, que pour aymer plus que de
 raison la paix dont ils iouïssent, ils ne
 laissent pas d'aspirer à la perpetuelle.
 Car ordinairement la tranquillité des
 choses du siecle tente les esprits des
 hommes en telle façon, que tant
 que ce qu'ils possèdent ne leur don-
 ne aucune fascherie, ils ne s'affe-
 ctionnent gueres à ce qu'ils n'ont
 point. Pendant que le present les
 contente, ils ne pensent point à l'Eter-

nité. C'est pour ce sujet que la Verité
mesme, distinguant la paix terrienne
de la supernelle, & prouoquant ses
Disciples de la presente, à celle qui est
à venir, leur disoit, Je vous laisse la
paix, ie vous donne ma paix, ie vous
laisse la perissable, & ie vous donne la
permanète. Que si le cœur s'attache à
celle qui est laissée, il n'arriuera iamais
à celle qui doit estre donnée. Il faut
dóc tenir la presète en telle sorte qu'elle
puisse estre, & chérie & méprisée,
de peur que pour la cherir immoderé-
ment l'esprit ne soit surpris du peché.
Pour cette raison donc, l'on doit ad-
uertir les paisibles, à ce que pour trop
desirer la paix humaine, ils ne desi-
stent de reprendre les vices des hom-
mes; Et que pour s'accorder avec les
peruers, ils ne se diuisent d'avec leur
Createur. Que pour craindre à l'exte-
rieur les diuisions humaines, ils ne

soient retrâchez de la paix interieure.

Qu'est-ce que la tranquillité passagere, sinon vne certaine trace de la paix eternelle? Et quelle plus grande folie que de chercher les traces marquees dessus le sable, & n'aimer point celuy mesme qui les forme par les empreintes de ses pas? C'est pourquoy Daud se restreignant entieremét aux conuenances de la paix interieure, proteste qu'il ne vouloit aucun accord avec les mechans, disant, N'auois-ie pas en haine, Seigneur, ceux qui vous haïssoient? le faisois mauuais visage à vos ennemis : le les haïssois irreconciliablement, & les tenois pour mes aduersaires. Car c'est haïr les ennemis de Dieu, que d'aimer ce qu'ils font en consideration de celuy qui les a faits, & les reprimander pour ce qu'ils font; d'estre contraire à leurs actions, & profitables à leur vice. Quand donc l'on

cesse de les reprendre, il faut bien ad-
uifer quelle offense on cōmet d'auoir
la paix avec les impies, puis qu'un grād
Prophete offre à Dieu comme un sa-
crifice d'auoir excité contre soy la hai-
ne des mechans.

C'est aussi pour cette raison que
la Tribu de Leuy, les armes au poing
ayant trauersé par le milieu du camp
sans pardonner aux pecheurs qu'ils
passerent au fil de l'espée, est dite auoir
consacré sa main au Seigneur. Et Phi-
nées mesprisant la faueur de ses con-
citoyens impies, qui se mesloient avec
les Madianites, ne les espargna pas, &
les transperçant pour s'irriter con-
tr'eux, il appaisa l'ire de Dieu. Dauan-
tage la Verité mesme disoit, Quoy
pensez-vous que ie sois venu mettre la
paix en terre? non mais le tranchant.
Car alors que par mesgarde nous auōs
amitié contractée avec les mechans,

nous nous engageons à leurs crimes.

A raison dequoy Iosaphat, qui pour auoir bien vescu toute sa vie, est exalté par tant de loüanges, se vid repris estant sur le poinct de sa perté, pour auoir fait amitié avec Achab. Le Seigneur luy disant par son Prophete, Tu prestes secours à vn impie, & tu te ioints d'amitié avec ceux qui ont le Seigneur en haine, Tu meritois que l'ire du Seigneur se deschargeast sur toy; mais les bonnes œuures ont esté recogneuës en ta personne, pource que tu as osté de la terre de Iuda les boccages d'Idolatrie. Dautant que nous sommes diuisez de celuy qui est souuerainemēt iuste au mesme temps qu'en nostre conuersation nous nous monstrons amis des peruers.

Les paisibles doiuent estre aduertis de n'apprehender point de perdre la paix temporelle pour la seuerité de

leurs reprimandes. Et semblablement on les aduertira de retenir interieurement par vne entière dilection la mesme paix, de laquelle en leurs inuectiues, ils se departent à l'exterieur. C'est ce que Dauid declare auoir prouidement obserué, disant, l'estois paisible à ceux qui auoient la paix en haine: Quand ie leur parlois, ils m'attaquoiēt sans sujet. On l'attaquoit quand il parloit, & neantmoins il estoit paisible alors qu'il estoit attaqué: pource qu'il ne laissoit de reprendre les insenséz; & les reprenant, il ne laissoit pas aussi de les aimer. Et saint Pol disoit, S'il se peut faire autant qu'il est en vous, ayez la paix avec tous les hommes. Pour exhorter ses disciples d'auoir la paix avec tout le monde: Il dit premierement, S'il se peut faire; & puis il adiouste, Autant qu'il est en vous: Pource qu'il leur estoit bien difficile de pou-

voir auoir la paix avec tout le monde, s'ils reprenoient les vices. Mais quand la paix temporelle est bannie du cœur des mechans pour les reprimandes que nous leur faisons, il est necessaire qu'elle demeure pourtant en nostre cœur. Pour ce sujet il dit tres-bien, *Au- tant qu'en vous est; Côme s'il disoit, Veu que la paix subsiste par le consentement des deux parties. Si ceux qu'on reprend la reiettent, qu'elle demeure neantmoins entiere en l'esprit de vous autres qui reprenez.*

Et le mesme en vn autre lieu donne cet aduis à ses disciples, *Si quelqu'un n'obeit pas à nostre ordonnance contenue en cette Epistre, notez-le, & ne vous meslez point avec luy, afin qu'il ait honte. Et aussi tost il adiouste, Et ne veillez le tenir pour ennemy, mais reprenez-le comme frere: Comme disant, Rompez avec luy la paix exte-*

rieure, mais conseruez en vos cœurs la paix interieure en son endroit, à ce que vostre discorde touche l'esprit du pecheur, en telle sorte que la paix, quoy que refusée de luy, ne s'esloigne pas de vos cœurs.

ADVERTISSEMENT 24.

Pour les semeurs de dissensions, & pour les pacifiques.

CEux qui sement les dissensions doiuent estre aduertis d'une façon, & les pacifiques d'une autre façon. Il faut aduertir ceux qui sement des dissensions, de recognoistre quel est celuy qu'ils ensuiuent : car il est escrit de l'Ange Apostat, quand la zizanie fut semée avec le bon grain, l'homme ennemy a fait cela. Et voicy com-

me Salomon parle d'un de ses sup-
posts, L'homme Apostat personne
inutile, tord sa mechante bouche, il
guigne des yeux, il frappe du pied, il
parle du doigt, il machine des trahisôs
en son cœur, & seme en tout temps
des discordes. Il a nommé premiere-
ment Apostat celuy qu'il vouloit dire
estre semeur de dissensions: car si com-
me l'Ange superbe ne tomboit en
premier lieu par l'auersion interieure
de son Createur, il ne semeroit iamais
exterieurement des diuisions. Il est
tres-bien descrit, guigner des yeux,
parler des doigts, frapper du pied,
pource que c'est la garde interieure
qui maintient exterieurement les
membres en bon ordre. Quiconque
donc s'est departy de la droite consti-
tution de son ame, se dissout en agita-
tions desordonnées, & monstre par
ses mouuemens exterieurs, qu'il ne

tient au dedans par aucune solide racine.

Que les semeurs de dissensions escoutent ce qui est escrit, Bien-heureux les pacifiques, pource qu'ils seront appelez enfans de Dieu; & qu'à l'opposite ils considerent que si ceux qui moyennent la paix, sont appelez enfans de Dieu, les autres qui la troublent sans doute sont enfans de Sathan. Or tous ceux qui par la discorde sont separez de la vigueur de dilection, deviennent secs. Et s'ils produisent en leurs actions quelques fruiets de bonne œuvre, ils sont de nulle consideration, pource qu'ils ne procedent point de l'union de charité.

Que les semeurs de diuisions pour ce sujet recognoissent cōbien grieve est l'offense de ceux qui pour commettre vne seule mechanceté, desracinent en vn coup toutes les vertus du cœur humain.

humain. En vne seule action ils commettent vne infinité de crimes, pource qu'en semant la discorde, ils exterminent la charité, qui est la mere de toutes les vertus: Et d'autant qu'il n'y a rien plus precieux deuant Dieu que la vertu de dilection, il n'y a rien aussi que le Diable aime tant que l'extinction de la charité. Quiconque donc en semant des diuisions oste l'amour du prochain, il rend vn familier seruice à l'ennemy de Dieu: Pource qu'au mesme temps qu'il soustrait la charité dont la perte a fait tomber l'vn, il retranche le chemin par où les autres pouuoient monter.

Les pacifiques au contraire seront aduertis de n'estimer pas vn petit manquement d'ignorer ceux avec lesquels ils doiuent fonder vne bonne paix. Car tout ainsi qu'il est grandement prejudiciable de ne vouloir

point d'vnion avec les bons; aussi est-il tres-pernecieux de l'auoir avec les mechans. Si donc la meehanceté des impies est vnue par la paix, sans doute leur force à mal-faire en est accreuë. D'autant que plus ils s'accordent en malice, & d'autant plus ont-ils de force pour affliger les gens de bien.

C'est ce que le bien-heureux Iob disoit en esprit Prophetique contre les ministres de cét homme de perdition, les Predicateurs de l'Ante-Christ, les membres de son corps s'entretiennent. Aussi est-il dit de ces Satellites mesmes, sous la figure des escailles, l'une est conjointe à l'autre, si bien que l'air n'y peut passer. Car ces sectateurs n'estant diuisez entr'eux par aucune discorde, se iettent en gros dessus les bons. Quiconque moyenne la paix entre les impies, il donne des forces à l'iniquité, pource qu'ils en acca-

blent plustost les iustes qu'ils persecutent vnanimement;

Ce fut pourquoy le Predicateur incomparable des Nations estant surpris en vne grande persecution de la part des Pharisiens & des Saducéens, tascha de les diuiser entr'eux, les voyât estroittement vnis contre luy, quand il s'escria disant, Mesfreres, ie suis Pharisien, fils de Pharisien; l'on me tire en Iugement, pource que ie tien l'esperance de la resurrection des morts. Et dautant que les Saducéens nioient l'esperance de la Resurrection des morts, laquelle les Pharisiens croyoient, conformément à l'Escripture sainte. Il se fit aussi tost vne dissention de cette vnion où ses persecuteurs estoient; & la tourbe s'estant diuisée, saint Pol, qu'elle accabloit rigoureusement, demeura sain & sauf.

On aduertira d'oc ceux qui travail-

lent à concilier la paix d'inspirer premierement au cœur des mechans l'amour de la paix interieure, afin qu'en suite la paix interieure leur puisse profiter; & à ce que leur esprit demeurant retenu pour cognoistre celle-là, ne se porte à la malice par la possession de celle-cy: Et que donnant ordre à l'acquisition de la Celeste, il ne tourne la terrestre à mauvais vsage. Or comme ainsi soit qu'il y a des peruers de telle condition, qu'ils ne sçauroient nuire aux gens de bien, encor qu'ils le voulussent, on doit mettre la paix terrestre entre ceux-cy, deuant mesme qu'ils puissent auoir cognoissance de la Celeste, afin que ces gens-là que la malice de leur impieté prouoque à se bander contre Dieu par l'amour du prochain, se rendent plus traittables, & passent comme d'un lieu voisin à vnemeilleure vie; & qu'apres la paix

des creatures, ils puissent monter à cette autre, qui est esloignée d'eux, la paix du Createur.

ADVERTISSEMENT 25.

Pour ceux qui n'entendent pas bien les paroles de la Loy diuine, & pour ceux qui l'entendent bien, mais ne parlent pas humblement.

D'Vne autre façon doiuent estre aduertis ceux qui n'entendent pas la Loy Diuine; & d'une autre façon ceux qui l'entendent bien, mais qui ne la proferent pas humblement. Ceux qui n'entendent pas la Loy de Dieu comme il faut, auront aduertissement de prendre garde qu'ils conuertissent en poison le vin tres-salutaire, & qu'ils s'enferrent d'une playe

mortelle avec vn fer de Chirurgien; dont au lieu de retrancher ce qu'ils ont de putride & de gangreneux, ils coupent ce qui est en eux de plus sain.

Qu'ils sçachent qu'en la nuit de cette vie presente, l'Escripture sainte nous est proposée comme vne lampe; & que ses propos n'estans pas entendus, obscurcissent au lieu d'illuminer. Que d'une peruerse intention ils n'arriueroyent à cette mauuaise intelligence, si premierement ils n'estoient enflés de presumption. Car pour se croire plus sages ils ne veulent pas suivre ce que les autres entendent mieux qu'eux: Et pour extorquer de l'ignorant vulgaire la reputation d'estre sçauans, ils font tout ce qu'ils peuuent pour renuerfer les plus saines explications des autres, & fortifier leurs mechantes opinions.

A raison dequoy le Prophete dit

tres-bien, Ils ont ouuert les femmes grosses de Galaad, pour estendre leur borne. Dautant que Galaad signifie le monceau du tesmoignage. Et pour ce que toute la Congregation de l'Eglise ensemble sert à tesmoigner la verité, l'Eglise n'est pas mal entendüe par Galaad, qui par la bouche de tous les fideles, rend tesmoignage des veritez qui sont en Dieu. Les femmes grosses de Galaad sont les ames qui de l'amour de Dieu conçoient l'intelligence de sa parole, & si elle vient à terme, elles produiront au iour cette intelligence conceüe par l'enfancement d'une bonne œuvre. Or estendre sa borne, c'est accroistre la reputation de son nom. Ils ont doncques ouuert les femmes grosses de Galaad pour estendre leur borne, dautant que les heretiques tuent par leur mauuaise doctrine l'ame des fideles qui

auoient déjà conceu quelque intelligence de la verité, pour estendre par ce moyen leur reputation : Car avec le glaive d'erreur ils ouurēt les cœurs des imbeciles gros de la parole qu'ils auoient conceüe, afin de s'acquérir le bruiet d'estre sçauans.

Quand donc nous auons à reprendre telles personnes, à ce qu'elles n'ayent point de mauuais sentimens; il les faut aduertir en premier lieu, de ne rechercher pas la vaine gloire. Car si vne fois la racine de presumption estoit retranchée, les branches des opinions erronnées aussi tost se desseicheroient. Il les faut aduertir aussi que pour engendrer des erreurs & des diuisions, la Loy de Dieu qui nous est donnée, pour empescher qu'on ne sacrifie à Sathan, ne soit par eux tournée en sacrifice mesme à Sathan. C'est de quoy Dieu se plaignoit autresfois par

DV DEVOIR DES PAST. 345
son Prophete, le leur ay donné du
froment, du vin, de l'huile, abondan-
ce d'or & d'argent qu'ils ont offert à
Baal. Car nous receuons du fro-
ment de nostre Seigneur, quand aux
allegations obscures, ostant l'escorce
de la lettre, par la mouëlle de l'esprit,
nous comprenons le sens interieur de
la Loy. Dieu nous donne son vin
quand il nous enyure de la predica-
tion sublime de son Escriture. Aussi
nous donne-t'il son huile, quand avec
ses commandemens plus euidens il
modere nostre vie par vne agreable
douceur. Il nous depart l'abondance
de son argent, quand nous enten-
dons sa parole remplie de la lumiere
de Verité. Nous sommes enrichis de
son or, alors que nostre cœur, par l'in-
telligence est illuminé des rayons de
sa diuine splendeur. Toutes lesquelles
choses les Heretiques offrent à Baal,

pource qu'ils peruertissent le tout au cœur de ceux qui les écoutent pour le mal-entendre. Ansi du froment de Dieu, du vin, de l'huile, de l'argent, & de l'or, ils immolent des sacrifices à Sathan; pource qu'ils destournent en erreur & en diuision, les paroles de paix.

Semblablement on les aduertira, que cependant que par vne mauuaise intelligence, des commandemens de paix, ils forment des discordes par vn iuste iugement de Dieu, ils se priuent eux-mesmes des paroles de Vie. Au contraire, il faut donner aduis à ceux qui entendent bien la Loy, mais n'en parlent pas humblement, qu'ils ayent à se rechercher eux-mesmes en ces diuins propos auant de les proferer: de peur que pour estre attentifs à ce que les autres font, ils ne s'abandonnent eux-mesmes: que sçachant tres-bien

les autres choses de la sainte Escriture, ils ne prennent pas garde à ce qu'elle dit contre les presomptueux. Le medecin est ignorant & mal habile, qui veut medeciner les autres, & ne cognoist pas son mal. Ceux donc qui ne proferent pas humblement la parole de Dieu, seront aduisez qu'en appliquant le remede aux malades, ils recognoissent premierement le peril de leur propres playes, de peur qu'en voulant guerir les autres, ils ne se laissent mourir eux-mesmes.

Car il les faut aduertir que la qualite de leur vie ne s'accorde pas mal avec leur bien-dire, qu'en preschant ils ne disent point vne chose, & en monstrent vne autre. Qu'ils ecoutent ce qui est écrit; Si quelqu'un parle, que ce soit comme proferant la parole de Dieu. S'ils n'ont pas d'eux-mesmes ce qu'ils disent, pourquoy

s'en presument-ils, comme s'ils parloient d'eux-mesmes. Qu'ils écoutent ce que dit l'Escripture, comme de la part de Dieu, nous parlons deuant Dieu en Iesus-Christ. Ceux-là parlent de la part de Dieu, deuant Dieu, qui entendent la parole de la predication qu'ils font, qui recognoissent l'auoir de Dieu, & qui par elle recherchent de plaire à Dieu, & non pas aux hommes.

Qu'ils écoutent derechef ce qui est écrit, Tout arrogant est abomination à Dieu: Car alors qu'il cherche en la parole de Dieu sa louange, & sa propre gloire, il vsurpe le droit du donateur, & ne craint pas de postposer à l'estime de soy-mesme celuy par lequel il est estimé. Qu'ils escoutent encor ce que dit Salomon du Predicateur, Boy l'eau de ta cisterné, & r'abreuue de la liqueur de ton pais: que

tes fontaines s'épandent dehors, & diuise les eauës par les ruës, ayes les seul, & que les estrangers n'en soient participans avec toy. Le Predicateur boit l'eau de sa cisterne, alors que se retournant en son cœur, il écoute premierement ce qu'il dit, il s'abreuue de la liqueur de son puits, s'il s'arrose luy-mesme de la parole qu'il profere.

Et apres il adioulte fort à propos, que les fontaines s'épandent dehors, & diuise les eauës par les ruës: Car il est raisonnable qu'il boiue le premier, & que preschant en suite il espanse la parole aux autres. Pource qu'es-pandre les fontaines dehors, c'est verser aux autres l'abondance de la Predication. Diuiser les eaux par les ruës, c'est distribuer en vn grand auditoire la parole de Dieu, selon la capacité d'vn chacun. Et pource que la vaine gloire se glisse ordinairement pen-

dant que prenant cours elle vient en la cognoissance de beaucoup de personnes , apres auoir dit , Diuise les cauës par les ruës, il adioustetres-bien, Ayes les seul , & que les estrangers n'en soient participans avec toy : Car il appelle estrangers les malins esprits, desquels le Prophete en la personne d'un homme tenté, parloit ainsi, Les estrangers se sont eleuez contre moy; & par leur force ils ont voulu s'emparer de mon ame. Il dit donc, Diuise les cauës par les ruës, & les ayes seul neantmoins; Comme si plus clairement il disoit, Si vous estes obligé de seruir exterieurement à la Predication, ne vous ioignez pas aux malins esprits, par la vaine gloire, & ne receuez en vostre compagnie pour estre participans avec vous au ministration de la parole de Dieu, vos ennemis; Nous diuisions donc les cauës par les ruës, & les

DV DEVOIR DES PAST.^r 351
possedons seuls; toutes fois alors qu'ex-
terieurement nous répandons au
long & au large la predication, & que
nous n'en recherchons aucune louan-
ge des hommes.

ADV ERTISSEMENT 25.

*Pour ceux qui pourroient bien prescher,
& qui n'oseroient, & pour ceux qui
ne peuuent, & ne craignent
pas de l'entreprendre.*

D'Vne façon aussi doiuent estre
aduertis ceux qui prescheroient
bien, mais par vne humilité trop gran-
de ils n'oseroient l'entreprendre : &
d'une autre façon, ceux à qui l'aage &
l'imperfection le defendent, & ne lais-
sent de s'y porter temerairement: Car
à ceux qui pourroient vtilement s'en

acquitter, & qui par trop d'humilité le refusent; il faut dire que par la consideration des choses moindres, ils peuvent recognoistre la faute qu'ils commettent en de plus grandes: car s'ils tenoient caché l'argent qu'ils ont, de peur d'en assister le prochain en son extreme necessité, sans doute ils feroient cause de sa misere. Qu'ils voyent donc à quelle offence ils s'obligent, eux qui pour soustraire la parole de la Predication à leurs freres prescheurs, cachent le remede de la vie à leur ame mourante. A raison de quoy vn Sage disoit tres-bien; La sagesse cachee, & le tresor qu'on ne void point, de quelle vtilité sont l'une & l'autre?

Si le peuple estoit pressé de famine, & s'ils tenoient du bled caché, certes ils feroient cause de sa mort. Qu'ils aduisent donc quelle peine meritent

ceux lesquels cependant que les ames meurent affamées de la parole de Dieu, ne veulent pas les assister du pain de la grace qui leur est donnée. C'est pourquoy Salomon disoit, *Quiconque retient le fourment cache le-
ra maudit des peuples* : Pource que c'est cacher le fourmêt, que de retenir la parole de Dieu sans la communiquer. Et celuy-là est maudit des peuples, d'autant que par la faute du silence seul, il est damné pour la peine de beaucoup d'autres qu'il pouvoit corriger.

Si les Medecins experts, en leur art, voyoiēt une playe où il falut faire incision, & ne vouloient pas neantmoins y appliquer le fer : certes, pour leur seule paresse ils seroient coupables de la mort de leur prochain : Par consequent, qu'ils remarquent quelle faute c'est à ceux qui cognoissent les

playes de l'ame, & ne veulent pasy appliquer, par leurs remonstrances, le remede de l'incision. A raison dequoy le Prophete disoit, Maudit est celuy qui retient son espee du sang: Car c'est retenir son espee du sang, que de n'employer pas le glaive de la parole à la defaite de la vie charnelle, pource que c'est le glaive dont il est dit, Mon glaive deuorera les chairs. Et quand ceux là cachent par deuers eux la parole de la predication, qu'ils écoutent les terribles menaces du iugement de Dieu, afin que cette crainte repousse de leur cœur vne autre crainte.

Qu'ils entendent que celuy qui ne voulut pas employer le talent qu'il auoit, outre sa condamnation en fut aussi priué. Qu'ils écoutent que Saint Pol se croyoit exempt du sang de ses proches, pource qu'il n'a point espar-

gné de reprimander leurs vices; disant ainsi, le proteste deuant vous auourd'huy, que ie suis pur du sang de tous vous autres; car ie n'ay point refuy de vous donner tout bon conseil de la part de Dieu. Qu'ils écoutent que saint Iean fut aduertý par la voix de l'Ange, disant, Que celuy qui entend, dise, venez. Que celuy auquel la voix interieure se fait entendre, attire en criant aussi les autres, là où il se sent luy-mesme attiré, de peur qu'estant appellé il ne trouue les portes fermées, si pour estre sans compagnie il s'approche, estant vuide de celuy qui l'appelle. Qu'ils écoutent qu'Isaye, pour auoir supprimé par le silence le deuoir de son ministere, diuinement illuminé, s'écrie d vne voix penitente en se corrigeant, Malheur à moy, pource que ie me suis teu.

Qu'ils écoutent que dans Salomon

la multiplication de science est promise à celuy qui n'a point esté paresseux de faire valoir ce qu'il en auoit desia : Car il dit, L'ame qui benit sera grasse; & quiconque enyure sera pareillement enyuré. Pource que celuy qui preschant, benit exterieurement, reçoit l'accroissement de la benediction interieure; & pour ne cesser point d'abreuuer l'ame des auditeurs du vin de la sainte parole, il est d'abondant abreuvé de l'augmentation de cette mesme grace. Qu'ils écoutent que David presente en offrande à Dieu, de n'auoir point caché le talent de la predication, disant, Voila que iamais ie ne retiendray mes levres; vous le sçauetz, Seigneur, ie n'ay point tenu vostre iustice en mon cœur, vostre verité a tousiours esté par moy declaree, & vostre salutaire manifesté.

Qu'ils écoutent ce que l'Espoux dit en

son Colloque à l'Espouse, Vous qui demeurez aux iardins, mes amis vous écoutent, faites que j'entende vostre voix. Car l'Eglise demeure aux iardins, qui conserue en verdure intérieure les parterres des vertus. Les amis qui l'écoutent sont les Eleuz, desireux d'entendre la parole de sa predication. L'Espoux souhaite d'entendre sa voix, pource que par les ames de ses Eleuz il aspire à ce qu'elle presche.

Qu'ils écoutent que Moÿse voyant que Dieu estoit irrité contre le peuple, & commandant de prendre en main les espees pour la vengeance, fit proclamer que promptement l'on eust à punir les coupables, disant, quiconque tient le party du Seigneur, qu'il me suiue, que l'on tienne son espee sur sa cuisse, allez, & retournez d'une porte à l'autre, & que chacun tuë son frere, son amy, son voisin :

Car c'est porter son espée sur sa cuisse, que de preferer le desir de la predication aux voluptez du corps, en sorte que quicóque veut parler en public, il faut qu'il dopte les suggestions illicites, Aller d'une porte à l'autre, c'est en ses reprimandes parcourir de vice en vice, par où la mort fait son entree aux ames. Passer par le milieu du camp, c'est viure en l'Eglise en telle égalité, qu'en reprimandant les pechez, on ne se destourne point pour fauoriser personne.

De plus, il adionste fort à propos, que l'on tuë son frere, son amy, son voisin; pource que celuy là tuë son frere, son amy, son voisin, qui trouuant à punir n'espargne le trenchant de la reprimande à ses plus chers parens. Si donc celuy est du party de Dieu, qui d'un zeile de Iustice est excité pour exterminer les vices; celuy là, certes,

monstre euidentement qu'il n'est pas de Dieu, qui refuse de reprimander les hommes charnels, entant qu'il en a la suffisance.

Au contraire, il faut aduertir ceux à qui l'aage, ou l'imperfection defendent de prescher, & qui toutesfois par la precipitation s'y portent, qu'en s'attribuant ainsi temerairement l'office de la predication, ils ne se retranchent la voye de s'en rendre plus capables à l'aduenir, qu'en vsurpant auant le temps vn office, dont ils ne peuuent, ils ne se priuent des moyens de s'en pouuoir acquitter en saison: Et que pour s'efforceer mal à propos de monstrier ce qu'ils sçauent, ils ne fassent cognoistre qu'ils ne sçauent rien du tout. On les doit aduertir, que si les petits des oyseaux se mettent en effet de voler, auant que leur ailles soient parfaites, au lieu de gagner le haut, ils

se precipitent en bas. Il leur faut donner aduis qu'aux structures nouvellement cimentees, & qui ne sont point encor rassises quand on se haste d'y mettre le comble, au lieu d'esleuer vn edifice, on bastit vne ruine. On les aduertira que si les femmes produisent le fruit qu'elles ont conceu deuant qu'il soit formé parfaitement, au lieu de peupler les maisons, elles remplissent les sepultures.

C'est pourquoy la Verité mesme qui pouuoit fortifier soudainement ceux qu'elle eust voulu, pour donner exemple à ses sauans, à ce que les imparfaits ne presumassent de prescher. Apres auoir instruit ses disciples des vertus de la predication, adiouste aussi tost, Vous demeurerez assis en la ville iusques à ce que vous ayez esté reuestus de la vertu d'en haut. Nous demeurons à recoy dās la ville, si nous

DU DEVOIR DES PAST. 361
nous reſſerrons dans la cloſture de
noſtre ame, pour ne diſagreer point à
parler au dehors, afin que quād nous
ſommes reueſtus parfaitement de la
vertu Diuine, alors comme ſi nous
ſortions de nous meſmes, nous inſtrui-
ſons les autres.

Pour ce ſuyet vn ſage dit très-bien,
Ieune homme parle à peine en ta pro-
pre cauſe. Et quand tu ſeras interro-
ge pour la deuxieſme fois, aye ta reſ-
ponſe en la teſte: Et noſtre Redem-
pteur eſtant Createur dans le Ciel, &
par la demonſtration de ſa puiffance
toujours docteur des Anges, ne vou-
lut pas neantmoins auant l'aage de
trente ans enſeigner les hommes en
terre. Afin de donner vne ſalutaire
crainte à ceux qui ſont trop haſtez,
attendu que luy meſme ne ſe mit pas
en effet de preſcher la grace d'vne par-
faite vie, qu'en vn aage parfait. Car à

appelée ieunesse, côme il est facile de le prouuer, en produisant ce texte de Salomon, qui dit, Esioy toy qui es jeune, en ton adolescence: Pource que s'il ne prenoit l'un & l'autre pour vne mesme chose, il n'appelleroit pas ieune celuy qu'il instruisoit en adolescence.

ADVERTISSEMENT 27.

Pour ceux qui prospèrent en ce que temporellement ils desirent: & pour ceux qui desirent les choses temporelles, mais les aduersitez les affligent.

ON doit aduertir d'une façon ceux qui prosperent selon leurs desirs, en ce qui est du monde: & d'une autre façon ceux qui desirent les biens du monde; mais ils sont trauer-

fir d'une meilleure vie, il conuertit les
 douceurs de cette vie passagere en oc-
 casions de mort & de damnation eter-
 nelle: C'est dequoy Dieu les reprend
 en l'Escripture sainte sous la figure des
 Iduméens qui s'estoit laissez vaincre à
 la prosperité, ne pensant qu'à se réjouir
 des heureux succez du monde, disant,
 Ils se sont donnez ma terre pour he-
 ritage avec la ioye de tout leur cœur,
 & de tout leur esprit: Ausquelles paro-
 les nous remarquerons qu'ils sont re-
 pris, non pour s'estre réjouis seulemēt,
 mais d'auoir employé tout leur cœur,
 & tout leur esprit en cette ioye. Et
 Salomon dit encor, L'auction des pe-
 tits les fera mourir, & la prosperité des
 insensés les perdra.

Sainct Pol aussi donnoit cēt aduer-
 tissement, que ceux qui achettent
 soient cōme s'ils ne possedoient rien,
 & ceux qui vsent de ce monde cōme

tude des iours est en sa droite, & la richesse & la gloire sont en sa gauche. Il monstre donc en quelle estime on doit tenir les richesses & la gloire, declarant qu'elles sont en la main gauche.

Dauantage le Psalmiste dit, Sauuez-moy par vostre dextre; car il ne dit pas, Par vostre main, mais, Par vostre dextre, afin que parlant de la dextre il monstrest que c'estoit le salut eternal qu'il desiroit. Et en vn autre lieu, Vostre main droite, Seigneur, a rompu vos ennemis. Pource qu'encor que les ennemis de Dieu prosperent en la gauche, ils sont rompus en la droite, d'autant que la pluspart sont esleuez en cette vie, mais ils sont condamnez en l'autre.

Il faut aduertir ceux à qui tout prospere en ce monde, qu'ils considerent que la prosperité d'icy bas est

DV DEVOIR DES PAST. 369
del'homme ne recognoist pas les bõ-
tez de Dieu, par de bonnes œuures, ce
quil luy estoit donné pour luy aider à
bien viure, ne sert qu'à le faire plus se-
uerement condamner : A raison de-
quoy le Psalmiste dit encor, Vous les
auez renuersez comme ils s'esleuoiet.
Pour ce que quand les mechans ne
rendent pas de bonnes actions pour
les biens qu'ils reçoient de Dieu, ce-
pendant qu'ils s'abandonnent & se
relaschent en l'affluence des prospe-
ritez, ils dechoient d'autant plus de
l'interieur, qu'exterieurement ils croyent
s'auancer.

Pour ce sujet il est dit au mauuais
Riche dans les enfers, Vous auez re-
teu des biens en vostre vie. Car ce me-
chant n'a receu du bien en cette vie
que pour receuoir plus de mal en
l'autre, ayant esté tel en ce monde, &
ne s'estant pas conuertý pour tous les

biens qui luy auoient esté concedes.

Mais au contraire il faut aduertir ceux qui ont le cœur aux choses du monde, & sont neantmoins trauaillez d'aduersité, qu'ils considerent attentiuement avec de quelle faueur le Createur & dispensateur de toutes choses veille pour leur conseruation de ne les abandonner pas à leurs desirs. Car le Medecin permet que l'on donne au malade hors d'esperance de guerison, tout ce qu'il demande; mais il defend beaucoup de choses à celuy qu'il s'attend de pouuoir remettre en santé. L'on oste l'argent aux enfans, ausquels cependant nous reseruons la succession de tout le patrimoine. Partant que ceux qui sont humiliez par les aduersitez temporelles se réjouissent en l'esperance de l'eternel heritage. Car si la Diuine bonté ne preuoyoit qu'ils sont pour estre sauuez,

elle ne les retiendrait pas en les instruisant par la correction de sa discipline.

C'est pourquoy l'on doit aduertir ceux qui sont trauersez d'affliction en leurs desirs temporels, qu'ils ayent à considerer que souvent les Iustes mesmes pour estre grands selon le mode demeurent surpris dans le peché comme dans vn piege. Car ainsi que nous auons dit en la premiere partie de ce Traicté, Daud aimé de Dieu, se comporta plus iustement estant en suietion, que quand il fut Roy. Car alors qu'il estoit subiet, pour l'affectiō qu'il auoit à la Iustice, il craignoit de frapper son ennemy, l'ayant en ses mains. Mais lors qu'il fut Roy, persuadé d'un impudique desir, il fit mourir vn tres-affectonné Soldat, & frauduleusement. Qui recherchera donc les richesses, qui la puissance, qui la gloire,

sans faire mal, si telles choses ont esté nuisibles à celuy qui ne les auoit point recherchées? Qui pourra sans grande peine se sauuer, si celuy-là n'a pas laissé d'estre surpris en l'offense, qui par l'élection que Dieu mesme auoit faite de sa personne, y auoit esté préparé? Derechef on les aduertira qu'ils considerent que Salomon, lequel l'Escripture rapporte nonobstât vne si grande sagesse, estre tombé dans l'Idolatrie, n'estoit auparauant tóbé iamais en aduersité: mais là sagesse qu'il auoit receuë s'esloigna de son cœur entierement pour n'auoir point esté retenu par la discipline d'aucune tribulation.

ADVERTISSEMENT 28.

*Pour les mariez, & pour ceux qui ne
le sont point.*

Autrement doiuent estre aduertis les mariez, & autrement ceux qui ne le sont point. Aux mariez il faut dire, que songeant aux mutuels deuoirs de l'un & de l'autre, chacun s'estudie tellement de plaire à la partie, que ce soit sans déplaire à son Createur. Qu'ils se comportent en telle sorte aux choses du monde, qu'ils ne laissent pas de desirer ce qui est de Dieu; qu'ils s'esioüissent des biens presens en telle façon, qu'ils apprehendent soigneusement, neantmoins, les maux eternels; & qu'aux aduersitez de la terre, ils s'affligent tellement, que ce

soit sans preiudice des consolations entieres que leur donnera l'esperance des celestes felicitez où ils attacheront leur desir. Que sçachant bien que tout ce qui leur aduiéticy bas n'est qu'en passant, ils recognoissent aussi ce qu'ils doiuent rechercher, est à perpetuité pour faire qu'ils n'ayent point le cœur abbatu des trauerses de ce monde, le fortifiant en l'attente des biens de l'Eternité, craignant pareillement les maux du iugement aduenir, à ce que les douceurs de cette vie presente ne les deçoie.

C'est pourquoy l'ame du Chrestien soumis au mariage, infirme, & fidele tout ensemble, qui ne peut entiere-ment mépriser, & quitter les biens du siecle, & qui peut bien toutesfois aspirer par le desir à la possession des biens eternels, quoy qu'elle soit abbatue par les plaisirs de la chair, se doit releuer

par le soust'en de l'esperance d'en-
 haut. Que si pour l'vsage du chemin
 de cette vie, il a ce qui est du monde, il
 luy conuient esperer ce qui est de
 Dieu, paruenant à sa fin: sans se don-
 ner du tout à ce qu'il fait, de peur d'e-
 stre priué du bien que vigoureusement
 il deuoit pretendre. C'est ce que saint
 Pol explique bien, & en peu de paro-
 le, disant, que ceux qui sont mariez
 soient comme s'ils ne l'estoient point:
 ceux qui plorent, comme s'ils ne plo-
 roient pas, & ceux qui se resioüysent
 comme s'ils ne se resioüyssoient
 point.

Car celuy là, certes, est marié com-
 me s'il ne l'estoit pas, qui vse de sa fem-
 me pour la consolation de son corps,
 en sorte que pour l'amour d'elle il ne
 se destourne point de ce qui est de iu-
 stice pour s'addonner au mal. Celuy
 de plus, est maire comme s'il ne l'e-

Itait point, qui voyant que toutes choses sont perissables, tollere par necessité le soin du corps, & porte son desir aux ioyes eternelles de l'esprit. C'est plorer comme si on ne plo-
roit pas, que de se plaindre en tel-
le façon des aduersitez exterieures
qu'on scait pourtant se consoler en
l'esperance de l'eternelle felicité.
C'est aussi se resioüyr comme ne se
resioüyssant pas, que d'éleuer telle-
ment son esprit pour les choses d'icy
bas, qu'on ne laisse de craindre les
iugemens d'enhaut.

Et ce grand Docteur & Predica-
teur des Nations adioust au mesme
lieu ces paroles ; car la figure de ce
monde passe: Comme s'il disoit clai-
rement, Ne vous arrestez pas à l'a-
mour du monde, attendu que le
monde que vous aimez n'a point
d'arrest. En vain fichez vous vostre

affection à demeurer au monde, puis que le monde que vous affectionnez est sans arrest. Les mariez seront aduertis de supporter les déplaisirs qu'ils auront quelquefois les vns des autres, & de s'entr'exhorter mutuellement pour se sauuer: Car il est écrit, Portez les charges les vns des autres, & vous accomplirez ainsi la Loy de Dieu: Car la Loy de Iesus Christ n'est que charité, pour ce qu'il nous a conseré liberalement ses biens, & a porté patiemment nos maux: Nous accomplissons donc la Loy de Dieu, & ses cōmandemens, lors qu'à son exemple nous donnons benignement de nos biens: & que nous supportons les imperfections des autres. Il faut aduertir aussi les mariez, qu'ils ne prennent pas tant garde à ce que l'un supporte de l'autre, comme à ce que l'on

supporte de soy-mesme; pource que s'il prenoit garde à ce que l'on souffre de luy, plus aisément il endure ce qu'il souffre d'un autre.

On aduertira semblablement les mariez, qu'ils se souviennent d'estre ensemble conioints pour auoir des enfans, & quand par vne approche immoderee ils transferent en vſage de volupté l'acte de generation, qu'ils ſçachent qu'encor qu'ils se contiennent dans les bornes, ils outrepassent neantmoins au mariage, les loix du mariage mesme, Parquoy ſouuent doiuent ils estre aduertis de plorer l'offence qu'ils commettent, ſouillant la beauté de cette excellente vnion par le meſlange des plaisirs. C'est pour ce ſujet que l'Apotre ſainct Pol, tres-expert en la medecine celeſte, n'inſtruiſoit pas tant les perſonnes ſaines, comme il

donnoit des remedes aux infirmes, disant, Quant à ce dont vous m'avez écrit, il est bon à l'homme de ne toucher point de femme, neantmoins de peur de fornication, que chacun aye sa femme, & chaque femme son mary : Car en parlant premierement de la peur de fornication, il montre que ce n'est pas vn commandement qu'il donne à ceux qui se peuuent contenir ; mais afin qu'ils ne tombent à terre, il leur montre vn liêt s'ils ont à tomber.

Aussi pour ceux qui sont infirmes il adioust, que l'homme rende le deuoir à la femme, & la femme semblablement à l'homme, leur concedant en ces propos, avec vne grande honnesteté du mariage, quelque chose de volupté ; De plus, il dit encore apres, le dy cecy par indulgence, & non par commandement. Or

en ce qu'il dit estre indulgent , il monstre qu'il y a de l'offence , laquelle toutesfois est d'autant plustost remise , qu'il ne s'y commet rien d'illicite ; mais en ce qui est licite , il n'y a pas assez de moderation.

Loth exprime cecy tres-bien en soy-mesme, quand il s'enfuit de Sodome embrasée: mais venant en Segor , il ne monte pas aussi tost en la montagne. Pource que s'enfuir de Sodome, c'est éviter les ardeurs impudiques de la chair : mais le haut des montagnes est la pudicité de ceux qui sçauent se contenir : Ou plustost ceux-là, certes, sont en la montagne qui sont bien conioints de corps ; mais qui ne s'emportent en aucune façon aux plaisirs charnels, outre la generation des enfans : Car qu'est-ce de se tenir en la monta-

gne, sinon de ne chercher pas en la chair, ce qui n'est que pour le bien de la propagation? Demeurer en la montagne, c'est ne s'attacher point charnellement à la chair. Et pource qu'il y en a beaucoup qui véritablement quittent bien les crimes charnels, & neantmoins ne gardent pas au mariage les loix, qui pour en bien vser y doiuent estre obseruees. Loth sortit en effet de Sodome, & toutes-fois il ne gagna pas le haut de la montagne: Dautant que ces personnes là s'estant mariees pour n'auoir peu se contenir, ont bien quitté l'estat de damnation; mais elles ne se contiennent pas comme il faudroit, au sommet de la continence coniugale.

Au milieu donc se trouue la Cité de Segor, où le fugitif infirme se sauue: Car alors que les mariez se

ioignent par incontinence, ils évitent bien le crime; mais pourtant ils ne sont sauvez que par la grace qui leur est faite, attendu qu'il rencontre vne petite ville, dans laquelle ils sont preseruez des feux. Dautant que cette sorte de vie coniugale n'est pas admirable en vertus, & toutesfois elle est à l'abry des supplices. A raison dequoy Loth dit à l'Ange, il y a vne ville icy proche, où nous pouuons nous retirer, elle est petite, & i'y seray en seureté; toute petite qu'elle est, ne pourray-ie pas m'y sauuer? Segor donc est proche, & neantmoins elle est asseuree, pour ce que la vie coniugale n'est pas beaucoup éloignée du monde, ny priuee neantmoins de la ioye du salut. Et en cette action les mariez, comme en vne petite Cité, conseruent leur vie, quand ils font à Dieu

pour eux-mesmes des prieres continuelles. Aussi l'Ange dit au mesme Loth, Voilà qu'en cecy mesme i'ay receu tes prieres, pour ne renuerfer point la cité pour laquelle tu as prié, pource qu'en priant Dieu, cette vie du mariage n'est point condamnée. Et c'est de cette priere donc, que saint Pol donne aduertissement, disant, Ne vous fraudez pas l'un l'autre, si ce n'est d'un mutuel consentement pour vn temps, afin de vacquer à l'oraison.

Ceux au contraire, qui ne sont point engagez au mariage, seront aduertis qu'ils ayent à s'acquitter des celestes commandemens, avec autant plus de iustice, que pour n'estre point soumis au ioug du mariage; ils ont moins d'occasion de se distraire aux soins du monde. Qu'en'estant pas chargez du licite fardeau

du mariage, ils ne soient pas accablés du poids illicite des terrestres sollicitudes: Mais que le iour du iugement final les trouue d'autant plus prests, qu'ils sont plus libres: à ce qu'ayant la commodité de vacquer aux meilleures actions, ils ne soient plus rigoureusement punis de ne s'y estre pas adonnez

Qu'ils écoutent que l'Apostre instruisant quelques vns à la grace du Celibat, n'a pas condamné le mariage, mais il a repoussé les soucis du monde qui naissent du mariage, quand il disoit, C'est pour vostre bien que ie dy cecy, non pour vous rendre vn piege, mais pour vous inciter à ce qui est honnesté, & que vous ayez moyen de seruir à nostre Seigneur sans empeschement: Car les soucis de la terre procedent du mariage; & pour ce sujet le grand
maistre

Maistre des peuples persuadoit à ses auditeurs ce qui estoit de meilleur, à ce qu'ils ne fussent point obligez aux soins de la terre. Celuy donc qui n'est pas marié, s'embarassant dans les soucis du siecle, encor qu'il ne soit point soumis au mariage, il n'a pas éuité les charges du mariage. Il faut donc aduertir ceux qui ne sont pas mariez, que nul d'eux ne s' imagine de se pouuoir mesler avec les femmes libres sans se damner.

Car l'Apostre saint Pol ayant mis la fornication au rang de tant de crimes execrables, monstre quelle offence c'est, disant, Ny les fornicateurs, ny les adulteres, ny les mols, ny ceux qui preposterement abusent du sexe, ny les larrons, ny les auarres, ny les yurongnes, ny les médisans, ne possederont point le Royaume de Dieu. Et ailleurs, Dieu

iugera les fornicateurs & les adultères. On les aduertira donc, que s'ils trauaillent avec peril de leur salut, à supporter l'orage des tentations, qu'ils se retirent au port du mariage : Car il est écrit, il vaut mieux se marier, que brusler ; pouuant sans peché se marier, s'ils n'ont pas fait vœu d'une meilleure vie ; Pource que quiconque s'est obligé de suivre vn plus grand bien, se rend le moindre illicite, qui luy estoit licite auparauant : Selon ce que dit l'Escripture ; Aucun mettant la main à la charuë, & regardant derriere soy, n'est propre au Royaume des Cieux. Celuy donc qui s'estoit proposé de s'auancer en la plus parfaite voye, est conuaincu de regarder derriere luy, si quittant les plus grands biens, il se destourne aux moindres.

ADVERTISSEMENT 29

*Pour ceux qui ont experimenté les pechez
de la chair : & pour ceux qui n'en
ont point d'experience.*

D'Vne façon doiuent estre ad-
uertis ceux qui ont esprouué
les pechez de la chair, & d'une au-
tre façon ceux qui n'en ont aucune
cognoissance : On aduertira ceux
qui les ont experimentez , qu'au
moins ils craignent la mer apres y
auoir fait naufrage ; & qu'ils ayent
le peril en horreur l'ayant reco-
gneu. De peur que ceux qui pieu-
sement s'estoient preseruez , apres
auoir commis quelque forfait , ne
se perdent malheureusement, pour
estre retournez.

Pour ce sujet il est dit d'une ame qui ne desiste jamais de son peché, Tu t'es fait vn front de paillard, tu n'as pas voulu rougir. Q'on les aduertisse que s'ils n'ont pas conserué les graces naturelles en leur entier, qu'ils ne laissent pas neantmoins d'en reparer le debris. Aussi est il necessaire à telles personnes de considerer, combien entre vn si grand nombre de Fideles, il y en a qui vivent sans se contaminer, & qui retirent encor les autres du mal. Que diront ceux là, si ceux cy demeurent en leur integrité de vie, & que eux ne deuiennent pas plus sages, nonobstant leurs desordres precedents? Que diront ils, si beaucoup en menent avec eux d'autres au Royaume celeste; Et quoy que le Seigneur les attende, ils ne se reduisent pas eux mesmes: Il les faut ad-

uertir de prendre garde aux malheurs passez , & d'euitier ceux qui sont à venir.

A raison dequoy le Seigneur par son Prophete remettoit en memoire aux esprits corrompus du monde, sous la figure des femmes de Iudee, les pechez autrefois commis, à ce qu'ils eussent honte de se contaminer derechef , disant en leur adolescence , Elles ont paillardé dans l'Égypte. Leurs mammelles ont esté la pressées , & le sein de leur premiere ieunesse y a esté deshonoré. Car les mammelles sont pressées en Egypte , quand la volonté de l'esprit humain se soumet aux sales desirs de ce monde , & le sein de la premiere ieunesse est deshonoré, quand les sens naturels encor entiers, se contaminent aux corruptions de l'impudicité.

L'on aduertira ceux qui ont esprouué les pechez de la chair, cobien Dieu nous depart de graces, quand apres l'auoir offencé, nous retournons à luy. Dautant qu'il dit par son Prophete, Si le mary quitte sa femme, & qu'elle se retire en espousant vn autre, si elle reuiét au premier, cette femme là ne sera t'elle pas pollüe & cõtaminee? Maistoy qui as esté corrópuë de beaucoup d'amoureux, ne laisses pas de retourner à moy, dit le Seigneur. Voicy qu'il nous propose vn argument de iustice, en vne femme paillardes & abandonnee, & toutesfois si nous retournons au lieu de la Iustice, il nous presente la debonnaireté, pour inferer delà que l'ayant si griefuement offencé, puis qu'il nous traicte avec tant de douceur, combien nous sommes meschans quand nous ne retournons pas à luy. de continuer en nos pe-

chez: Pardonnnera t'il aux Impies, luy qui ne cesse de les r'appellera-pres tant d'offences?

Or cette misericorde dont il r'appelle à soy les pecheurs, nous est tres bien exprimee par le Prophete, disant à l'homme desuoyé: Tes yeux alors verront ton Precepteur, & tes oreilles entendront la voix de celuy qui t'aduertit par derriere. Car le Seigneur aduertit l'homme en face, alors qu'estant créé dans le Paradis, & mis en l'estat de son franc arbitre, il luy signifia ce qu'il deuoit & ce qu'il ne deuoit pas faire. Mais l'homme tourna le dos à la face de son Dieu, quand la presumption luy fit mespriser son commandemét. Dieu neantmoins ne l'abandonna pas en cet orgueil, donnant sa loy pour r'appeller l'homme à soy: il enuoya ses Anges pour l'exhorter, & luy mesme pour ce sujet a voulu paroi-

stre en nostre chair mortelle. Il nous a donc aduertis estant derriere nous, luy qui nonobstant son mespris daigne nous appeller pour la reception de sa grace. Car ce qui se peut dire de tous en general se doit necessairement entendre de chacun en particulier.

C'est donc comme si chacun de nous estant deuant Dieu receuoit les paroles de son aduertissement, quand auant de pecher nous auons cognoissance des commandemens qu'il nous a faits: & c'est se tenir deuant sa face alors que nous ne le mesprisons pas encor pour l'offenser. Mais aussi tost que delaisant le bien de l'innocence volontairement on choisit l'iniquité, c'est alors que l'homme tourne le derriere à la face de son Createur. Et voila neantmoins que Dieu le suiuant derriere,

ne laisse pas de l'admonester, luy persuadant de se convertir apres auoir offensé. Il appelle à soy le pecheur destourné, quād il n'a point d'esgard à la faute commise, mais que pour le receuoir en grace, il luy estend le sein de sa bonté. Nous entendons sa voix qui nous aduertit par derriere, si nous retournons au Seigneur apres nostre offense. Nous deuons donc rougir de honte pour la debónaireté de celuy qui nous appelle, si nous ne voulons craindre sa iustice. Pource que c'est à nousyne aussi grande mechanceté de le dedaigner, quand il nous appelle, que c'est vne grande misericorde à luy de nous appeller quand nous le dedaignons.

Au contraire il faut aduertir ceux qui n'ont aucune cognoissance des pechez de la chair, qu'ils craignent de tomber dautant plus bas qu'ils

sont haut esleuez. Qu'ils sçachent qu'estant en lieu plus eminent, l'ennemy les attaquera plus souuent de ses traits. Luy que plus vigoureusement on le repousse, & plus ardemment s'anime, & s'irrite avec autant plus de depit, qu'il se void attaqué dans son propre camp, qui est l'infirmité de la chair. Qu'ils se representent incessamment la récompense qui dans le Ciel leur est preparée, & sans doute ils ne feront plus estat des difficultez des tentations qu'ils mettront deffous le pied. Car toute la peine qu'on endure en passant semblera douce, pour arriuer à la felicité permanente, & non pour vn passage seulement.

Qu'ils escoutent ce que le Seigneur par le Prophete dit aux Eunuques: Ceux qui garderont mes Sabbats, qui porteront leur eslection à ce que ie

desire, & qui tiendront mon alliance, ie leur donneray place en ma maison & dans mes paruis, avec vne qualité preferable à celle des fils & des filles. Pource que les Eunuques sont ceux qui mortifiant les sentimens de la chair, retranchent d'eux toute mauuaise action. Or ces paroles monstrēt en quelle qualité le pere les tiendra, puis qu'en sa maison qui n'est autre que l'eternelle demeure, ils precederont les enfans. Qu'ils escoutent ce qui est dit en saint Iean: Ce sont ceux-là qui n'ont point esté souillez avec les femmes: car ils sont vierges, & suiuent l'Agneau par tout où il va. Et qu'ils chantent vn Cantique, lequel aucun autre ne peut entonner que ces cent quarante-quatre mille. Car chanter singulierement le Cantique de l'Agneau, c'est s'ëjoüir avec luy pour iamais par dessus tous les Fideles, pour la

chasteté du corps. Et ce Cantique peut bien estre entendu des autres, mais ils ne le peuuent dire; car ils s'é-iouissent par la charité semblablement en leur gloire; mais ils ne sont pas éle-uez si haut que ceux-là.

Que les personnes qui n'ont point esprooué les pechez de la chair escou- tent ce que la Verité mesme dit de cette integrité, que tous ne peuuent pas entendre ce propos. En quoy certes il donne à cognoistre que ce qui n'est pas pour tous, est excellent. Et quant à ce qu'il dit, que difficilement il est entendu, c'est autant comme s'il signifioit à ceux qui l'entendēt, combien soigneusement ils le doiuent re- tenir. On aduertira pour ce sujet ceux qui ne cognoissent point les pechez charnels, qu'ils sçachent que la virgi- nité precede le mariage, & neâtmoins qu'ils ne s'exaltent point au dessus des

mariages; qu'ils preferent bien la virginité, mais qu'ils se postposent eux-mesmes. Qu'ils ne delaissent pas ce qu'ils croiront estre le meilleur, & qu'ils se contiennent cependant, & ne se presument pas vainement.

Il les faut aduertir que bien souuēt la vie des continents est confonduë par les mœurs des seculiers, quand les autres, outre l'habit embrassent les œuures, & quand ceux-cy ne s'éuertuent outre ce qui est de leur ordre. A raison dequoy le Prophete disoit tres-bien, Ayes honte, ô Sidon, dit la mer. Car la mer fait honte à Sidon quand en comparaison de la vie des hommes du monde, & de ceux qui flottent encor au milieu des ondes du siecle, la vie de ceux qui semblent estre fermes & remparez, est reprouuée. Pource que souuentefois plusieurs apres les pechez de la chair se conuer-

tissant à Dieu, s'adónent avec autant plus d'ardeur à bien faire, qu'ils se reputent auoir merit   d'estre damnez pour leurs pechez. Et souuent quelques-vns persistant en l'integrit   du corps, pour auoir moins cognoissance de ce qu'ils doiuent deplorer en eux, s'estim  t auoir vne probit   suffisante, & ne s'excitent    la ferueur spirituelle par aucun traict de deuotion.

Loint qu'ordinairement vne vie ardente d'amour apres l'offense est plus agreable    Dieu qu'une innocen-
ce languissante par trop de seurete  .
Pour ce sujet cette voix du souuerain Iuge fut entendue de la pecheresse penitente, beaucoup de pechez luy sont remis, pource qu'elle a beaucoup aim  . Dauantage il y aura ioye au Ciel pour vn pecheur qui fera penitence plus que pour quatre-vingts dix-neuf Iustes qui n'auront pas besoin de pe-

nitence. Et cecy se peut encor remarquer en l'usage des choses du mode, si nous les repassons en nostre esprit: Car nous faisons plus estat de la terre, laquelle apres des haliers ayât esté defrichée, est plus fertile que celle qui n'ayant point eu d'espines, estant labouree est de maigre rapport.

On aduertira ceux qui ne cognoissent point les pechez de la chair, qu'ils ne se preferent en dignité par dessus les autres. Pource qu'ils ne cognoissent pas les biens que peuuent faire ceux qui sont au dessous d'eux. Car en l'examen du suprefme Iuge, la qualité des actions change le merite des ordres. Et qui est celuy qui ne sçait pas qu'entre les pierreries vn escarboucle est plus qu'un hyacinthe, & neantmoins la couleur azurée de l'hyacinthe est preferee à celle del'escarboucle palissant: pource que la belle appa-

rence de l'un, le récompense de ce dont la Nature le priue, & la qualité de la couleur diminuë d'excellence de la nature de l'autre. Il en est de mesme au genre des hommes. Aux ordres plus parfaits il y en a de pires, & aux ordres de moindre perfection, il s'en trouue de meilleurs; d'autant que ceux-cy viuant bien, feront plus que leur habit ne tesmoigne; & les autres deshonnorent l'excellence de leur ordre par leurs mauuais deportemens.

ADVER.

ADVERTISSEMENT 301

*Pour les uns qui deplorent les pechez de
l'action: & pour ceux qui sousspirent
ceux de la pensée.*

Autrement doiuent estre aduer-
tis ceux qui deplorent les pe-
chez de l'action, & autrement ceux
qui sousspirent pour les pechez de la
pensée. Car il faut dire à ceux qui de-
plorent les pechez de l'action, que
par vne lamentation parfaite ils effa-
cent les maux commis en effect, à ce
que demeurant plus redeuables à la
Iustice Diuine, pour les iniquitez effe-
ctuées, les pleurs de leur satisfactiō ne
soient moindres que l'obligation.
Pource qu'il est escrit, Il nous a donné
des larmes à boire, & en mesure; afin

que l'esprit de chacun d'eux s'abreuue autant des larmes de componction par sa penitence, qu'il se cognoist par son offense auoir esté desseché.

Pour ce sujet on les aduertira qu'ils se representent incessamment deuant les yeux leurs fautes passees, & les reuoyant, qu'ils fassent en sorte par leur bonne vie, que le seuerer iuge ne les voye plus. A raison dequoy David faisant à Dieu cette priere, Destournez vos yeux de mes pechez, vn peu deuant auoit dit, Mon delict est toujours deuant moy. Comme s'il disoit, Je vous requiers que vous ne regardiez plus mon peché: car ie ne cesse de le regarder moy-mesme. Et Dieu par son Prophete donne au pecheur cet aduertissement: Je ne me souuiendray iamais de tes pechez; mais toy mesme ayes-en, souuenance.

On les aduertira donc de confide-

rer l'un apres l'autre toutes les fautes qu'ils ont commises, & que les plorât chacune separemēt, ils les effacent ensemble, & s'en purgent entierement à force de les plorer.

C'est pourquoy Ieremie sur la consideration de tous les pechez de la Iudée, disoit tres-bien, Mes yeux ont diuisé des fontaines de larmes. Car nous diuison de nos yeux des fontaines de pleurs, quand nous en repandons distinctement pour chaque peché: d'autant que l'ame ne se peut pas également affliger de tous en vn seul & mesme temps; mais quand elle est touchée du poignant souuenir, tantost d'une offense, & tantost d'une autre, alors esmeuë de toutes, elle se purge de chacune d'elles. Il les faut aduertir cependant, de se confier en la misericorde qu'ils recherchent, à ce que la tristesse immodérée ne les ren-

uerse au desespoir. Attendu que nostre Seigneur ne proposeroit les iniquitez aux yeux des pecheurs pour les plorer, s'il les vouloit punir en la rigueur de sa Iustice. Mais il est facile à cognoistre, qu'il veut exempter de son iugemēt ceux que sa Misericorde preuient, les establisant eux-mesmes Iuges en leur propre cause. Aussi l'Escripture dit, Preuenōs en confession la face du Seigneur. Et saint Pol assure que si nous nous iugions nous mesmes, nous ne serions pas iugez.

On les aduertira neantmoins de se confier tellement en leur esperance, qu'ils ne se relaschent pas negligemment par vne assurance trop inconsiderée. Pource que bien souuent nostre ennemy plein de malice, deçoit avec les appasts d'une confiance tres pernicieuse, l'ame abattuë par le peché, voyant qu'elle s'afflige de sa

DV DEVOIR DES PAST. 405
cheute. Ce qui s'entend figuratiue-
ment par ce qui nous est rapporte du
faict de Dina : Car l'Escripture raconte
que Dina sortit pour voir les femmes
du pays ; & que Sichem fils d'Emor
Euei, Prince de cette contrée, l'ayant
apperceue, en fut épris d'amour, qu'il
la raut, & en fit à sa volonté, forçant
la fille, & que son ame estant collée
auec elle, il appaisa sa tristesse par dou-
ces paroles. Dina donc sort pour voir
les femmes du pays, quand vne ame
negligeant ses propres affaires, deuiét
curieuse de celles des autres, & s'escar-
te de son habitude & de son deuoir.
En suite dequoy Sichem Prince de
cette region, la force, pource que le
Diable qui la rencontre dehors pen-
dant qu'elle s'adonne à des choses ex-
terieures, la viole ; & son ame se colle
auec elle, d'autant qu'il la tient vnüe à
soy par l'iniquité. L'ame bien tost

apres cognoist sa faute, & r'entrant en soy-mesme, s'efforce de plorer le peche qu'elle a commis. Le seducteur au mesme temps luy rameine deuant les yeux des esperances vaines, & des fausses promesses de seureté, pour luy faire perdre le fruct de cette tristesse. Aussi est-il adiousté, qu'il appaisa sa tristesse par belles paroles. Car il luy fait entendre cōme tant d'autres ont commis de plus enormes crimes; tantost il luy dit, que ce qu'il a fait n'est pas si grande chose; tantost que Dieu est misericordieux; & tantost qu'elle aura le temps de faire penitence: Iusques à ce que l'ame entretenüe par ces artifices, est finalement distraite de l'intention qu'elle auoit de se conuer- tir, afin que pour s'affliger presentement, elle ne recoiue aucun bien à l'aduenir, & qu'elle soit vn iour accablée d'autant de supplices, qu'elle a

maintenant de plaisir en son offense.

Ceux au contraire qui plorent les pechez de la pensee, doiuent bien considerer en leur ame, s'ils ont peché par delectation seulement, ou s'ils y ont employe le consentement aussi: Pour ce que souuent quand le cœur est tenté, la malice de la chair fait qu'il en reçoit quelque delectation, encor que la raison y resiste. De façon qu'au secret de la pensée, ce qui plaist attriste, & ce qui attriste plaist. Mais quelquesfois aussi l'ame est tellement absorbée en l'abyssme de la tentation, qu'elle n'y fait aucune resistance, & suit volontairement ce qui par delectation la sollicite: & quand à l'exterieur elle en a commodité, soudainement elle accomplit en l'affection du sujet, le desir qu'elle auoit en l'interieur. Or cecy, selon que l'examine le seuerel iuge, n'est plus alors vn peché de la pen-

féc, mais actuellement commis. Car bien que le delay du sujet extérieur ait retarde le peché, la volonté neantmoins par le consentement l'a déjà mis en execution.

Nous apprenons en nostre premier Pere, que le mal de l'offense est commis en trois façons: à sçauoir, par la suggestion, par la delectation, & par le consentement. L'Ennemy fait la premiere, la chair la seconde, & la troisieme l'esprit. Car le Diable suggere le mal: la chair se soumet au plaisir; & finalement l'esprit vaincu du plaisir y consent. De là vient que le Serpent suggera le mal: Eue comme la chair se soumit à la delectation, & Adam qui represente l'esprit surmonté par la suggestion & la delectation, donne son consentement. Nous cognoissons donc le peché par la suggestion, nous sommes surmon-

DV DEVOIR DES PAST. 409
tez par la delectation, & en fin liez par
le consentement.

Parquoy l'on aduertira ceux qui
plorent les malices de la penſee, qu'ils
ayent à conſiderer iuſques à quel
poinct d'iniquité ils peuuent eſtre
tombez, afin que ſelon la quantité de
la ruine qu'ils reſſentiront interieure-
ment en eux-mêmes, ils ſe releuent
autant par la penitence : de peur que
ſ'ils n'eſtoient pas aſſez affligez des
maux conçus en la penſee, ils ne
viennent à l'action; mais il les faut ce-
pendant effrayer en telle ſorte, qu'ils
ne perdent pas courage. Pource que
ſouuent, Dieu-tres-debonnaire, par-
donne d'autant pluſtoſt les pechez
du cœur, qu'il n'a pas voulu permet-
tre qu'on les ait executez; & les mali-
cieuſes penſees ſont auſſi d'autāt plus
aiſement relachees, que pour n'eſtre
pas executees on en eſtoit moins obli-

gé. Ce qui faisoit dire au Prophete, l'ay dit, ie prononceray mes iniustices contre moy-mesme, au Seigneur, & aussi tost vous avez remis l'iniquité de mon cœur. Quand il adiousté donc l'impieté du cœur, il auoit dit premierement, qu'il vouloit declarer les iniustices de sa pensee; Et disant ces paroles, i'ay dit ie prononceray : au mesme temps il adiousté ; Et vous avez remis; pour monstrier combien facilement on obtient pardon de telles offences. Et pendant qu'il ne fait que promettre de demander, il obtient ce qu'il n'auoit pas encor demandé. Pource que l'offence n'estant pas venuë iusques à l'execution, il n'estoit pas necessaire que la penitence fust iusqu'à vne extreme affliction; & la douleur seulement conceuë, suffisoit pour nettoyer l'offence qui n'auoit esté qu'en la pensee.

ADVERTISSEMENT 31.

*Pour ceux qui plorent les pechez commis,
 & ne les quittent point : & pour
 ceux qui les quittent, & ne les
 plorent pas.*

L'On doit aduertir autrement
 ceux qui plorent les pechez pas-
 sez, & ne les quittent point; & autre-
 ment ceux qui les quittent & ne les
 plorent pas. Il faudra dire à ceux qui
 plorent les fautes commises, & ne les
 quittent point, qu'ils apprennent à
 considerer que vainement ils se net-
 toient de leurs larmes, eux qui pour
 continuer au mal se contaminent en
 l'iniustice; attendu qu'ils ne se lauent
 de larmes, que pour se plonger dere-
 che en l'ordure apres estre nettoyez:

pleurs, & luy-mesme se couche côme en vne eauë bourbeuse: d'autant que retranchant de sa douleur la pureté de vie, il réd ses larmes impures aux yeux de Dieu. De plus, il est écrit pour cette raisõ, Ne reïtere point vne mesme parole en ton discours; car c'est reïterer vne mesme parole en son discours, que de commettre apres des pleurs, ce qu'il faudra plorer derechef. Et dans Isaye il est dit, Lavez-vous, soyez purs, d'autant que celuy-là neglige d'estre pur s'estant laué, qui ne conserue pas l'innocence apres ses larmes. Parquoy l'on aduertira ceux qui plorent les fautes commises, & neantmoins ne les quittent pas que deuant les yeux du supreme Iuge, ils ressemblent à ces perfides, qui se presentant deuant les personnes, leur font de grandes soumissions: mais n'estant plus en leur presence, ils se monstrent en effet

leurs ennemis, & leur font le pis qu'ils peuvent : Car qu'est-ce que plorer son offence, sinon témoigner à Dieu l'humilité de sa deuotion ? Et qu'est-ce que faire mal, apres auoir ploré, sinon se comporter en capital ennemy contre celuy qu'on auoit recherché d'amitié ? C'est ce que saint Iacques assure, disant, Que celuy qui veut estre amy de ce siecle se constituë ennemy de Dieu.

L'on aduertira donc ceux qui plorent leurs pechez passez, & ne les quittent point, qu'ils ayent à considerer que plusieurs méchants, pour ce sujet, sont inutilement touchez de compoñtion pour leurs offenses, comme beaucoup de gens de bien sont tentez du mal sans le commettre : Car il arriue ordinairement par vne mesure admirable de la disposition interieure, selon que nos merites l'exigent,

que ceux là, quand ils font quelque chose de bien, imparfaitement neantmoins, ont ie ne sçay quelle superbe confiance au milieu des méchancetez, mesmes qu'ils commettent; Et ces autres estans tentez de quelque mal, sans toutesfois y consentir, plus la debile infirmité les fait chanceler, & plus asseurement ils affermissent les pas du cœur en la Iustice, par la tentation & l'humilité. C'est pourquoy Balaan voyant les tentes des Israélites, disoit, que mon ame meure de la mort des iustes, & que l'extremité de ma vie ressemble à la fin des iours de ceux là; mais le sentiment de la componction ne fut pas si tost passé, qu'incontinent il donna conseil contre la vie de ceux auxquels il auoit souhaitté d'estre semblable, mesme en la mort: & rencontrant vne occasion d'auarice, il oublia tout ce qu'il auoit de bons desirs pour l'innocence.

Sainct Pol aussi, le Docteur & Pre-
dicateur des Nations, disoit, l'éprou-
ue en mes membres vne loy, repu-
gnante à la loy de mon esprit, & qui
me meine captif en la loy du peché,
qui est en mes membres. Il n'estoit,
certes, tenté qu'afin qu'il fust plus vi-
goureusement fortifié par la cognois-
sance de son infirmité mesme. Que
veut dire cecy, que cét autre estoit tou-
ché de componction, & neantmoins
il n'approcha pas de la lustice; & ce-
luy-cy d'ailleurs est tenté, sans estre
contaminé de peché? si ce n'est pour
monstrer que le bien imparfait ne
sert de rien aux méchans, & que le
mal non accompli ne condamne
point les gens de bien.

Au contraire, il faut donner aduer-
tissement à ceux qui laissent le peché,
mais qui ne le plorent pas, qu'ils gar-
dent de se persuader que les pechez
leur

euſſoient remis. Car encor que pour ne les cōmettre plus, ils ne les multiplient pas, ils ne les purifient point neantmoins par aucunes larmes. Vn Eſcriuain qui ceſſe d'écrire, pour n'adouſter rien à ſon eſcriture, n'efface pas pourtant ce qui eſt écrit. Semblablement, celuy qui dit des iniures, ſi ſeulement il ſe tait, il ne fait aucune ſatisfaction: Pource que ſans doute il eſt neceſſaire qu'il repare par des paroles d'humilité, les propos audacieux qu'il proferez. Et l'homme endebté eſt pas quitte pour ne faire pas de nouuelles debtes, ſi premierement il ne paye ce dont il eſt redeuable. De meſme ayant offencé Dieu, nous n'auons pas ſatisfait, encor que nous ceſſons de mal faire, ſi nous n'opposons aux deſirs que nous auons deſordonnement affectionnez, des lamenta-

tions, & de tristes ressentiments: Car si nous ne nous estions pas contaminez en cette vie, par aucune action d'injustice, nostre innocence neantmoins ne nous suffiroit pas pour nous assurer de nostre salut, tant que nous aurions à demeurer icy bas, à raison que nous ne laisserions point d'avoir l'esprit inquieté de beaucoup de choses. Comment donc pourra s'estimer en seureté l'homme, à qui pour avoir commis vn grand nombre d'offences, sa propre conscience tesmoigne qu'il n'est pas innocent?

Non cependant que Dieu se repaïsse de nos souffrances, mais il remédie au mal de nos pechez par des medicaments contraires, à ce que nous estant esloignez de luy par les voluptez, & par la delectation, nous retournions par l'affliction & l'amer-

tume des pleurs. Qu'estant tombez,
 nous relaschant, & nous laissant aller
 aux choses illicites, nous nous rele-
 uons en nous resserrant, & nous re-
 tranchant des choses mesmes licites.
 Que nostre cœur qui s'écouloit en fol-
 les resioüyssances, soit desseiché par
 vne salutare tristesse; & que la sou-
 mission d'une vie humble guerisse les
 maux de l'ambition. Pour ce sujet il
 est écrit, l'ay dit aux méchās, Ne faites
 point d'iniquité; & aux déuoyez, N'é-
 leuez plus la corne: car les déuoyez
 leuent la corne, si par la recognoissan-
 ce de leurs iniquitez ils ne s'humilient
 à la penitence. Dauantage il est écrit
 que Dieu ne méprise point vn cœur
 contrit & humilié. Pour ce que celuy
 qui pleure ses pechez, & ne les quitte
 pas, il a bien le cœur contrit, mais il ne
 s'humilie point. Et quiconque laisse

son peché, mais ne plore point, il s'humilie bien, mais il n'a pas la contrition.

C'est pourquoy saint Pol dit, Vous avez esté tels, mais vous estes lauez & sanctifiez. D'autant que ceux-là sont sanctifiez par vne meilleure vie, qu'une affluence de larmes, laue, & purifie par là penitence. Aussi saint Pierre en voyant quelques vns espouuantez de la consideration de leurs crimes, les aduertissoit, disant, Faites penitence, & que chacun de vous soit baptisé: Avant de parler du Baptisme il fait mention de la penitence, à ce qu'au precedent ils fussent arrosez de l'eau de leurs pleurs; & puis consequemment lauez du sacrement de Baptisme. Donques où est l'esprit de ceux qui negligant de plorer leurs pechez passez, estiment estre assurez du pardon, si le Souuerain Pasteur de

l'Eglise a creu qu'il falloit adiouster la penitence à ce Sacrement là mesme, qui principalement a la vertu d'effacer tous les pechez?

ADV ERTISSEMENT 32.

*Pour ceux qui loüent le mal qu'ils font, &
pour ceux qui condamnent le mal, &
ne laissent pas de le faire.*

ON doit aduertir d'une façon ceux qui loüent le mal qu'ils font, & d'une autre façon ceux qui condamnent le mal, & ne laissent pas de le faire. A ceux qui loüent le mal qu'ils font, il faudra dire qu'ils ayent à prendre soigneusement garde, que souvent ils commettent plus de pechez par la parole, que par l'action. Pource que

lorsqu'ils pechent par quelque mau-
uaise œuvre, il n'y a qu'eux qui la
commettent, mais par la parole ils
exposent au mal toutes les person-
nes qui les entendent louer l'ini-
quité.

Donc on les avertira, que s'ils
ne veulent pas arracher le mal, au
moins qu'ils appréhendent de le se-
mer. Qu'ils se contentent de se per-
dre eux-mêmes; & davantage on
leur dira, que s'ils ne craignent pas
d'être méchans, qu'ils aient honte
d'être cogneus pour ce qu'ils sont:
Car bien souvent pour tenir le péché
secret on l'évite, attendu que l'a-
me ayant honte que l'on sçache
qu'elle est ce que neantmoins el-
le ne craint pas d'être, a quelque-
fois aussi honte d'être ce qu'elle
ne veut pas que l'on sçache qu'elle

est. Mais quand vn méchant homme impudemment se manifeste , il croid que les crimes luy sont d'autant plus licites, que plus librement il les commet ; & se plonge profondément en diuerses façons , où il y aperçoit la moindre licence. C'est pourquoy l'Escripture dit, Ils ont publié leur peché comme Sodome, & ne l'ont point caché: car Sodome cacheroit son peché, si elle pechoit encor avec quelque crainte ; mais elle auoit quitté la bride de toute apprehension , puis qu'elle ne cherchoit pas les tenebres pour commettre son peché. De plus il est écrit , La clameur de Sodome & de Gomorre est multipliee: car le peché conioint à la voix , est la faute avec l'action: mais le peché conioint à la clameur est la faute avec la liberté.

Ceux qui blâment le mal, & neantmoins ne l'euient pas, seront aduertis de penser sagement à ce qu'ils allegueront pour excuse, au seuerer iugement de Dieu, puis qu'ils ne s'excusent pas eux-mesmes de leurs vices en leur propre iugement. Aussi que font-ils autre chose que des Heraults, criants contre eux-mesmes, quand ils crient contre les pecheurs, & aux mains desquels d'eux-mesmes ils se liurent criminels, pour les actions qu'ils commettent. On les aduertira donc, que c'est vn commencement déjà de la retribution secrette du Iugement final, que leur entendement est illuminé pour cognoistre les maux qu'ils font, & qu'ils ne s'efforcent pas de vaincre, afin qu'ils perissent d'autant plus malheureusement, que mieux il les voyent. Qu'ils ont la lu-

DV DEVOIR DES PAST. 425
miere d'intelligence, & qu'ils ne se
destournent pas de l'obscurité des
mauuaises actions.

Car alors que ces gens-là negligēt
la science qu'ils n'ont receuë que pour
les aider, ils la tournēt en tesmoigna-
ge contre eux-mesmes: & la clarté
d'esprit qu'ils ont ne leur sert que
pour accroistre leurs supplices, au lieu
qu'elle ne leur auoit esté donnée que
pour exterminer le peché. Mais la ma-
lice les portant à l'iniquité, qu'ils iu-
gent bien, esprouue déjà dès cette vie
le iugement à venir, à ce qu'en atten-
dant la damnation, elle ne soit pas icy
de leur part mesmes sans condemna-
tion, iusques à ce qu'elle se voye alors
d'autant plus tourmentée, qu'elle ne
quitte pas icy le mal que son entende-
ment a reprouué. Pour ce sujet la Ve-
rité disoit, Le seruiteur qui cognoist

la verité de son Maistre, & ne la fait point, sera plus rigoureusement battu. Le Psalmiste aussi dit, qu'ils descendent en Enfer tous viuans. Car les viuans sçauent & ressentent tout ce qui se fait autour d'eux; mais les morts n'ont aucun sentiment: Or ils descendroient morts en Enfer, s'ils faisoient mal sans le cognoistre; mais quand ils sçauent le mal, & le commettent, ils descendent miserables viuans, & avec leur sentiment dans l'Enfer de l'iniquité.

ADVERTISSEMENT 33.

*Pour ceux qui pechent par une subite
concupiscence ; & pour ceux qui
pechent avec premeditation.*

IL faut aduertir d'une façon ceux
qui sont surmontez par vne sou-
daine concupiscence ; & d'une autre
façon ceux qui s'engagent avec con-
seil au peché. L'on aduertira ceux qui
sont vaincus d'une subite concupis-
cence, qu'ils se recognoissent estre
toujours exposez à la guerre de cette
vie presente, & qu'ils ayent à se preser-
uer le cœur qui ne peut prevoir les
coups par le bouclier d'une craintive
solicitude. Qu'ils apprehendent les
traicts secrets de l'ennemy continuel.

lement aux embusches: Et qu'en ce combat qui se fait en l'obscurité, ils fassent vne tres-soigneuse garde en la citadelle de leur ame. Car si le cœur est despourueu de vigilance, il est descouuert aux attaintes: attendu que l'ennemy plein de ruses y dresse d'autant plus librement sa visée, qu'il le void denué du plastron de la preuoyance. On donnera donc aduis à ceux qui sont abbatus par vne concupiscence soudaine, qu'ils se desisttent du soin excessif du temporel; pource que pendant qu'ils s'embarassent trop attentiuement aux choses perissables, ils ne peuuent sçauoir les traicts d'iniquité qui les transpercent. C'est pourquoy Salomon represente ainsi le dire de celuy qui dormant, se trouue blessé, L'on m'a frappé, mais ie n'en ay rien senty: l'on m'a tiré sans que ie

DU DEVOIR DES PAST. 429
m'en sois apperceu. Quand seray-je
esueillé pour boire derechef? Dautant
que l'ame endormie & priuée de soin,
est frappée sans qu'elle en sente rien:
pource que tout ainsi qu'elle ne pre-
uoit point, les maux qui luy pendent
sur la teste, aussi ne recognoist-elle
pas non plus ceux qu'elle a commis.
Elle est tirée, & ne s'en apperçoit pas,
dautant qu'elle est menée par les de-
lices des iniquitez. Elle ne s'esueille
point pour aduiser à sa conseruation:
Cependant elle desire s'esveiller, afin
de s'adonner derechef à boire; pource
qu'encor qu'elle soit accablée du pe-
sant sommeil de la nonchalance, elle
s'efforce neantmoins d'estre esueillée
au soin des affaires du siecle, pour
s'en yurer des voluptez, & dormât où
elle deuroit attentiuement veiller, elle
veut estre esueillée aux choses où loüa-

blement elle pourroit estre endormie.

Aussi est-il escrit deuant au mesme traicté, Vous serez comme dormant au milieu de la mer, & comme le Patron qui s'endort au gouuernail. Car celuy-là dort au milieu de la mer, lequel exposé parmy les tentations de ce monde, neglige de preuoir les émotions des vices qui s'esleuent & suruiennent comme la tempeste en l'Ocean : Et perd le gouuernail ainsi que le Patron endormy quand l'esprit quitte le soin de bien regir le vaisseau du corps. Pource que c'est quitter le gouuernail en la mer, que de n'auoir point de preuoyance aux orages du siecle : Pource que quand le Patron est bien soigneux de biē tenir le gouuernail, tantost il meine le vaisseau contre les flots, & tantost il coupe de

trauers la force des vents. Aussi quand l'entendement regit soigneusement l'ame, tantost elle surmôte vne chose en la mesprisant, & tantost elle en éuit vne autre en la preuoyant; de sorte que par son trauail elle vient au dessus des presentes contradictions, & se fortifie contre les oppositions à venir y donnant bon ordre.

Pour ce sujet l'Escripture dit tres-bien de ceux qui combattent pour la Celeste patrie, Que chacun ait son espée sur sa cuisse, de peur des surprises de nuict. L'espée est sur la cuisse, quand par le tranchant d'une sainte predication, l'on surmonte les mauuaises suggestions de la chair: Et par la nuict est designé l'aveuglement de nostre foiblesse, d'autant qu'on ne void pas tout ce qui peut suruenir de contraire pendant la nuict. Chacun

donc doit auoir son espée sur la cuisse pour les craintes nocturnes : à raison que les hommes saints & parfaits, craignant ce qu'ils ne voyent pas, se tiennent toujours prests au combat. Dauantage il est encor dit à l'Espouse, Ton nez est comme le Liban. Car souuent nous découurons par l'odorat ce que nous n'apperceuons pas des yeux; & c'est par le nez que nous discernons les bonnes d'auec les mauuaises odeurs. Que signifie donc le nez de l'Eglise, sinon la prouide discretion des Fideles? qui pareillement ressemble à la tour du Liban, pource que leur discrete preuoyance est tellement haut située, qu'elle void les assauts des tentations mesmes auant qu'elles se presentent, & se tient preste d'y resister quand elles viendront. Pource que les tentations à venir estant preueues,

ueuës, ne sont pas tant à craindre alors qu'elles viennent: attendu que chacun estant disposé pour recevoir & parer le coup, l'ennemy qui pensoit surprendre, est affoibly se voyant decouvert.

Au contraire, il faut aduertir ceux qui s'engagent avec premeditation au peché, de considerer diligemment que faisant mal de propos delibéré, ils allument contr'eux l'indignation du severe Iuge pour les condamner d'autant plus rigoureusement qu'ils s'obligent plus estroitement en l'iniquité: car ils se releueroient plustost de leurs fautes en la penitence, s'ils n'eussent tombez que par la precipitation: pource que le peché s'absout plus difficilement quand il est enduré par la deliberation: dautant que l'ame ne mesprisoit de tout poinct

l'eternité, iamais elle ne se perdrait dans l'offense commise avec iugement.

C'est donc en quoy different ceux qui tombent par precipitation, & les autres qui sciamment se perdent; que ceux-cy se renuersant de l'estat de la Iustice, tombét au mesme temps pour la pluspart aux lacqs du desespoir, & se desracinent entierement du fond de l'esperance. Pour cette raison le Seigneur par son Prophete reprend non tant les fautes de la precipitation, quel'affection expresse du mal, disant; que d'auanture ma fureur n'éclatte, & ne s'embraze en telle sorte que nul ne la puisse esteindre pour la malice de vos affections. Et derechef en colere il dit en vn autre lieu, le feray ma yisite sur vous, selon le prouenu de vos affections. Donc pource que les pe-

DV DEVOIR DES PAST. 435
ez commis avec premeditation dif-
ferent des autres; nostre Seigneur
castie non tant les mauuaises actiōs,
que les malicieuses affections. Car en
action souuent on peche par infirmi-
souuent par inaduertance; mais en
fection c'est toujours avec vne in-
tention de malice. Et contre cecy le
prophete exprimant les qualitez de
l'homme heureux, dit tres-bien, Qui
s'est point assis en la chaire de pe-
sance: pource que la chaire est or-
dinairement pour le iuge, & pour
celuy qui preside. Or c'est estre assis
en la chaire de pestilence, que de dis-
cerner le mal par la raison, & le com-
mettre neantmoins deliberement.
Celuy-là donc est comme assis en la
chaire du conseil impie qui s'eleue
avec tant de presumption en l'iniqui-
que mesme il s'efforce de mal-faire

en consultant. Et tout ainsi que ce
sont les Prelats, lesquels assistez des
troupes sont honorez de la presscance
en la chaire; de mesme les pechez cõ-
mis par affection sont au dessus des
fautes de la precipitation. Parquoy
l'on aduertira ceux qui s'engagent au
vice avec conseil, d'inferer de là quelle
doit estre vn iour leur punition, puis
qu'ils ne sont pas compagnons, mais
princes des méchans.

ADVERTISSEMENT 34.

*Pour ceux qui commettent souvent des
choses, quoy que petites, mais illicites:
& pour ceux qui se gardent de
petits pechez, & quelques fois
neantmoins tombent aux
plus enormes.*

SI quelques vns donc excèdent en
petites choses, mais frequem-
ment, on les doit aduertir de ne confi-
derer pas quelles sont leurs fautes,
mais en quel nombre: Car s'ils ne dai-
gnent craindre pour les pechez qu'ils
font, examinant leur qualité, qu'ils
apprehendent au moins pour en voir
la quantité. Les petites gouttes de
pluye, mais innombrables grossissent

les plus larges fleuves, & la sentine du vaisseau croissant secrettement le peut submerger, aurât que le visible effort d'une furieuse tempeste. Les playes que la gale forme dessus le corps sont fort petites; mais quand elles pullulent excessiuement, leur infinie multitude ne laisse de causer la mort autant qu'une plus outrageuse bleffure.

Pour ce suiet l'Ecriture dit, Qui-conque méprise les petits maux, décherra peu à peu: Car celuy qui neglige de plorer, & d'euter les moindres pechez, tombera, non soudainement, mais à diuerses fois, iusques à son entiere destruction. L'on aduertira donc ceux qui font souuent de petits pechez, qu'ils sçachent qu'il arriue quelquesfois plus de dommage par vne petite faute, que par vne plus

grande; Car vne grande estant plu-
 tost recogneuë, on la corrige prom-
 ptement; mais vne petite, comme on
 croiroit nulle, se retient plus longue-
 ment en vſage avec moins de defian-
 ce. D'où il arriue que l'ame s'accou-
 tumant à des maux legers, ne craint
 pas les plus grands, & se nourrissant
 au mal, elle s'acquiert vne certaine au-
 thorité dedans le vice, qui la fait aussi
 peu craindre finalement les plus
 enormes pechez, qu'elle commettoit
 auparauant les moindres, sans aucune
 apprehension.

Au contraire, il faut aduertir ceux
 qui se gardent des moindres fautes, &
 qui tombent quelquesfois aux plus
 grands crimes; qu'ils veillent attenti-
 uement dessus eux-mesmes, pource
 que pendant qu'en leur esprit ils se
 ſouleuent pour les plus petites choses

exactement obseruees , l'abisme de leur presumption les engloutit aux plus griefues offences. Et lors qu'à l'exterieur ils surmontent ce qui est de peu de consideration , & s'enflent pour ce sujet de vaine gloire, ils terrassent exterieurement , mesme par de plus grands maux abbatuë au dedans de la fieure d'ambition. Ils auront donc aduis de se donner de garde, que là mesme où ils croient se tenir fermes au dehors, ils ne tombent interieurement, & que par vne iuste retribution du seueré Iuge, la vanité d'vne petite Iustice ne leur soit ouuerture , au precipice d'vne grande iniquité: Car ceux qui se glorifient d'un moindre bien , l'attribuant à leurs propres forces, estant abandonnez iustement, se trouuent accablez de lourdes cheutes. Et tombant, ils

DV DEVOIR DES PAST. 441
apprennent que ce n'estoit pas leur
propre vertu qui les auoit maintenus,
en sorte que les grands maux humi-
lient vn esprit qui s'eleuoit pour de
petits biens.

On les aduertira de remarquer,
qu'aux plus griefues offenses ils s'en-
gagent en de gros pechez, & neant-
moins qu'aux petites choses qu'ils ob-
seruent d'une exacte sollicitude, ils pe-
chent encor plus dangereusement:
Pource qu'en ces autres, ce sont au-
tant de mechancetez qu'ils commet-
tent; mais celles-cy leur seruent de
couverture, à ce que les hommes n'e-
stiment pas qu'ils soient méchants.
Dou vient qu'en faisant de grands
maux, ils sont manifestement mé-
chants deuant Dieu; mais quand ils
font ces petits biens; ils se feignent
estre des Saints deuant les hommes.

C'est pour ce sujet que nostre Seigneur reprochoit aux Pharisiens, qu'ils laissoient le moucheron, mais qu'ils aualoient le chameau : Comme s'il leur eust dit, Vous distinguez les petits pechez; mais vous ne faites point conscience des grands. Et pour cette mesme raison, la Verité leur faisoit encor ce reproche, Vous dismez la menthe, l'anis, & le cumin; mais vous laissez ce qui est de plus important en la loy, le iugement, la misericorde, & la fidelité : Car il ne faut pas passer sans remarquer, si disant qu'ils dismoient les petites choses, il a voulu faire mention de ces moindres herbes, mais toutes de bonne odeur: pour donner à cognoistre que les hypocrites, par de petites obseruations, affectent de laisser d'eux vne opinion de sainte vie : & quoy qu'ils obmet-

DV DEVOIR DES PAST. 443
tent les choses principales, ils gardent
cependant les moindres qui répan-
dent au long & au large au iugement
des hommes, vn agreable odeur.

ADVERTISSEMENT 35.

*Pour ceux qui ne commencent pas à bien
faire, & pour ceux qui n'acheuent
point le bien qu'ils on commencé.*

QVant à ceux qui ne commen-
cent pas à bien faire, il ne faut
point leur proposer premierement ce
qu'ils doiuent aymer; mais leur oster
les mauuais sujets auxquels ils sont
adonnez. Car ils ne se mettent point
à suiure ce qu'ils entendent, sans l'a-
uoir experimenté, ils ne recognois-
sent auparauant combien leur est

preiudiciable ce qu'ils ont éprouvé. Pource que celuy qui ne croid pas estre tombé, ne desire point qu'on le releue: Et le blessé qui ne sent point le mal de sa playe, n'en poursuit pas la guerison. Donc auant toutes choses, on doit leur donner à cognoistre la vanité de ce qu'ils affectionnent: & puis en suite on leur enseignera l'utilité de ce qu'ils laissent. Dautant qu'ils receuront mieux ce qu'ils n'ont point essayé, quand ils auront vne vraye cognoissance de tout ce qu'ils oyent discourir, touchant ce dont ils ont déjà fait essay: Pource qu'alors ils apprendront de toute leur affection, à rechercher les vrais biens, quand par vn iugement certain ils recognoistront qu'ils embrassoient inutilement des choses vaines.

Qu'ils entendēt donc que les biens

presens periront, quant à la delectation; mais que la cause d'iceux demeurera sans fin, quant à la punition; D'autant qu'en cette vie ce qui contente, se perd malgré quel'on en aye: mais ce qui fasche est reserué pour tourmenter à l'aduenir, aussi contre son gré. Pour ce sujet on les espouuantera salutairement des choses mesmes, dont pernicieusement ils se delectent. Afin que leur ame touchée d'une telle crainte, voyât le domage de sa ruine, & recognoissant qu'elle est au bord du precipice, se retire en arriere, qu'elle apprehende ce qu'elle aymoit, & qu'elle apprenne à rechercher ce qu'elle méprisoit. C'est pour cette raison qu'il fut dit à Hieremie, enuoyé de Dieu pour la predication: Voicy que ie t'ay ce iourd'huy constitué sur les Nations, &

sur les Royaumes , afin que tu arraches & destruises , que tu disperses & dissipes , que tu edifies & que tu plantes. Pource que si premierement il ne destruisoit les choses mauuaises , il n'en pourroit edifier de bonnes vtilement : Car s'il n'arrachoit du cœur de les auditeurs les espines de la vanité , ce seroit inutilement , qu'il y planteroit la sainte parole de la predication.

Semblablement c'est pour ce sujet que saint Pierre renuerse , afin qu'apres il bastisse , lors qu'il n'aduertit pas les Iuifs de ce qu'ils ont à faire , mais il les tence , & leur reproche ce qu'ils ont fait , disant , C'est celuy que vous auez fait mourir , selon qu'il estoit arresté par le conseil , & la prescience de Dieu : Iesus de Nazareth , entre vous , homme ap-

prouué de Dieu, par les vertus, les prodiges, & les signes que Dieu par son moyē a fait au milieu de vous, cōme vous sçauēz, liuré par les mains des méchans, l'attachant en vne croix: que Dieu a ressuscité, déliant les douleurs de l'Enfer. Il leur parloit de cette façon, à ce qu'estant confus & destruits en eux-mesmes, par la cognoissance de la cruauté qu'ils auoient exercée, ils écoutassent avec autant plus d'edification la parole de l'Euangile, qu'auidement ils la desireroient. Aussi, respondirent ils incontinent, Que ferons nous donc, mes freres? Et soudain il leur fut dit, Faites penitence, & que chacun de vous soit baptisé. Laquelle parole d'edification, sans doute, ils auroient méprisée, si pour leur bien ils n'eussent premierement reconnu leur destruction, & leur ruine.

Ce fut encor pour cette mesme raison que Saul estant illuminé de la clarté celeste qui l'environna, n'entendit pas le bien qu'il deuoit faire, mais le mal qu'il auoit fait: Car abbatu de son cheual, comme il demandoit, Qui estes vous Seigneur; il luy fut aussi tost répondu, Je suis Iesus de Nazareth que tu persecutes. Et adioustant, Seigneur, que vous plaist-il que ie face, il ouyt cette responce, Entre en la ville, & là tu sçauras ce que tu dois faire. Voila donc comme nostre Seigneur parlant du Ciel, prit le fait de sa persecution, & ne luy monstra pas incontinent ce qu'il falloit faire. Ainsi l'edifice de sa presumption fut entierement renuersé, puis estant humilié par la cognoissance de sa ruine, il rechercha d'estre edifié: Combien que sa superbe fust destruite, on differra de luy donner la

DV DEVOIR DES PAST. 449
ner la parole d'edification : afin que
ce Persecuteur abbatu dans sa confu-
sion, se releuast apres d'autant plus vi-
goureusement à bien faire, que hon-
teusement il auoit esté renuersé, tom-
bant de son erreur precedant.

Ceux donc qui n'ont point encor
commencé de faire aucun bien, doi-
uent premierement estre abbatus par
l'effort salutaire d'une bonne corre-
ction, du comble des iniquitez de
leur precedente vie, afin de les eleuer
apres en l'estat de Iustice & de probi-
té; Tout ainsi que nous coupons le
haut bois d'une forest pour en con-
struire le faiste d'un edifice : Et cepen-
dant on ne l'employe pas si tost à ba-
stir, que sa verdeur ne soit premiere-
ment desseichee; car plus on le laisse
en bas consommer ce qu'il a d'hum-
ide, & plus solidement apres on le dres-
se en haut.

Mais au contraire, il faut aduertir ceux qui n'acheuent point ce qu'ils ont bien commencé, qu'ils considèrent attentiuement, que laissant imparfait le dessein qu'ils s'estoient proposez, ils perdent encor ce qu'ils auoient employé d'auance : Car si l'on ne s'éuertuë soigneusement d'adiouster à ce qui se doit faire, ce que l'on a déjà fait vient à diminuer. Pource que l'ame de l'homme est en ce monde, comme vn nauire montant contre le fil de l'eau, qui ne peut demeurer en vn mesme endroit, elle descend en vn instant, si l'on ne s'efforce de l'auancer. Donc si la main courageuse de celuy qui traueille, ne porte l'œuvre commencée, à sa perfection, la cessation du travail est prejudiciable à ce qui est commencé. C'est ce que dit Salomon, quiconque

est mol & lâche en son trauail, ressemblable à celuy qui destruit ce qu'il a trauaillé. Dautant que l'homme qui ne continuë pas diligemment le bien commencé de faire, il n'a pas moins de negligence & de lâcheté, que celuy qui destruit de sa propre main ce qu'il a fait.

L'Ange aussi pour cette raison, disoit à l'Eglise de Sardes, Sois diligent, & confirme les autres choses qui s'en vont perir; car ie ne voy pas que tes œuures soient accomplies deuant mon Dieu. Pour ce donc que ses œuures n'estoient pas accomplies, il luy predisoit que le reste qui estoit fait s'en aloit perir; Car si nous n'excitons à la vie ce qui est mort en nous, ce que nous auons de viuant s'amortit aussi. De plus, on leur dira qu'ils aduisent qu'il auroit esté plus tolera-

ble de ne prendre pas le bon chemin, que de retourner arriere apres l'auoir pris, car s'ils ne regardoient pas derriere eux, aucune paresseuse nonchalance ne les destourneroit de ce qu'ils ont entrepris. Qu'ils écoutent ce que dit l'Ecriture, Il auroit micux valu pour eux de n'auoir point cogneu la voye de Iustice, que de s'en destourner apres l'auoir cogneuë.

Qu'ils écoutent encor ce qui est écrit, A la mienne volonté que tu fus-
ses tout froid, ou tout chaud, mais pource que tu es tiede, & ny froid, ny chaud, ie te vomiray hors de ma bouche. Car le chaud est celuy qui entreprend vne bonne œuvre, & qui l'acheue. Le froid est celuy qui ne commence pas mesme ce qu'il deuroit acheuer. Et comme du froid on passe au chaud par la tiedeur, ainsi du chaud

on repasse au froid par la tiedeur. Quiconque donc quittant le froid d'infidelité; mais sans surmonter la mesme tiedeur, ne s'échaufe pas iusques au poinct d'une chaleur parfaite, certes il perd tout espoir de deuenir chaud, & demeurant tiede, il retombe aisement en la froideur. Or comme auant la tiedeur, le froid est en esperance, ainsi apres le froid la tiedeur est en desespoir. Pource que celuy qui est encor en estat de peché n'est pas hors d'esperance de se conuertir. Mais quiconque deuiet tiede apres sa conuersion, il a perdu l'esperance qu'on pouuoit auoir de son peché: Il faut donc tout froid ou tout chaud, afin que pour estre tiede on ne soit pas vomy. que n'estant pas conuerty l'on donne esperance de conuersion. Ou qu'estant déjà conuerty

l'on s'échaufe aux vertus pour n'estre pas vomy comme tiede , qui de la chaleur proposée, par l'assoupissemēt retourne au mal de la froideur.

ADVERTISSEMENT 36.

Pour ceux qui font du mal en secret , & du bien en public : & pour ceux qui cachent le bien qu'ils font, & neantmoins permettent pour certaines actions qu'on ait mauuaise opinion d'eux.

ON aduertira ceux qui font du mal en secret, & du bien en public de penser combien legerement s'enuollent les iugemens des hōmes, & combien immuablement durables sont les iugemens de Dieu. Qu'ils ar-

restent ces yeux de leur esprit par la fin où ces choses se terminent: Pource que l'approbation de la louange humaine passe, & la sentence du supreme Iuge, qui penetre quoy que cachée, demeure à perpetuité. Qu'en exposant leurs maux secrets au iugement de Dieu, & leurs bien-faits aux yeux des hommes, le bien qu'ils font publiquement est sans tesmoin; & les fautes que secrettement ils commettent n'est pas sans tesmoignage deuant l'Eternel. A raison dequoy lors qu'ils cachent leurs offenses, & manifestant leurs vertus, pendant qu'ils couurent ce dont ils doiuent estre punis, ils le decouurent, & decouvrant ce dont ils pouuoient estre recompensez, ils le suppriment, & le perdent.

Ce sont ceux que la Verité mesme appelloit, Sepulchres blanchis, beaux

au dehors , mais au dedans pleins de charongnes: Pource qu'en l'intérieur ils recellent les maux de leurs vices, & à l'exterieur par la monstre de quelques œuures, ils font seulement parade d'une apparence de Iustice. Il de les faut d'oc aduertir qu'ils ne mesprisent pas ce qu'ils font de bien, mais qu'ils le reputēt de plus grand merite: Car ils font vn tres inique iugement leurs bonnes œuures, d'estimer que ce leur soit assez de récompense d'obtenir la faueur des hommes: Pource que c'est donner à vil prix ce qui est digne d'une eternelle retribution, que de ne demander pour vne action de vertu qu'une loüange perissable. Et de telles gens la Verité mesme dit, Affeurez vous qu'ils ont receu leur recompense.

On les aduertira qu'estant mes-

chans en secret, & donnant toutes-
fois bon exemple par certaines actiōs
de Iustice, ils monstrent que l'on doit
suiure ce qu'ils fuyent, ils croyēt qu'il
faut aimer ce qu'ils abhorrent; en fin
ils viuent pour les autres, & meurent
pour eux mesmes.

Au contraire on aduertira ceux
qui font du bien en cachette, & qui
neantmoins par quelques actions per-
mettent que l'on aye mauuaise opi-
nion d'eux, qu'en se viuifiant eux-mes-
mes par les bōnes œuures qu'ils font,
ils ne donnent pas la mort aux autres
par le mauuais exemple de ce qu'on
leur void faire. Qu'en beuuant le vin
salutaire pour eux, ils ne versent du
poison en la pensēe de ceux qui pren-
nent garde à leurs deportemens. Car
ces personnes-là n'aident pas assez
leur prochain en vn poinct, & en vn

autre leur portent grand preiudice, quand elles s'estudient de bien faire en secret; & dónent en plusieurs choses publiquement exemple de mal-faire. Dautant que celuy qui peut déjà fouler aux pieds l'appetit de louüange, frustre l'edification qu'on doit attendre de luy, lors qu'il cache ses bonnes œuures. Et quiconque ne monstre pas le bien qu'il faut imiter, soustrait les racines de ce qu'il a semé, de peur qu'il ne germe.

C'est pourquoy la Verité dit en l'Euangile, qu'ils voyent vos bonnes œuures, & glorifient vostre Pere qui est aux Cieux. Et là mesme, il se trouue vne sentence qui semble commander le contraire, disant, Prenez garde que vous ne fassiez vostre iustice deuant les hómoes pour estre veu d'eux. Que veut dire cecy, qu'il faut faire en telle

DV DEVOIR DES PAST. 459
te nos bonnes œuvres, qu'elles ne
ient pas veuës, & neantmoins il est
mandé de les faire voir: sinon qu'il
ut cacher ce que nous faisons pour
en estre pas nous mesme loüiez: &
antmoins il les faut monstrier pour
accroistre la loüange du Pere Ce-
te. Ainsi quand nostre Seigneur
us defend de faire nostre iustice de-
nt les hommes, il adioust e aussi tost,
ur estre veu d'eux. Et quand il nous
mande de faire voir aux hommes
s bonnes œuvres, il dit incontinent
suite, afin qu'ils glorifient vostre
re qui est aux Cieux. Tellement
e par la conclusion de ces sentences
monstre comme nos bonnes œu-
s doiuent estre, & comme elles ne
uent pas estre veuës: En ce quel'in-
tion de celuy qui les fait ne soit
de les mettre en euidence pour en

estre foy-mefme loué, & qu'il ne les cache pas neantmoins pour en glorifier le Pere Celefte.

Donc il aduient fouuent qu'une bonne œuvre faite en public ne laiffe d'estre fecrette; & vne bonne œuvre faite en fecret ne laiffe femblablement d'estre publique. Car quicôque en vne bonne action produite publiquement recherche non fa gloire propre, mais celle de Dieu, ce qu'il fait est caché, pource qu'il n'en a point d'autre tefmoin que celuy feul auquel il veut plaire. Et quiconque faifant vne bonne œuvre, veut qu'elle foit cogneüe pour en affecter la louange, encor que perfonne peut-estre ne l'ait pas veüe, c'est neantmoins comme s'il l'auoit faite deuant les yeux des hommes, pource qu'en fon œuvre il a pris autât de tefmoins qu'en fon cœur il a re-

DV DEVOIR DES PAST. 461
merché de loüanges humaines. Et
quand vne mauuaise estime n'est pas
achée autant que sans offense elle
eut l'estre aux yeux des regardans, el-
le donne en l'exemple occasion de
pecher, à tous ceux qui iugent mal.
D'où il arriue que ceux qui par ne-
gligence permettent que l'on pense
mal d'eux, encor que d'ailleurs ils ne
fussent rien d'inique, pechent neant-
moins en diuerse façon pour le re-
gard des autres qui les imitent. C'est
pourquoy saint Pol disoit à ceux qui
sans pollution mangeoient certaines
choses impures, & qui donnoient par
ce manger scandale de tentation, Ad-
uisez que cette licence que vous pre-
nez ne soit d'auanture vn achope-
ment aux infirmes. Et en vn autre
lieu, Par ta conscience tu feras perdre
ton frere pour qui Iesus-Christ est

mort. C'est ainsi que pechant contre vos freres, & blessant vne conscience infirme, vous pechez contre Iesus Christ. C'est aussi pour ce sujet que Moÿse disoit, Ne dites pas de mal au sourd: adioustant aussi tost, Et vous ne mettrez point d'achoppemēt deuant l'aucugle. Car c'est dire mal au sourd, que de mesdire d'une personne absente, & qui ne vous entend pas: Mais c'est mettre vn achoppemēt deuant l'aucugle, que de faire discrettement quelque chose, & donner occasion de scandale à celuy qui n'a pas la lumiere de discretion.

*De l'exhortation faite à plusieurs en un
mesme temps, à ce qu'elle incite vn
chacun aux vertus, & n'excite
point les vices contraires.*

CHAPITRE II.

VOila donc ce que le Pasteur des
ames doit obseruer en la diuer-
sité de ses Predications, afin de dōner
des remedes qui conuiennent aux ma-
ladies d'vn chacun. Mais combien
que ce ne soit pas vn petit labeur en
chaque exhortation d'auoir égard à
l'vtilité de chaque personne, pour la
difficulté qu'il y a de l'instruire parti-
culierement en la dispensation des
considerations propres, neantmoins
il y a bié plus de peine encor d'exhor-

ter en vn mesme temps vne infinité d'auditeurs trauaillez de diuerses passions d'vne mesme voix, & en vne seule predication.

Car en ce cas il faut moderer son discours en telle sorte, que les vices des assistans estant differens, chacun trouue ce qui luy conuient, sans qu'il se contredie. Qu'il passe en vn traitt par les diuerses passions; mais que comme avec vn fer à deux tranchans, il fasse incision de part & d'autre aux tumeurs des pensées charnelles; de façon qu'il presche aux superbes l'humilité, mais qu'il n'augmente pas la crainte aux timides: qu'il donne de la hardiesse aux craintifs, & qu'il n'accroisse point l'audace aux superbes: qu'il persuade la sollicitude de bien aux paresseux & aux nonchalans, sans faire multiplier la licence d'agir immoderément

DV DEVOIR DES PAST. 465
moderément aux esprits agitez d'in-
quietude: qu'il tempere l'agitation
de ceux-cy, sans asseurer ces autres en
leur faineantise: qu'il esteigne la co-
lere des impatiens, mais qu'il ne ren-
de pas plus negligentes les personnes
asches. Que les debonnaires soyent
eschaufez de zele, sans irriter ceux
qui ne sont que trop prompts à la co-
lere. Qu'il porte les auaricieux à la li-
beralite sans inciter les prodigues à la
profusion: qu'il enseigne l'espargne
aux prodigues; mais que les auari-
cieux ne deuiennent plus soucieux de
garder les biens corruptibles. Que
ceux qui ne se peuuent contenir en-
tendent louer le mariage; & que ceux
qui se contiennent déjà ne soient pas
rappellez aux desirs de sensualité.
Quel'on vante aux continents l'inté-
grité virginale; mais que les mariez ne

méprisent pas la generation des enfans: il faut en telle sorte prescher le bien d'un costé, que de l'autre on ne persuade pas le mal. Il faut louer en telle façon les biens souverains, que l'on ne dedaigne pas les moindres; il faut tellement faire estat des moindres, que pour croire qu'ils suffisent, on ne laisse pas d'aspirer aux souverains.

*Comme on doit exhorter une personne
à agirée de contraires passions.*

CHAPITRE III.

C'Est donc un grand travail au Predicateur de veiller en ses remonstrances aux secrets mouuemens d'un chacun; & comme ceux qui se

dressent aux exercices, se tourner habilement d'un costé & d'autre : neantmoins il a beaucoup plus de peine encor, quand il est contraint d'exhorter vne mesme personne sujette à des vices du tout contraires. Pource qu'il se trouuera quelque fois tel homme qui ne sera que de trop gaye humeur, & toutesfois s'il luy suruient quelque occasion de fascherie, le voila soudainement accablé d'une tristesse démesurée. Il faudra donc que le Predicateur fasse si bien, que le tirant de cette tristesse excessiue, arriuée par occasion, il n'accroisse point la ioye dont par cōplexion il sur-abonde. Et qu'il retienne aussi cette humeur gaye, sans augmenter neantmoins le triste ennuy que le temps & les affaires luy donnent. L'un d'ordinaire s'empporte de precipitation, & quelquesfois

pourtant vne crainte qui soudainement le saisit, l'empeschera de faire ce qu'il deuroit promptement executer. L'autre souuent est abbatu d'un excez de timidité, mais quelquesfois cependant il se precipitera temerairement en ce qu'il desire. Il faut reprendre en celuy-là certes la crainte subite, en sorte que la precipitation qui luy est comme naturelle, ne soit pas entretenüe. Et pareillement on doit arrester la soudaine precipitation de celuy-cy, de telle façon que la crainte familiere n'en soit pas augmentée.

Quel sujet auroit-on de s'esmerveiller que le Medecin des ames observe ces choses, si le Medecin des corps se comporte ainsi. Car souuent vn corps debile se trouuera chargé d'une excessiue langueur. Pour

DV DEVOIR DES PAST. 469
xciter cette langueur stupide, il est
besoin de forts medicaments; mais la
foiblesse où est le corps ne peut por-
ter la force de ces remedes. C'est
pourquoy le Medecin tasche de sou-
traire cette maladie en telle façon
qu'il n'affoiblisse pas le corps, de peur
queluy voulant oster cette langueur,
luy oste aussi la vie: Il compose
donc son medicamēt avec tant de dis-
cretion, qu'il remedie & à la langueur
& à la foiblesse. Et par ce moyen la
medecine corporelle appliquée en vn
mesme temps, sert à diuerses choses.
Car elle est alors vrayment medecine,
quand elle secourt tellement en la
maladie, qu'elle aide encor en la com-
plexion. Qui gardera donc que la me-
decine de l'ame ne remedie diuerse-
ment aux maladies des mœurs, qui est
l'autant plus subtile, qu'elle ne traite
que de choses inuisibles?

Qu'il faut quelques fois quitter les moindres pechez, pour donner ordre aux plus grands.

CHAPITRE IV.

ET pource que souuent il arriue, que deux vices differents attaquent vne personne, l'vn desquels est moindre, & l'autre plus dangereux; on doit alors donner plustost remede à celuy de qui le peril est plus proche, & plus à craindre : Et si l'on peut empescher la ruine qui vient de ce costé, sans donner accroissance à son contraire, on tolerera que le Predicateur en sa predication, artistement conduite, laisse fortifier l'vn, afin de retenir l'autre qui menace de

mort. Pource que faisant ainsi, ce n'est pas engreger le mal, mais bien medicamenter le malade, & luy conseruer la vie, en attendant l'opportunité de le remettre en parfaite santé. Pource que souuent il arriue qu'un homme ne se moderant pas en la bonne chere, est pressé des aiguillons de l'impudicité, qui déjà presque le surmonte. A raison dequoy craignant l'euement de ce combat, comme il s'efforce de se retraindre par l'abstinence, il se void aussi tost attaqué d'une tentation de vaine gloire,

En ce cas donc vn vice ne se peut esteindre sans entretenir l'autre. Or auquel faudra-t'il piustost obuier, si non à celui qui presse plus dangereusement? Car on doit tollerer que par la vertu de l'abstinence, l'arrogance s'éleue contre le viuant, de peur que

Qu'il faut quelque fois quitter les moindres pechez, pour donner ordre aux plus grands.

CHAPITRE IV.

ET pource que souuent il arriue, que deux vices differents attaquent vne personne, l'un desquels est moindre, & l'autre plus dangereux; on doit alors donner plustost remede à celuy de qui le peril est plus proche, & plus à craindre : Et si l'on peut empescher la ruine qui vient de ce costé, sans donner accroissance à son contraire, on tolerera que le Predicateur en sa predication, artistement conduite, laisse fortifier l'un, afin de retenir l'autre qui menace de

mort. Pource que faisant ainsi, ce n'est pas engreger le mal, mais bien medicamenter le malade, & luy conseruer la vie, en attendant l'opportunité de le remettre en parfaite santé. Pource que souuent il arriue qu'un homme ne se moderant pas en la bonne chere, est pressé des aiguillons de l'impudicité, qui déjà presque le surmonte. A raison dequoy craignant l'euement de ce combat, comme il s'efforce de se restraindre par l'abstinence, il se void aussi tost attaqué d'une tentation de vaine gloire,

En ce cas donc un vice ne se peut esteindre sans entretenir l'autre. Or auquel faudra-t'il plustost obuier, sinon à celui qui presse plus dangereusement? Car on doit tollerer que par la vertu de l'abstinence, l'arrogance s'éleue contre le viuant, de peur que

par la gourmandise la lubricité ne le priue de vie. D'où vient que sainct Pol considerant l'infirmité de son auditeur, ou qu'il vouloit continuer à mal faire, ou qu'il desiroit s'éjouir pour ses bonnes actions, du fruit des louanges humaines, disoit, Veux-tu ne craindre point la puissance, fay bien, & tu seras loué d'elle. Ce n'est pas qu'il faille bié faire pour ne craindre aucunement la puissance du monde, ny pour la vanité d'une perissable louange; mais voyant une ame infirme, ne pouuoit atteindre à une si grande perfection que d'éuiter la malice, & mespriser la louange: comme vn excellent Predicateur, en l'aduertissant il luy presentoit quelque chose, & luy retranchoit aussi quelque autre chose. Pource que luy concedant ce qui estoit de moindre considera-

tion, il luy ostoit ce qui estoit de plus nuisible, afin que ne pouuant tout quitter en vn mesme temps, il luy laissast familièrement quelque chose du sien, le priuant aussi plus aisement de ce qui estoit en elle.

*Qu'on ne doit prescher aux esprits foibles,
des choses hautes.*

CHAPITRE V.

DE plus, que le Predicateur soit aduerty de ne tirer l'esprit de son auditeur outre ses forces, de peur qu'estant tendu, s'il faut ainsi dire, plus que sa portee ne le permet, la corde de son entendement ne vienne à se rompre. Pour ce sujet la Verité mesme disoit, quel pensez-vous estre, le fidele &

prudent dispensateur que le Seigneur a commis sur sa famille, afin de luy donner la mesure de fourment en son temps ? Par la mesure de fourment s'entend la distribution de la parole qui doit estre mesuree, de peur que donnant quelque chose qui ne puisse estre comprise d'un esprit peu capable, il ne soit épandu dehors. Aussi saint Pol disoit, Je n'ay peu vous parler comme à personnes spirituelles, estant encor charnels : mais comme à des enfans de Iesus-Christ, ie vous ay donné du laiët à boire, & non de la viande solide.

Et c'est encor pour cette raison que Moysë sortant des conferences qu'il auoit avec Dieu, couuroit d'un voile sa face esclatante deuant le peuple, pource qu'il ne découuroit pas aux troupes les secrets de la lumiere inte-

rieure. Aussi la voix Diuine commande par le mesme, que quiconque auroit creusé vne cisterne, s'il estoit negligent de la couvrir, & qu'il y tombait, vn bœuf, ou vn asne, qu'il en restituast le prix. Dautant que le Docteur estant parueniu iusqu'au profond de la science, s'il ne la couure aux cœurs brutaux de ceux qui l'écourent, il est coupable s'il aduient qu'un esprit soit pur, ou impur, tombé en quelque scandale par ses paroles. De plus, c'est pource sujet qu'il fut dit au bien-heureux Iob, qui a donné l'intelligence au coq? à raison que le saint Predicateur est comme le coq qui chante la nuit, quand en vn temps obscur il vse de ces paroles de l'Apostre, Il est maintenant heure de nous éveiller, & de nous leuer. Et en vn autre lieu; lustes, éveillez-vous, &

pourtant vne crainte qui soudainement le saisit, l'empeschera de faire ce qu'il deuroit promptement executer. L'autre souuent est abbatu d'un excez de timidité, mais quelquesfois cependant il se precipitera temerairement en ce qu'il desire. Il faut reprimen en celuy-là certes la crainte subite, en sorte que la precipitation qui luy est comme naturelle, ne soit pas entretenue. Et pareillement on doit arrester la soudaine precipitation de celuy-cy, de telle façon que la crainte familiere n'en soit pas augmentée.

Quel sujet auroit-on de s'esmerveiller que le Medecin des ames observe ces choses, si le Medecin des corps se comporte ainsi. Car souuent vn corps debile se trouuera chargé d'une excessiue langueur. Pour

exciter cette langueur stupide, il est besoin de forts medicaments; mais la foiblesse où est le corps ne peut porter la force de ces remedes. C'est pourquoy le Medecin tasche de soustraire cette maladie en telle façon qu'il n'affoiblisse pas le corps, de peur que luy voulant oster cette langueur, il ne luy oste aussi la vie: Il compose donc son medicamēt avec tant de discretion, qu'il remedie & à la langueur & à la foiblesse. Et par ce moyen la medecine corporelle appliquée en vn mesme temps, sert à diuerses choses. Car elle est alors vrayment medecine, quand elle secourt tellement en la maladie, qu'elle aide encore en la complexion. Qui gardera donc que la medecine de l'ame ne remedie diuersement aux maladies des mœurs, qui est d'autant plus subtile, qu'elle ne traite que de choses inuisibles?

Qu'il faut quelque fois quitter les moindres pechez, pour donner ordre aux plus grands.

CHAPITRE IV.

ET pource que souuent il arriue, que deux vices differents atraquent vne personne, l'un desquels est moindre, & l'autre plus dangereux; on doit alors donner plustost remede à celuy de qui le peril est plus proche, & plus à craindre : Et si l'on peut empescher la ruine qui vient de ce costé, sans donner accroissance à son contraire, on tolerera que le Predicateur en sa predication, artistement conduite, laisse fortifier l'un, afin de retenir l'autre qui menace de

mort. Pource que faisant ainsi, ce n'est pas engreger le mal, mais bien medicamenter le malade, & luy conseruer la vie, en attendant l'opportunité de le remettre en parfaite santé. Pource que souuent il arriue qu'un homme ne se moderant pas en la bonne chere, est pressé des aiguillons de l'impudicité, qui déjà presque le surmonte. A raison dequoy craignant l'euement de ce combat, comme il s'efforce de se restreindre par l'abstinence, il se void aussi tost attaqué d'une tentation de vaine gloire,

En ce cas donc un vice ne se peut esteindre sans entretenir l'autre. Or auquel faudra-t'il plustost obuier, si non à celui qui presse plus dangereusement? Car on doit tollerer que par la vertu de l'abstinence, l'arrogance s'éleue contre le viuant, de peur que

par la gourmandise la lubricité ne le priue de vie. D'où vient que sainct Pol considerant l'infirmité de son auditeur, ou qu'il vouloit continuer à mal faire, ou qu'il desiroit s'éjouir pour ses bonnes actions, du fruit des louanges humaines, disoit, Veux-tu ne craindre point la puissance, fay bien, & tu seras loué d'elle. Ce n'est pas qu'il faille bié faire pour ne craindre aucunemēt la puissance du monde, ny pour la vanité d'une perissable louange; mais voyant vne ame infirme, ne pouuoit atteindre à vne si grande perfection que d'éuiter la malice, & mespriser la louange: comme vn excellent Predicateur, en l'aduertissant il luy presentoit quelque chose, & luy retranschoit aussi quelque autre chose. Pource que luy concedant ce qui estoit de moindre considera-

tion, il luy ostoit ce qui estoit de plus nuisible, afin que ne pouuant tout quitter en vn mesme temps, il luy laissast familièrement quelque chose du sien, le priuant aussi plus aisement de ce qui estoit en elle.

*Qu'on ne doit prescher aux esprits foibles,
des choses hautes.*

CHAPITRE V.

DE plus, que le Predicateur soit aduerty de ne tirer l'esprit de son auditeur outre ses forces, de peur qu'estant tendu, s'il faut ainsi dire, plus que sa portee ne le permet, la corde de son entendement ne vienne à se rompre. Pour ce sujet la Verité mesme disoit, quel pensez-vous estre, le fidele &

prudent dispensateur que le Seigneur a commis sur sa famille, afin de luy donner la mesure de fourment en son temps ? Par la mesure de fourment s'entend la distribution de la parole qui doit estre mesurée, de peur que donnant quelque chose qui ne puisse estre comprise d'un esprit peu capable, il ne soit épandu dehors. Aussi saint Pol disoit, Je n'ay peu vous parler comme à personnes spirituelles, estant encor charnels : mais comme à des enfans de Iesus-Christ, ie vous ay donné du lait à boire, & non de la viande solide.

Et c'est encor pour cette raison que Moysé sortant des conferences qu'il auoit avec Dieu, couuroit d'un voile sa face esclatante deuant le peuple, pource qu'il ne découuroit pas aux troupes les secrets de la lumière inte-

rieure. Aussi la voix Diuine commande par le mesme, que quiconque auroit creusé vne cisterne, s'il estoit negligent de la couvrir, & qu'il y tombait, vn bœuf, ou vn asne, qu'il en restituast le prix. D'autant que le Docteur estant paruenü iusqu'au profond de la science, s'il ne la couvre aux cœurs brutaux de ceux qui l'écourent, il est coupable s'il aduient qu'un esprit soit pur, ou impur, tombé en quelque scandale par ses paroles. De plus, c'est pource sujet qu'il fut dit au bien-heureux Iob, qui a donné l'intelligence au coq? à raison que le saint Predicateur est comme le coq qui chante la nuit, quand en vn temps obscur il vse de ces paroles de l'Apostre, Il est maintenant heure de nous éveiller, & de nous leuer. Et en vn autre lieu; lustes, éveillez-vous, &

ne pechez point. Or le coq, aux heures plus profondes de la nuit, chante avec plus de vehemence; mais quand le temps du matin approche, il extenuë, & abbaisse sa voix. Et celuy qui presche comme il faut, crie des choses manifestes aux cœurs encor obscurs, & ne declare rien des mysteres cachez, afin de leur faire entendre de plus subtiles cognoissances, quand ils approcheront de la lumiere de la Verité.

*Des œuvres, & de la parole du
Predicateur.*

CHAPITRE VI.

MAis cependant voicy que nous
sommes renuoyez aux affe-

ctions de charité, dont nous auons
 parlé cy-deuant; A ce que le Predica-
 teur se fasse plustost entendre de l'a-
 ction que de la voix, qu'en bien viuât
 il marque les pas que doiuent ensuiure
 ceux qui marchent souz sa conduite,
 & qu'il monstre plus en faisant, qu'en
 parlât le chemin qu'il leur faut tenir.
 Pource que le coq, dont nostre Sei-
 gneur préd la similitude, afin de nous
 figurer vn bon Predicateur, se dispo-
 sant de chanter, secoüe premierement
 les aisles, & se frappe soy-mesme, se
 rendant plus éveillé. D'autant qu'il
 est necessaire que ceux qui donnent
 les aduertissemens de la parole diuine,
 s'éveillent pour s'étudier à bien faire,
 à ce qu'ils n'excitent pas les autres de
 leur voix, estant eux-mesmes en-
 gourdis en leur action. Qu'il s'éuer-
 tuë premierement par des œuures su-

blimes, & alors qu'ils rendent les autres soucieux de bien viure : Qu'ils se frappent eux mesmes des ailes de la pensee; que par vne diligente recherche ils decouurent auparauant ce qu'il y a d'inutile, & de languissant en eux, & le corrigent exactement, puis en suite, que finalement ils reglent la vie des autres par leurs bonnes exhortations. Qu'ils taschent premierement d'amender avec des larmes, leurs propres defauts, & apres qu'ils fassent connoistre les imperfections qu'il faut corriger aux autres, & auant que de faire retentir les propos de leurs remonstrances, qu'ils fassent entendre par leurs bonnes ceuures, ce qu'ils ont entrepris de remonstrer.

LIVRE IV.

CHAPITRE VNIQUE.

OR à raison que d'ordinaire pendant que l'on s'acquitte du devoir de la predication, & selon qu'il est requis, l'esprit de celuy qui presche se soulevant, se sent émeu d'une secrette ioye de ce qu'il paroist; il est besoin que soigneusement il s'époinçone au vif d'une tres-sensible crainte, à ce que donnant remede aux maladies de ses auditeurs, afin de les remettre en bonne disposition, pour negliger son propre salut, il ne s'enfle de vaine gloire: que pour avoir soin des autres il ne s'oublie, & que pour les releuer il ne tombe luy mesme.

D'autant que l'esprit se flatte d'une certaine complaisance, alors que la vertu resiste aux vices pour le contentement qu'il en reçoit. Qui fait que l'on dédaigne en ces occasions, de se tenir sur ses gardes, & que l'on a trop de confiance de soy. Ce qu'espionnant subtilement le rusé tentateur, il ne manque point de représenter à la personne tout ce qu'elle a fait de bien, la portant à s'élever de presumption, comme si elle estoit plus excellente que les autres. D'où il arrive qu'aux yeux de son fol jugement, la memoire de ses vertus est la fosse de son precipice : & celui qui par la souvenance de ses bien-faits s'exalte devant l'auteur de l'humilité, tombe en ruine

C'est pour ce sujet qu'il est dit à l'ame superbe, d'autant plus que tu es belle, & plus tu descendras avec les incircconcis,

conçois, qui est comme luy dire ouvertement, pource que tu te glorifie de la beauté de tes vertus, cette beauté te fera choir. Davantage l'ame orgueilleuse pour ses propres vertus est ainsi reprouvée sous la figure de Ierusalem; Tu estois parfaite en ma beauté, dont ie t'auois parée, dit le Seigneur, mais te confiant de te voir belle, tu as paillardé en ton nom. Car vne ame s'esleue pour la confiance qu'elle a de sa beauté lors que se resiouyssant des merites de ses vertus elle s'en glorifie: mais cette mesme confiance la fait paillarder; attendu que ses propres pensées la deçoient, & le malin esprit la seduisant la corrompt d'une infinité de vices. Quant à ces paroles, tu as paillardé en ton nom, si tost qu'une ame quitte le respect de son Createur, elle recherche sa loüange particuliere, & commence de s'attribuer tout le

bien qu'ellen'auoit receu que pour en rendre graces à son donateur, elle desir accroistre la reputation de sa gloire, & tache de faire que chacun l'admire. Donc elle paillarde en son nom, pource qu'abandonnant la fidelité cōiugale de son Createur, elle se met par vn desir de vaine louange à l'esprit de corruption.

Ce qui faisoit dire à Daud, il a liuré les beautez & les vertus qu'ils auoient en seruitude, aux mains de l'ennemy: Car leurs vertus & leurs beautez sont liurées aux mains de l'ennemy, quand nostre ancié aduersaire s'empare d'vne ame par la presumption de ses bonnes œuures. Et quoy que cette presumption de vertu ne surmonte pas tousiours entierement, neantmoins elle tente en quelque façon, & bien souuent mesmes l'esprit des élus, mais il n'en est pas

si tost eleué que delaissé; puis en ce delaissement il se retrouue abbattu de crainte. Aussi pour ce sujet Dauid disoit encore; j'ay dit en mon abondance, le ne seray iamais esbranlé: Mais pource qu'il s'estoit enflé de cette confiance, vn peu apres il adioust ce qu'il experimenta; Vous auez destourné de moy vostre face, & ie suis deuenu troublé: Comme si plus clairement il eust dit, le me croyois trop fort au milieu des vertus, mais i'ay recogneu bien tost en quelles foiblesses i'estois abandonné. De plus, il dit en vn autre lieu; I'ay fait serment & pris resolution de garder vostre iustice. Mais d'autant qu'il n'estoit pas en ses forces de demeurer en la garde qu'il auoit iurée, incontinent il trouua quelle estoit son infirmité. Ce qui le fit incontinent auoir recours à la priere, disant; le

me suis en tout & par tout humilié,
Seigneur, viuifiez moy selon vostre
promesse.

Or la supreme bonté quelquefois
auant de produire les faueurs de son
assistance à l'homme, luy remet en
memoire son imbecilité, de peur
qu'il ne se glorifie des vertus qu'il luy
donne. A raison de cecy, toutes les
fois qu'Ezechiel est esleué pour les
contemplations celestes, il est premie-
remēt appelé fils de l'homme. Com-
me si le Seigneur luy donnoit ce ma-
nifeste aduertissement; Ne t'esleues
pas en ton cœur pour les choses qui
te sont manifestées, pense à ce que
tu es, à ce que penetrant les secrets
plus sublimes, tu sçaches que tu es
homme, & qu'estant rauy au dessus
de toy, tu retournes en toy-mesme,
retenu par le frein de ta propre con-
sideration & de ton infirmité. C'est

pourquoy lors qu'une personne est
 chatoüillée de quelque abondance
 de vertu, soudainement il luy con-
 vient destourner les yeux sur l'imbe-
 cilité de sa condition, & s'incliner
 salutairement en bas, pour voir non
 ce qu'elle fait de bien, mais pour ce
 qu'elle neglige de faire; afin que le
 cœur estant ravallé par le sentiment
 de ses imperfections, il en soit plus
 fortifié pour subsister deuant l'au-
 theur de l'humilité.

Car c'est pour ceste raison que
 souuent le Tout-puissant, quoy qu'il
 perfectionne en la plus grande par-
 tie l'esprit des gens de bien, il les
 laisse neantmoins imparfaits en
 quelque chose; à ce que pendant
 qu'ils esclatent admirablement en
 vertus, ils se desplaisent par la reco-
 gnissance des imperfections qu'ils
 sçauent estre en eux, qu'ils ne s'esse-

uent pour aucunes grandes choses, ayans beaucoup de peine à resister contre plusieurs petites, & que ne pouuant surmonter les moindres, ils ne se glorifient pas des principales.

Voila donc, cher amy, comme sollicité par mes propres deffauts, i'ay rasché de représenter les qualitez d'un bon Pasteur. Difforme Peintre que ie suis i'ay dépeind vn bel homme, & me suis messé de conduire les autres au port de la perfection, estant engagé moy-mesme dans les ondes du vice. Preseruez moy des naufrages de ceste vie sur la planche de vos oraisons, que la main de vos merites me soustienne & garde que ie ne coule au fonds, accablé de mon propre poids.

F I N.





